

萬 有 文 庫

第一集一千種

王雲五主編

水 經 注

(一)

鄒道元著

商務印書館發行

舊

萬有文庫

第一集一千種

總編纂者
王雲五

空軍軍官學校圖書館

登錄號 萬 0910

類號 083.11 / 1731

商務印書館發行

公用圖書
愛惜使用

水經注
(一)
鄒道元著

航空學校
第六期丙班學生
捐募圖書

國立中央圖書館
藏書

書

181



酈道元水經注原序

序曰。易稱天以一生水。故氣微於北方。而爲物之先也。玄中記曰。天下之多者水也。浮天載地。高下無所不至。萬物無所不潤。及其氣流。屈石精薄。膚寸不崇。朝而澤。合靈宇者。神莫與並矣。是以達者不能測其淵。沖而盡其鴻。深也。昔大禹記著山海。周而不備。地理誌其所錄。簡而不周。尙書本紀與職方俱略。都賦所述。裁不宣意。水經雖粗綴津緒。又闕旁通。所謂各言其志。而罕能備其宣導者矣。今尋圖訪蹟者。極聆州域之說。而涉土遊方者。寡能達其津照。縱髣前聞。不能不猶深屏營也。余少無尋山之趣。長遠問津之性。識絕深經。道淪要博。進無訪一。知二之機。退無觀隅。三反之慧。獨學無聞。古人傷其孤陋。捐喪辭書。達士嗟其面牆。默室求深。閉舟問遠。故亦難矣。然毫管闕天。歷筭時昭。飲河酌海。從性斯畢。竊以多暇。空傾歲月。輒述水經。布廣前文。大傳曰。大川相間。小川相屬。東歸於海。脈其枝流之吐納。診其沿路之所躔。訪瀆搜渠。緝而綴之。經有謬誤者。考以正文。所不載。非經水常源者。不在記注之限。但緜古芒昧。華戎代襲。郭邑空傾。川流戕改。殊名異目。世乃不同。川渠隱顯。書圖自負。或亂流而攝詭號。或直絕而生通稱。枉渚交奇。洄湍決瀆。躔絡枝煩。條貫系夥。十二經通。尙或難言。輕流細漾。固難辯究。正可自獻逕見之心。備陳輿徒之說。其所不知。蓋闕如也。所以撰證本經。附其枝要者。庶備忘誤之私。求其尋省之易。

水經注目錄

第一册

卷一 河水……………一

卷二 河水……………一六

卷三 河水……………三九

卷四 河水……………五五

卷五 河水……………七六

第二册

卷六 汾水 澮水 涑水 文水 原公水 洞過水 晉水 湛水……………一

卷七 濟水……………二三

卷八 濟水……………三七

卷九 清水 沁水 淇水 蕩水 洹水……………五六

卷十 濁漳水 清漳水……………八三

卷十一 易水 滌水……………一〇三

第三册

卷十二 聖水 巨馬水……………一

卷十三 灤水……………七

卷十四 濕餘水 沽河 鮑丘水 濡水 大遼水 小遼水 淇水……………二五

卷十五 洛水 伊水 灋水 澗水……………四四

卷十六 穀水 甘水 漆水 澹水 沮水……………六四

卷十七 渭水……………八六

卷十八 渭水……………九八

卷十九 渭水……………一〇二

第四册

卷二十 漾水 丹水……………一

卷二十一 汝水……………一三

卷二十二 潁水 洧水 潁水 潁水 潁水 渠……………二六

卷二十三	陰溝水	坂水	獲水	五四
卷二十四	睢水	瓠子河	汶水	六九
卷二十五	泗水	沂水	洙水	九〇

第五册

卷二十六	沫水	巨洋水	淄水	汶水	濰水	膠水	一					
卷二十七	沔水						二四					
卷二十八	沔水						三四					
卷二十九	沔水	潛水	湍水	均水	粉水	白水	比水	五〇				
卷三十	淮水							六四				
卷三十一	滄水	涪水	灑水	灑水	瀕水	濞水		八〇				
卷三十二	溲水	蘄水	決水	泚水	泄水	肥水	施水	沮水	漳水	夏水	羌水	九六
	涪水	梓潼水	涪水									九六

第六册

卷三十三	江水	一
------	----	---

卷三十四 江水……………一六

卷三十五 江水……………二六

卷三十六 青衣水 桓水 若水 沫水 延江水 存水 温水……………三八

卷三十七 淹水 葉榆河 夷水 油水 澧水 沅水 浪水……………五八

卷三十八 資水 漣水 湘水 灘水 漆水……………七八

卷三十九 滙水 深水 鍾水 耒水 涿水 漉水 瀏水 澗水 贛水 廬江水九四

卷四十 漸江水 斤江水 江以南至日南郡二十水 禹貢山水澤地所在……………一〇九

臣等謹案水經注四十卷。後魏酈道元撰。道元字善長。范陽人。官至御史中尉。自晉以來。注水經者。凡二家。郭璞注三卷。杜佑作通典時猶見之。今惟道元所注存。崇文總目稱其中已佚五卷。故元和郡縣志。太平寰宇記。所引滹沱水。涇水。洛水。皆不見於今書。然今書仍作四十卷。疑後人分析以足原數也。是書自明以來。絕無善本。惟朱謀埠所校。盛行於世。而舛謬亦復相仍。今以永樂大典所引。各按水名。遷條參校。非惟字句之訛。層出疊見。其中脫簡。有自數十字至四百餘字者。其道元自序一篇。諸本皆佚。亦惟永樂大典僅存。蓋當時所據。猶屬宋槧善本也。謹排比原文。與近本鉤稽校勘。凡補其闕漏者。二千一百二十八字。刪其妄增者。一千四百四十八字。正其臆改者。三千七百一十

五字。神明煥然。頓還舊觀。三四百年之疑竇。一旦曠若發蒙。是皆我皇上稽古右文。經籍道盛。瑯嬛宛委之祕。響然並臻。遂使前代遺編。幸逢昌運。發其光於蠹簡之中。若有神物。攜呵以待。聖朝而出者。是亦曠世之一遇矣。至於經文注語。諸本率多混淆。今考驗舊文。得其端緒。凡水道所經之地。經則云過。注則云逕。經則統舉都會。注則兼及繁碎地名。凡一水之名。經則首句標明。後不重舉。注則文多旁涉。必重舉其名。以更端。凡書內郡縣。經則但舉當時之名。注則兼考故城之迹。皆尋其義例。一一釐定。各以案語附於下方。至塞外羣流。江南諸派。道元足跡。皆所未經。故於灤河之正源。三藏水之次序。白檀要陽之建置。俱不免附會乖錯。甚至以浙江妄合姚江。尤爲傳聞失實。自我皇上命使履視。盡得其脈絡曲折之詳。御製熱河考灤源考證諸篇。爲之抉摘舛謬。條分縷擘。足永訂千秋。耳食沿訛。謹錄弁簡端。永昭定論。又水經作者。唐書題曰桑欽。然班固嘗引欽說。與此經文異。道元注亦引欽所作地理志。不曰水經。觀其涪水條中。稱廣漢已爲廣魏。則決非漢時。鍾水條中。稱晉寧。仍曰魏寧。則未及晉代。推尋文句。大抵三國時人。今旣得道元原序。知並無桑欽之文。則據以削去。舊題亦庶幾闕疑之義爾。乾隆三十九年十月恭校上。

總纂官侍讀臣紀昀

侍讀臣陸錫熊

纂修官舉人臣戴震

震



水經注

卷一

河水案二字原本誤連經文今改正近刻河水水下有一二等字乃明人臆加今刪去

崑崙墟在西北

三成爲崑崙丘。崑崙說曰：崑崙之山三級，下曰樊桐，一名板桐。案桐近刻訛作松二曰玄圃，一名閼風。上曰層

城。案層近刻作增一名天庭，是爲太帝之居。

去嵩高五萬里地之中也。

禹本紀與此同。高誘稱河出崑山，伏流地中萬三千里，禹導而通之。出積石山。按山海經：自崑崙至積

石，千七百四十里。案近刻千上有一字自積石出隴西郡至洛，準地志可五千餘里。又按穆天子傳：天子自崑山

案近刻作崑崙山入于宗周，乃里西土之數。自宗周灋水以西。案近刻作以西北衍北字至于河宗之邦，陽紆之山，三千有

四百里。自陽紆西至河首四千里，合七千四百里。外國圖又云：從大晉國正西七萬里，得崑崙之墟。諸

仙居之，數說不同。道阻且長，經記縣褻。案近刻訛作逕記縣褻水陸路殊，徑復不同。淺見末聞，非所詳究，不能不

聊述聞見，以誌差違也。

其高萬一千里。

山海經稱方八百里。高萬仞。郭景純以為自上二千五百餘里。淮南子稱高萬一千里百一十四步三

尺六寸。案三尺近刻
訛作二尺。

河水

春秋說題辭曰。河之為言荷也。荷精分布。懷陰引度也。釋名曰。河下也。隨地下處而通流也。考異郵曰。河者。水之氣。四瀆之精也。所以流化。元命苞曰。五行始焉。萬物之所由生。元氣之腴液也。管子曰。水者。

地之血氣。如筋脈之通流者。案近刻
脫如字。故曰水具財也。案具上近刻
有其字。五害之屬。案近刻
此四字。水最為大。案近
刻水

上有而
字衍。水有大小。有遠近。水出山而流入海者。命曰經水。引佗水入于大水及海者。命曰枝水。出于地

溝。流于大水及于海者。又命曰川水也。莊子曰。秋水時至。百川灌河。經流之大。孝經援神契曰。河者。水

之伯。上應天漢。新論曰。四瀆之源。河最高而長。從高注下。水流激峻。故其流急。徐幹齊都賦曰。川瀆則

洪河洋洋。發源崑崙。九流分逝。案逝近刻
訛作遊。北朝滄淵。驚波沛厲。浮沫揚奔。案浮近刻
訛作望。風俗通曰。江河淮

濟為四瀆。案近刻
在淮字下。河字。瀆。通也。所以通中國。垢濁。白虎通曰。其德著大。故稱瀆。釋名曰。瀆。獨也。各獨出

其所而入海。

出其東北陬。

山海經曰崑崙墟在西北河水出其東北隅爾雅曰河出崑崙墟案近刻脫此五字色白所渠并千七百一川

色黃物理論曰河色黃者衆川之流蓋濁之也案此十六字當是注內之小注故雜在百里一小曲千

里一曲一直矣漢大司馬張仲議曰案漢書大司馬史長安張戎師古河水濁清澄一石水六斗泥而

民競引河溉田令河不通利案令近刻訛作今至三月桃花水至則河決以其噎不洩也禁民勿復引河是黃

河兼濁河之名矣述征記曰盟津河津恆濁方江爲狹比淮濟爲闊寒則冰厚數丈冰始合車馬不敢

過要須狐行云此物善聽冰下無水乃過人見狐行方渡余按風俗通云里語稱狐欲渡河無如尾何

且狐性多疑故俗有狐疑之說亦未必一如緣生之言也

屈從其東南流入渤海案入下近刻有于字

山海經曰南即從極之淵也一曰中極之淵深三百仞惟馮夷都焉括地圖曰馮夷恆乘雲車駕二龍

案此十三字當亦是注內之小注故雜在所引山海經之間河水又出于陽紆陵門之山而注于馮逸之山穆天子傳曰天子西征

至陽紆之山河伯馮夷之所都居是惟河宗氏天子乃沈珪璧禮焉河伯乃與天子披圖視典以觀天

子之寶器玉果璇珠燭銀金膏等物皆河圖所載河伯以禮穆王視圖方乃導以西邁矣粵在伏羲受

龍馬圖于河八卦是也故命歷序曰河圖帝王之階圖載江河山川州界之分野後堯壇于河受龍圖

作握河記逮虞舜夏商咸亦受焉李尤盟津銘洋洋河水朝宗于海徑自中州龍圖所在淮南子曰昔

禹治洪水具禱陽紆蓋于此也高誘以為陽紆秦藪非也釋氏西域記曰阿耨達太山其上有大淵水

宮殿樓觀甚大焉山即崑崙山也穆天子傳曰天子升于崑崙觀黃帝之宮而封豐隆之葬案近刻作

豐隆之葬豐隆雷公也黃帝宮案此三字近刻即阿耨達宮也其山出六大水山西有大水名新頭河郭義

恭廣志曰甘水也在西域之東名曰新陶水山在天竺國西水甘故曰甘水有石鹽白如水精大段則

破而用之案大段朱謀埠云當作火煨非康泰曰安息月氏天竺至伽那調御皆仰此鹽釋法顯曰度葱嶺已入北天

竺境于此順嶺西南行十五日其道艱阻崖岸險絕其山惟石壁立千仞臨之目眩欲進則投足無所

下有水名新頭河昔人有鑿石通路施倚梯者凡度七百梯度已案近刻訛作凡躡懸絙過河河兩岸

相去咸八十步九譯所絕漢之張騫甘英皆不至也余證諸史傳即所謂罽賓之境有盤石之墜道狹

尺餘行者騎步相持絙橋相引二十許里案漢書今本作二千餘方到懸度阻險危害不可勝言郭義

恭曰烏秣之西有懸度之國山溪不通引繩而度故國得其名也其人山居佃于石壁間累石為室民

接手而飲所謂獲飲也有白草案近刻訛作白羊原小步馬有驢無牛是其懸度乎釋法顯又言度河

便到烏長國案長近刻烏長國即是北天竺佛所到國也佛遺足跡于此其跡長短在人心念至今猶爾

及曬衣石尚在新頭河又西南流屈而東南流逕中天竺國兩岸平地有國名毗荼佛法興盛又逕蒲

那般河案近刻河邊左右有二十僧伽藍此水逕摩頭羅國案逕字下近刻而下合新頭河自河以西

天竺諸國。自是以南。皆爲中國。人民殷富。中國者。服食與中國同。故名之爲中國也。泥洹已來。聖衆所行。威儀法則。相承不絕。自新頭河至南天竺國。迄于南海。四萬里也。案近刻四下有五字釋氏西域記曰。新頭河

經屬賓犍越摩訶刺諸國。而入南海是也。案詞近刻訛作河阿耨達山西南。有水名遙奴。山西南小東。有水名

薩罕。小東有水名恆伽。此三水同出一山。俱入恆水。康泰扶南傳曰。恆水之源。乃極西北出崑崙山中。

有五大源。諸水分流。皆由此五大源。枝扈黎大江。出山西北流。東南注大海。枝扈黎。卽恆水也。故釋氏

西域記。有恆曲之目。恆北有四國。最西頭恆曲中者是也。有拘夷那揭國。案揭近刻作竭下同法顯傳曰。恆水東

南流。逕拘夷那揭國。南城北。雙樹間。有希連禪河。河邊。世尊于此北首。般泥洹。分舍利處。支僧載外國

事曰。佛泥洹。後。天人以新白縹裹佛。以香花供養。滿七日。盛以金棺。送出王宮。度一小水。水名醯蘭那。

去王宮可三里許。在宮北。以旃檀木爲薪。天人各以火燒薪。薪了不燃。大迦葉從流沙還。不勝悲號。感

動天地。從是之後。他薪不燒而自燃也。王斂舍利。用金作斗量。得八斛四斗。諸國王。天龍神王。各得少

許。齋還本國。以造佛寺。阿育王起浮屠于佛泥洹處。雙樹及塔。今無復有也。此樹名娑羅樹。案娑羅近刻訛作婆

羅。其樹花名娑羅佉也。案佉近刻訛作法此花色白如霜雪。香無比也。竺枝扶南記曰。案枝原本訛作芝林楊國去金

陳國。步道二千里。車馬行無水道。舉國事佛。有一道人命過燒葬。燒之數千束樵。故坐火中。乃更著石

室中。從來六十餘年。尸如故不朽。竺枝目見之。案目近刻訛作自夫金剛常住。是明永存。舍利刹見。案刹近刻訛作利

畢天不朽。所謂智空罔窮。大覺難測者矣。其水亂流。注于恆。案近刻脫注字。恆水又東。逕毗舍利城北。案利近刻訛作

離。釋氏西域記曰。毗舍利。維邪離國也。支僧載外國事曰。維邪離國。去王舍城五十由旬。案十近刻訛作千。城

周圍三由旬。維詰家在大城裏宮之南。去宮七里許。屋宇壞盡。惟見處所爾。釋法顯云。城北有大林重

閣。佛住於此。本奄婆羅女家。施佛起塔也。案奄近刻作菴。城之西北三里。塔名放弓仗。恆水上流。有一國。國王

小夫人。案近刻作有一人。生肉胎。大夫人妒之。言汝之生。不祥之徵。即盛以木函。擲恆水中。下流。有國王

遊觀。見水上木函。開看。見千小兒。端正殊好。案好近刻作特。王取養之。遂長大。甚勇健。所往征伐。無不摧服。案

近刻作伏。次欲伐父王。本國王。大愁憂。小夫人問何故愁憂。王曰。彼國王有千子。勇健無比。欲來伐吾國。是

以愁爾。小夫人言勿愁。但于城西作高樓。案西近刻作東。賊來時。上我置樓上。案此五字。近刻作置我樓上四字。則我能卻之。

王如是言。賊到。小夫人于樓上語賊云。汝是我子。何故反作逆事。賊曰。汝是何人。云是我母。小夫人曰。

汝等若不信者。盡張口仰向。小夫人。即以兩手搗乳。案搗近刻作將。乳作五百道。俱墜千子口中。賊知是母。即

放弓仗。父母作是思惟。案父母近刻作二父王。皆得辟支佛。今其塔猶在。案其近刻作二。後世尊成道。告諸弟子。是吾昔

時放弓仗處。後人得知。于此處立塔。故以名焉。千小兒者。即賢劫千佛也。釋氏西域記曰。恆曲中次東。

有僧迦扇柰揭城。案近刻僧訛作申。又城下衍也字。佛下三道寶階國也。案近刻脫道字。法顯傳曰。恆水東南流。逕僧迦施國

南。佛自忉利天。東下三道寶階。為母說法處。寶階既沒。阿育王子寶階處作塔。後作石柱。柱上作師子

像。外道少信。師子爲吼。怖效心誠。案近刻作怖懼心伏。恆水又東。逕罽賓饒夷城。城南接恆水。案近刻作饒夷城。

之西北六七里。恆水北岸。佛爲諸弟子說法處。恆水又東南。逕沙祇國北。出沙祇城南門道東。佛嚼楊

枝刺土中。生長七尺。不增不減。今猶尙在。恆水又東南。逕迦維羅衛城北。故淨王宮也。案故下近刻衍曰字。城東

五十里。有王園。園有池水。夫人入池洗浴。太子遂成井池。衆僧所汲養也。太子與難陀等撲象角力。射箭入地。今

太子墮地。行七步。二龍吐水浴太子。遂成井池。衆僧所汲養也。太子與難陀等撲象角力。射箭入地。今

有泉水。行旅所資飲也。釋氏西域記曰。城北三里。恆水上。父王迎佛處。作浮圖。作父抱佛像。案父近刻訛作佛。

外國事曰。迦維羅越國。案羅衛羅越。互相通稱。今無復王也。城池荒穢。惟有空處。有優婆塞姓釋。可二十餘家。是

昔淨王之苗裔。故爲四姓。住在故城中。爲優婆塞。故尙精進。猶有古風。彼日浮圖壞盡。條王彌更脩治。

一浮圖私訶條王送物助成。案送近刻訛作進。今有十二道人住其中。太子始生時。妙后所扳樹。樹名須訶。案近

刻脫阿育王以青石作后扳生太子像。昔樹無復有。後諸沙門取昔樹栽種之。展轉相承。到今樹枝如

昔尙蔭石像。又太子見行七步足跡。今日文理見存。阿育王以青石挾足跡兩邊。復以一長青石覆上。

國人今日恆以香花供養。尙見足七形。文理分明。今雖有石覆無異。或人復以數重吉貝。重覆貼著石

上。逾更明也。案吉貝近刻訛作古貝。太子生時。以龍王夾太子左右吐水。浴太子。見一龍吐水。煖。一龍吐水。冷。遂

成二池。今尙一冷一煖矣。太子未出家前十日。出往王田。閻浮樹下坐。樹神以七寶奉太子。太子不受。

于是思惟欲出家也。王田去宮一據。據者案一據下近刻訛作據左一據據右六字。晉言十里也。太子以三月十五日夜出

家。四天王來迎。各捧馬足。爾時諸神天人。側塞空中。散天香花。此時以至河南摩強水。即于此水邊作

沙門。河南摩強水。在迦維羅越北。相去十由旬。此水在羅閱祇瓶沙國。相去三十由旬。菩薩于是暫過

瓶沙。王出見菩薩。菩薩于瓶沙隨樓那果園中住一日。日暮便去。半達鉢愁宿。半達。晉言白也。鉢愁。晉

言山也。白山北去瓶沙國十里。明旦便去。暮宿曇蘭山。去白山六由旬。于是徑詣貝多樹。案徑近刻貝

多樹在閱祇北。案在下近刻有貝多二字。去曇蘭山二十里。太子年二十九出家。三十五得道。此言與經異。故記所

不同。竺法維曰。迦維衛國。案近刻作迦維國脫衛字。佛所生天竺國也。三千日月萬二千天地之中央也。康泰扶南

傳曰。昔范旃時。有罽楊國人家。翔梨。嘗從其本國到天竺。展轉流賈。至扶南。為旃說天竺土俗道法。流

通金寶委積。案委近刻詛作安。山川饒沃。恣所欲。案恣下近刻刻衍其字。左右大國。世尊重之。旃問云。案云近刻。今去何時

可到。幾年可迴。梨言天竺去此。可三萬餘里。往還可三年。踰及行。四年方返。以為天地之中也。案地近刻

竺恆水。又東逕藍莫塔。塔邊有池。池中龍守護之。阿育王欲破塔。作八萬四千塔。悟龍王所供。知非世

有。遂止。此中空荒無人。案近刻脫此中二字空荒作荒蕪。羣象以鼻取水洒地。若蒼梧會稽。象耕鳥耘矣。恆水又東至

五河口。案近刻河下有合字。蓋五水所會。非所詳矣。阿難從摩竭國向毗舍利。案舍利原本詛作舍離。欲般泥洹。諸天告阿

闍世王。王追至河上。案此句下近刻有毗舍離諸四字乃衍文。梨車聞阿難來。亦復來迎。俱到河上。阿難思惟。前則阿闍世

闍世王。王追至河上。舍離諸四字。乃衍文。梨車聞阿難來。亦復來迎。俱到河上。阿難思惟。前則阿闍世

王致恨。卻則梨車復怨。即于中河入火光。三昧燒具。兩般泥洹。案具兩。近刻身二分。分各在一岸。二王

各持半舍利。還起二塔。渡河南下。一由巡。案由巡。即由旬。書內到摩竭提國巴連弗邑。案弗。近刻佛。邑即是

阿育王所治之城。城中宮殿。皆起牆闕。雕文刻鏤。累大石作山。山下作石室。長三丈。廣二丈。高丈餘。有

大乘婆羅門子。名羅汰私婆。亦名文殊師利。住此城裏。爽悟多智。事無不達。以清淨自居。國王宗敬師

事之。賴此一人。宏宣佛法。外不能陵。凡諸國中。案原本及近刻。並惟此城為大。民人富盛。競行仁義。阿

育王壞七塔。作八萬四千塔。最初作大塔。在城南二里餘。案二。近刻此塔前有佛跡。起精舍。北戶向塔。案

戶。近刻塔南有石柱。大四五圍。案此四字。近刻高三丈餘。上有銘題云。阿育王以閻浮提布施四方。僧

還以錢贖塔。塔北三百步。案近刻。脫一塔字。阿育王于此作泥犁城。城中有石柱。案近刻。脫亦高三丈

餘。上有師子柱。有銘記作泥犁城。因緣及年數。日月恆水。又東南逕小孤石山。山頭有石室。石室南向。

佛昔坐其中。天帝釋以四十二事問佛。佛一一以指畫石。案此句原本脫。畫畫跡故在。恆水又西逕王

舍新城。是阿闍世王所造。出城南四里入谷。至五山裏。五山周圍。狀若城郭。即是萍沙王舊城也。案瓶

沙。互相東西五六里。南北七八里。阿闍世王始欲害佛處。其城空荒。又無人徑。入谷。傅山。案傅。近刻東

南上十五里。到耆闍崛山。未至頂三里。有石窟南向。佛坐禪處。西北四十步。案四。近刻復有一石窟。阿難

坐禪處。天魔波旬。化作雕鷲。恐阿難。案天。妖通。近佛以神力隔石。舒手摩阿難肩。怖即得止。鳥跡手孔

悉存。故曰雕鷲窟也。其山峯秀端嚴。是五山之最高也。釋氏西域記云。耆闍崛山在阿耨達王舍城東

北。西望其山。有兩峯雙立。相去二。三里。中道鷲鳥常居其嶺。土人號曰耆闍崛山。胡語耆闍鷲也。案胡

字近刻訛。在又竺法維云。羅閱祇國有靈鷲山。胡語云。耆闍崛山。山是青石。石頭似鷲鳥。

下。此處作山名耆闍鷲也。又竺法維云。羅閱祇國有靈鷲山。胡語云。耆闍崛山。山是青石。石頭似鷲鳥。

案近刻脫。阿育王使人鑿石。假安兩翼兩腳。鑿治其身。今見存。遠望似鷲鳥形。故曰靈鷲山也。數說不

同。遠邇亦異。今以法顯親宿其山。誦首楞嚴香華供養。聞見之宗也。又西逕迦那城南三十里。案近刻

三作。到佛苦行六年坐樹處。有林木。西行三里。到佛入水洗浴。天王按樹枝得扳出池處。又北行二里。

得彌家女奉佛乳糜處。從此北行二里。佛于一大樹下石上。東向坐食糜處。樹石悉在。廣長六尺。高減

二尺。國中寒暑均調。樹木或數千歲。乃至萬歲。從此東北行二十里。到一石窟。菩薩入中。西向結跏趺

坐。心念若我成道。當有神驗。石壁上即有佛影。見長三尺許。今猶明亮。時天地大動。諸天在空言。此非

過去當來諸佛成道處。去此西南行減半由旬。案旬近刻作延。貝多樹下。是過去當來諸佛成道處。諸天導引

菩薩起行。離樹三十步。天授吉祥草。菩薩受之。復行十五步。五百青雀飛來。繞菩薩三匝。西去。案西近刻作而。

菩薩前到貝多樹下。敷吉祥草。東向而坐。時魔王遣三玉女。從北來試菩薩。案近刻無此二字。魔王自從南來。

案近刻下。菩薩以足指按地。魔兵卻散。三女變為老姥。不自服。案朱謀埠云。不字疑脫。一莫字。佛于尼拘律樹下方

石上東向坐。案有兩峯雙立兩字起至此句向字止。黃省曾刻訛。梵天來詣佛處。案詣近刻四天王捧

鉢處皆立塔外國事曰毗婆梨佛在此一樹下六年長者女以金鉢盛乳糜上佛佛得乳糜住足尼連

禪河浴案近刻脫禪字浴竟于河邊噉糜竟擲鉢水中逆流百步鉢沒河中案沒近刻訛作投迦梨郊龍王接收在宮

供養先三佛鉢亦見佛于河傍坐摩訶菩提樹去貝多樹二里于此樹下七日思惟道成

魔兵試佛釋氏西域記曰尼連水南注恆水水西有佛樹佛于此苦行日食糜六年西去城五里許樹

東河上即佛入水浴處東上岸尼拘律樹下坐脩案拘律近刻作衢立舍女上糜于此于是西度水于六年樹南

貝多樹下坐降魔得佛也佛圖調曰佛樹中枯其來時更生枝葉竺法維曰六年樹去佛樹五里書其

異也法顯從此東南行還巴連弗邑順恆水西下得一精舍名曠野佛所住處復順恆水西下到迦尸

國波羅柰城竺法維曰波羅柰國在迦維羅衛國南千二百里中間有恆水東南流佛轉法輪處在國

北二十里樹名春浮維摩所處也法顯曰城之東北十里許即鹿野苑本辟支佛住此常有野鹿棲宿

故以名焉法顯從此還居巴連弗邑又順恆水東行其南岸有瞻婆大國釋氏西域記曰恆曲次東有

瞻婆國城南有卜佉蘭池案近刻訛作有佉下蘭池恆水在北案近刻訛作在北佛下說戒處也案下近刻訛作不恆水又逕波

麗國即是佛外祖國也法顯曰恆水又東到多摩梨耆國案耆近刻訛作帝下同即是海口也釋氏西域記曰大

秦一名梨耆康秦扶南傳曰從迦那調洲西南入大灣可七八百里乃到枝扈黎大江口度江逕西行

極大秦也又云發拘利口入大灣中正西北入可一年餘得天竺江口名恆水江口有國號擔秩案秩近刻

作屬天竺。遣黃門字與為擔袂王。釋氏西域記曰：恆水東流，入東海。蓋二水所注，兩海所納，自為東西

也。釋氏論佛圖調列山海經曰：案近刻脫調字西海之南，流沙之濱，赤水之後，黑水之前，有大山名崑崙。又曰

鍾山西六百里，有崑崙山，所出五水。祖以佛圖調傳也。又近推得康泰扶南傳，傳崑崙山正與調合。如

傳自交州至天竺最近。秦傳亦知阿耨達山是崑崙山。釋云：賴得調傳，豁然為解。乃宣為西域圖以語

法汰。法汰以常見怪，謂漢來諸名人不應河在敦煌南數千里而不知崑崙所在也。案河近刻訛作何釋云：復

書曰：案近刻訛作日按穆天子傳，穆王于崑崙側瑤池上，觴西王母。云去宗周瀍澗萬有一千一百里。何得不

如調言。子今見秦傳，非為前人不知也。而今以後，乃知崑崙山為無熱丘。何云乃胡國外乎。余考釋氏

之言，未為佳證。穆天子竹書及山海經皆埋縕歲久，編章稀絕，書策落次，難以緝綴。後人假合，多差遠

意。至欲訪地脈川，案欲近刻作若不與經符。驗程準途，故自無會。釋氏不復根其衆歸之鴻致。案衆近刻作艱陳其細

趣，以辨其非，非所安也。今按山海經曰：崑崙墟在西北，帝之下都。崑崙之墟，方八百里，高萬仞。上有木

禾，面有九井，以玉為檻，面有九門，門有開明獸守之。百神之所在。郭璞曰：此自別有小崑崙也。又按淮

南之書，崑崙之上，有木禾、珠樹、玉樹、璇樹、不死樹在其西。案近刻脫在沙棠、琅玕在其東，絳樹在其南，

碧樹、瑤樹在其北。旁有四百四十門，門間四里，里間九純，純丈五尺。旁有九井，玉橫維其西北隅，北門

開以納不周之風。傾宮旋室，縣圃涼風，樊桐在崑崙闔闔之中。是其疏圃、疏圃之池，浸之黃水。黃水三

周復其源。是謂丹水。飲之不死。河水出其東北陬。赤水出其東南陬。洋水出其西北陬。凡此四水。帝之

神泉。以和百藥。以潤萬物。崑崙之丘。或上倍之。是謂涼風之山。登之而不死。或上倍之。是謂玄圃之山。

登之乃靈。能使風雨。或上倍之。乃維上天。登之乃神。是謂太帝之居。禹乃以息土填鴻水。以為名山。掘

崑崙虛。以為下地。高誘曰。地或作池。案此下。近刻有山海經曰。不周之山。不周之北門。以納不周之

以髣髴。近佛圖調之說。阿耨達六水。蔥嶺于闐二水之限。案佛圖調。近刻與經史諸書。全相乖異。又按

十洲記。案近刻訛作崑崙山。案山下。近刻在西海之戌地。北海之亥地。案北。近刻去岸十三萬里。有弱水。

周帀繞山。案近刻作周迴繞東南接積石圃。西北接北戶之室。東北臨大閼之井。案閼。近刻西南近承淵

之谷。案近刻此四角大山。實崑崙之支輔也。積石圃南頭。昔西王母告周穆王云。去咸陽四十六萬里。

山高平地三萬六千里。上有三角面。方廣萬里。形如偃盆。下狹上廣。案近刻脫故曰崑崙山。有三角。其

一角正北。干辰星之輝。案干。近刻名曰闔風巔。其一角正西。名曰玄圃臺。其一角正東。名曰崑崙宮。其

處有積金。為天墉城。面方千里。城上安金臺五所。玉樓十二。其北戶山。案山。近刻承淵山。又有墉城。金

臺玉樓。相似如一。淵精之闕。光碧之堂。瓊華之室。紫翠丹房。景燭日暉。案近刻朱霞九光。西王母之

所治。真官仙靈之所宗。上通旋機。案近刻元氣流布。玉衡常理。順九天而調陰陽。案玉衡常理。順九天。

九品物羣生。希奇特出。皆在于此。天人濟濟。不可具記。案下。張華敘東方朔神異經曰。上。今據十洲記

訂其北海外。又有鍾山。案近刻脫此八字。上有金臺玉闕。亦元氣之所含。案近刻作所合。天帝居治處也。案居近刻訛作君。下有所

字術。考東方朔之言。及經五萬里之文。難言佛圖調康泰之傳是矣。案佛近刻訛作浮。又脫傳字。六合之內。水澤之藏。

大非為巨。小非為細。存非為有。隱非為無。其所苞者。廣矣于中。同名異域。稱謂相亂。亦不為寡。至如東

海方丈。亦有崑崙之稱。西洲銅柱。又有九府之治。東方朔十洲記曰。方丈在東海中央。東西南北岸。相

去正等。方丈面各五千里。上專是羣龍所聚。有金玉琉璃之宮。三天司命所治處。羣仙不欲升天者。皆

往來也。張華敘東方朔神異經曰。崑崙有銅柱焉。其高入天。所謂天柱也。圍三千里。圓周如削。下有迴

屋。仙人九府治。上有大鳥。名曰希有。南向張左翼。覆東王公。右翼覆西王母。背上小處無羽。萬九千里。

西王母歲登翼上之東王公也。故其柱銘曰。崑崙銅柱。其高入天。圓周如削。膚體美焉。其鳥銘曰。有鳥

希有。綠赤煌煌。不鳴不食。東覆東王公。西覆西王母。王母欲東。登之自通。陰陽相須。惟會益工。遁甲開

山圖曰。五龍見。教天皇被跡。望在無外。柱州崑崙山上。榮氏注云。五龍治在五方。為五行神。案近刻脫五字。五

龍降天。皇兄弟十二人。分五方。為十二部。法五龍之跡。行無為之化。天下仙聖治。在柱州崑崙山上。無

外之山。在崑崙東南萬二千里。五龍天皇皆出此。中為十二時神也。山海經曰。崑崙之丘。實惟帝之下

都。其神陸吾。是司天之九部。及帝之囿時。然六合之內。其苞遠矣。幽致沖妙。難本以情。萬像遐淵。案此

刻衍一思絕根尋。自不登兩龍于雲轍。騁八駿于龜途。等軒轅之訪百靈。方大禹之集會計。儒墨之說。案此

孰使辨哉。

又出海外南至積石山下有石門。案此下原本及近刻有河水冒以西南流七字。考山海經云積石之山北然後轉東北流形勢適合石門當在折西之處不得云西南流也。作水經者誤以為河自石門潛行地中而入蔥嶺然後復出故不取冒以西南流之語。下文入蔥嶺則上不得言其流當是後人見山海經河水冒以西南流句與下有石門相連遂掇其語于此又因下文言南入蔥嶺更臆改西流為西南流耳。杜佑通典兩引水經南至積石山下有石門即接以又南入蔥嶺山又從蔥嶺出而東北流絕不及河水冒以西南流七字其為唐時本所無甚明。今據通典訂正刪去七字。

山海經曰河水入渤海又出海外。案近刻訛作出西北入禹所導積石山。山在隴西郡河關縣西南羌

中。余考羣書咸言河出崑崙重源潛發淪于蒲昌出于海水。故洛書曰河自崑崙出于重野。謂此矣。逕

積石而為中國河。故成公子安大河賦曰覽百川之宏壯莫尚美于黃河。潛崑崙之峻極出積石之嵯

峨。釋氏西域記曰河自蒲昌潛行地下南出積石而經文在此似如不比積石宜在蒲昌海下矣。案山

云海內崑崙之墟在西北河水出東北隅以行其北西南入渤海又出海外即西而北入禹所導積石

山。水經蓋本其說後記蔥嶺于闐河則又本之西域傳其書雜襲而成故漫無倫次。道元則以蔥嶺于

闐之河入蒲昌海潛行地中復出為積石河。蔥嶺在今回部葉爾羌西于闐即和闐在葉爾羌東南蒲

昌海即羅布淖爾在闐展西南積石山在青海境積石之西五六百里即星宿海。今呼鄂敦塔拉朱思

本所謂水從地湧出如井其井百餘者也。道

元言河之所潛出于積石宜即指星宿海。

卷二

河水案二字原本誤連經文今改正近刻篤題

又南入蔥嶺山又從蔥嶺出而東北流案原本及近刻脫此九字杜佑通典引水經

河水重源有三非惟二也一源西出捐毒之國案捐毒近刻蔥嶺之上西去休循二百餘里皆故塞種

也南屬蔥嶺高千里西河舊事曰蔥嶺在敦煌西八千里其山高大上生蔥故曰蔥嶺也河源潛發其

嶺分為二水一水西逕休循國南在蔥嶺西郭義恭廣志曰休循國居蔥嶺其山多大蔥又逕難兜國

北北接休循西南去罽賓國三百四十里河水又西逕罽賓國北案此九字原本及近刻並訛作經考

源西流逕休循難兜罽賓月氏安息入月氏之破塞王南君罽賓治循鮮城土地平和無所不有金銀

珍寶異畜奇物踰于中夏大國也山險有大頭痛小頭痛之山赤土身熱之阪人畜同然河水又西逕

月氏國南案此九字原本及治監氏城其俗與安息同匈奴冒頓單于破月氏殺其王以頭為飲器國

遂分遠過大宛西居大夏為大月氏其餘小衆不能去者共保南山羌中號小月氏故有大月氏小月

氏之名也又西逕安息國南案此七字原本及城臨媯水地方數千里最大國也有商賈車船行旁國

畫革旁行為書記也河水與蜺羅跋禰水同注雷翥海案此十三字原本及近刻並訛作經釋氏西域

記曰蜺羅跋禰出阿耨達山之北西逕于闐國案四字近刻漢書西域傳曰于闐之西水皆西流注西

海案之近刻作以又西逕四大塔北案此七字原本及近刻並訛作經考注內言蔥嶺西流之水因連

注下有于字

經文消素。釋法顯所謂糺尸羅國。案糺近刻作漢言截頭也。佛為菩薩時以頭施人。故因名國。國東有

今改正。投身餉餓虎處。皆起塔。案餉近刻作餒。又西逕捷陀衛國北。案此八字原本及是阿育王子法益所治邑。佛為

菩薩時亦于此國以眼施人。其處亦起大塔。又有弗樓沙國。案弗近刻天帝釋變為牧牛小兒。聚土為

佛塔。法王因而成大塔。所謂四大塔也。法顯傳曰。國有佛鉢。月氏王大興兵眾來伐此國。欲持鉢去。置

鉢象上。象不能進。更作四輪車載鉢。八象共牽。復不進。王知鉢緣未至。于是起塔。留鉢供養。鉢容二斗。

雜色而黑多。四際分明。厚可二分。甚光澤。貧人以少花投中。便滿。富人以多花供養。正復百千萬斛。終

亦不滿。佛圖調曰。案近刻佛鉢。青玉也。受三斗許。彼國寶之。供養時。願終日香花不滿。則如言。願一把

滿。則亦便如言。又按道人竺法維所說。佛鉢在大月支國。起浮圖高三十丈。七層。鉢處第二層。金絡絡

鎖。縣鉢。鉢是青石。或云懸鉢虛空。案旁行爲書記也。爲字起至此句。虛字止。近刻訛在後。須菩提置鉢

在金机上。佛一足跡。與鉢共在一處。國王臣民。悉持梵香七寶璧玉。供養塔跡。佛牙袈裟。頂相舍利。悉

在弗樓沙國。釋氏西域記曰。捷陀越王城西北。案捷近刻有鉢。吐羅越城。佛袈裟王城也。東有寺。重復

尋川水西北十里。有河步羅龍淵。佛到淵上浣衣處。案近刻浣石尚存。其水至安息。注雷翥海。案注內

跋禘水。又曰。捷陀越西。西海中有安息國。竺枝扶南記曰。安息國去私訶條國二萬里。國土臨海上。即

漢書天竺安息國也。戶近百萬。最大國也。漢書西域傳又云。梨軒條支。臨西海。案梨近刻長老傳聞。條支

有弱水。西王母亦未嘗見。自條支乘水西行。可百餘日。近日所入也。或河水所通西海矣。故涼土異物。志曰：蔥嶺之水。分流東西。西入大海。東為河源。禹記所云崑崙者焉。張騫使大宛而窮河源。謂極于此。而不達于崑崙也。河水自蔥嶺分源。東逕迦舍羅國。案迦近刻作伽。釋氏西域記曰：有國名伽舍羅逝。此國狹小而總萬國之要道。無不由。城南有水。東北流出羅逝西山。山即蔥嶺也。逕岐沙谷。出谷分為二水。一水東流。逕無雷國。北治盧城。其俗與西夜子合同。案其字原本訛在俗與下。今據文義改正。又東流。逕依耐國。北去無雷五百四十里。俗同子合。河水又東。案此四字近刻作又東流三字。逕蒲犁國。北治蒲犁谷。北去疏勒五百五十里。俗與子合同。河水又東。逕皮山國。北案此九字原本及近刻並訛作經。考注文：蔥嶺河自岐沙谷分為二。此先敘南河。逕無雷。依耐。蒲犁。皮山。而東合於闐河。不得與經淆。案今改正。治皮山城。西北去莎車三百八十里。

其一源出于闐國南山。北流與蔥嶺所出河合。案原本及近刻並脫所出二字。今據通典補正。又東注蒲昌海。案原本及近刻並脫又字。今據通典

河水又東與于闐河合。案此九字近刻訛作經。原本仍屬注文。南源導于闐南山。俗謂之仇摩置。自置北流。逕于闐國西

治。西城土多玉石。案土近刻訛作上。西去皮山三百八十里。東去陽關五千餘里。釋法顯自烏帝西南行。路中

無人民。沙行艱難。所逕之苦。人理莫比。在道一月五日。得達于闐。其國殷庶。民篤信。多大乘學。威儀齊

整。器鉢無聲。城南十五里。案城南近刻訛作南城。有利刹寺。中有石鞞。石上有足跡。彼俗言是辟支佛跡。法顯所

不傳。疑非佛跡也。又西北流。注于河。案此七字原本及近刻並訛作經。今考即經所謂北注蔥嶺河也。

南河又東逕于闐國北。案此九字原本及近刻並訛作經。考上下文並注內敘蔥嶺南河。今改正。釋氏西域記

曰。河水東流三千里。至于闐。屈東北流者也。漢書西域傳曰。于闐已東。水皆東流。南河又東北逕扞彌

國北。案此十字原本及近刻並訛作經。治扞彌城西。去于闐三百九十里。南河又東逕精絕國北。西去扞彌四百六十

里。南河又東逕且末國北。案此九字原本及近刻並訛作經。又東。右會阿耨達大水。釋氏西域記曰。阿耨達山西北有

大水。北流注牢蘭海者也。其水北流。逕且末南山。又北逕且末城西。國治且末城西。通精絕二千里。東

去鄯善七百二十里。種五穀。其俗案近刻訛作兵俗。略與漢同。又曰。且末河東北流。逕且末北。又流而左。會南

河。會流東逝。通為注濱河。注濱河又東逕鄯善國北。治伊循城。故樓蘭之地也。樓蘭王不恭于漢。元鳳

四年。霍光遣平樂監傅介子刺殺之。更立後王。漢又立其前王質子尉屠耆為王。更名其國為鄯善。百

官祖道橫門。王自請天子曰。身在漢久。恐為前王子所害。國有伊循城。土地肥美。願遣將屯田積粟。令

得依威重。遂置田以鎮撫之。敦煌索勸。字彥義。有才略。刺史毛奕表行貳師將軍。將酒泉敦煌兵千人。

至樓蘭屯田。起白屋。召鄯善焉耆龜茲三國兵各千。橫斷注濱河。河斷之日。水奮勢激。波陵冒堤。勸厲

聲曰。王尊建節。案尊近刻訛作遵。河堤不溢。王霸精誠。呼沱不流。水德神明。古今一也。勸躬禱祀。水猶未減。乃

列陣被杖。鼓譟謹叫。且刺且射。大戰三日。水乃迴減。灌浸沃衍。胡人稱神。大田三年。積粟百萬。威服外

國其水東注澤案注內敘蔥嶺南河合于闐河終於此澤在樓蘭國北扞泥城其俗謂之東故城去陽關千六百里西北

去烏壘千七百八十五里至墨山國千八百六十五里案八百近刻訛作三百西北去車師千八百九十里土地

沙鹵少田仰穀旁國國出玉多葭葦檉柳胡桐白草國在東垂當白龍堆乏水草常主發導負水擔糧

迎送漢使故彼俗謂是澤為牢蘭海也案澤原本訛作海據上文其水東注澤改正釋氏西域記曰南河自于闐東於北三

千里至鄯善入牢蘭海者也北河自岐沙東分南河即釋氏西域記所謂二支北流逕屈茨烏夷禪善

入牢蘭海者也北河又東北流分為二水枝流出焉北河自疏勒逕流南河之北案此二十五字原本及近刻並訛作經考

注文蔥嶺河自岐沙谷分為二此敘北河逕疏勒溫宿姑墨龜茲墨出注賓樓蘭入蒲昌海不得與經潘案今改正漢書西域傳曰蔥嶺以東南北有山相距千

餘里東西六千里河出其中案以上約舉漢書西域傳之文近刻西域上行暨于溫宿之南左合枝水

枝水上承北河于疏勒之東西北流逕疏勒國南又東北與疏勒北山水合水出北溪東南流逕疏勒

城下南去莎車五百六十里有市列西當大月氏大宛康居道釋氏西域記曰國有佛浴牀赤真檀木

作之方四尺王于宮中供養漢永平十八年耿恭以戊己校尉為匈奴左鹿蠡王所逼恭以此城側澗

傍水自金蒲遷居此城匈奴又來攻之壅絕澗水恭于城中穿井深一十五丈不得水吏士渴乏笮馬

糞汁飲之恭乃仰天歎曰昔貳師拔佩刀刺山飛泉湧出今漢德神明豈有窮哉整衣服向井再拜為

吏士禱之有頃水泉奔出眾稱萬歲乃揚水以示之虜以為神遂即引去後車師叛與匈奴攻恭食盡

窮困。乃煮鐵弩，食其筋革。恭與士卒同生死，咸無二心。圍恭不能下，關寵上書求救。建初元年，章帝納

司徒鮑昱之言。案章帝近刻遣兵救之。至柳中，以校尉關寵分兵入高昌，壁攻交河城。車師降，遣恭軍

吏范羌將兵二千人迎恭。遇大雪，丈餘，僅能至城中。夜聞兵馬大恐，羌遙呼曰。案遙近刻我范羌也。城

中皆稱萬歲。開門相持涕泣，尚有二十六人。衣履穿決，形容枯槁，相依而還。枝河又東，逕莎車國南。案

九字原本及近刻，並訛作經。今考注文，北河至溫宿，合枝河。因敘枝河逕疏勒莎車，至溫治莎車城西

南去蒲犁七百四十里。漢武帝開西域，屯田于此。有鐵山，出青玉。枝河又東，逕溫宿國南。案此九字近

之東南，逕溫宿國。又原本及近刻，並訛作經。考上下治溫宿城土地物類，與鄯善同。北至烏孫赤谷六

百一十里，東通姑墨二百七十里。于此枝河右入北河。案注內敘枝北河又東，逕姑墨國南。案此九字

刻，並訛作經。今考以下，皆姑墨川水注之。案姑字上近水導姑墨西北。案近刻歷赤沙山。案近刻東南

流，逕姑墨國西，治南城。案近刻脫南至于闐，馬行十五日。土出銅鐵及雌黃。其水又東南流，右注北河。

案河字近北河又東，逕龜茲國南。案近刻又東，左合龜茲川。水有二源，西源出北大山南。釋氏西域記

曰：屈茨北二百里，有山，夜則火光，晝日但煙。人取此山石炭，治此山鐵，恆充三十六國用。故郭義恭廣

志云。案近刻龜茲能鑄冶，其水南流，逕赤沙山。釋氏西域記曰：國北四十里，山上有寺，名雀離，大、清、淨。

又出山東南流。枝水左派焉。又東南，水流三分，右二水俱東南流，注北河。案北近刻東川水。案東字上

字。出龜茲東北。案近刻脫出字。歷赤沙積梨。案近刻脫歷字。南流。枝水右出。西南入龜茲城。音屈茨也。故延城矣。西去

姑墨六百七十里。川水又東南流。逕于輪臺之東也。昔漢武帝初通西域。置校尉屯田于此。搜粟都尉

桑弘羊奏言。故輪臺以東地廣饒水草。可溉田五千頃以上。案可近刻訛作有。其處溫和。田美。可益通溝渠。種

五穀。收穫與中國同。時匈奴弱。不敢近西域。于是徙莎車。相去千餘里。即是臺也。其水又東南流。右會

西川。枝水。水有二源。俱受西川。東流。逕龜茲城南。合為一水。水間有故城。蓋屯校所守也。其水東南注

東川。東川水又東南。逕烏壘國南。治烏壘城西。去龜茲三百五十里。東去玉門陽關二千七百三十八

里。與渠犂田官相近。土地肥饒。于西域為中。故都護治焉。漢使持節鄧吉。并護北道。故號都護。都護之

起。自吉置也。其水又東南。注大河。大河又東。右會敦薨之水。其水出焉耆之北。敦薨之山。在匈奴之西。

烏孫之東。山海經曰。敦薨之山。敦薨之水出焉。案近刻脫敦薨之山四字。而西流。注于泐澤。出于崑崙之東北。隅。實

惟河源者也。二源俱道西源。東流。分為二水。左水西南流。出于焉耆之西。案近刻脫左水二字。逕流焉耆之野。案

近刻訛作經。屈而東南流。案而字近刻訛作南。注于敦薨之渚。右水東南流。又分為二。左右焉耆之國。城居四水之中。

在河水之洲。治員渠城西。去烏壘四百里。南會兩水。同注敦薨之浦。東源東南流。分為二水。澗瀾雙引。

案澗字上近刻衍但字。洪湍濬發。俱東南流。逕出焉耆之東。導于危須國西。案國近刻訛作城。國治危須城西。去焉耆百

里。又東南。注流于敦薨之藪。川流所積。潭水斯漲。案潭近刻訛作渾。溢而為海。案而原本訛作流。據宋本改正。史記曰。焉耆近

海多魚鳥。東北隔大山，與車師接。敦薨之水，自西海逕尉犁國國治。尉犁城西去都護治所三百里。北

去焉耆百里。其水又西出沙山鐵關谷，又西南流逕連城。別注案近刻裂以為田。桑弘羊曰：臣愚以為

連城以西可遣屯田，以威西國。即此處也。其水又屈而南，逕渠犁國西。故史記曰：西有大河，即斯水也。

又東南流逕渠犁國治。渠犁城西北去烏壘三百三十里。漢武帝通西域，屯渠犁，即此處也。南與精絕

接，東北與尉犁接，又南流注于河。山海經曰：敦薨之水，西流注于泐澤。蓋亂河流自西南注也。河水又

東逕墨山國南，治墨山城，西至尉犁二百四十里。河水又東逕注賓城南，又東逕樓蘭城南而東注。案

十九字原本及近刻並訛作經。蓋發田士所屯。訛作發田士。近刻故城禪國名耳。河水又東注于泐澤。案此八字原本及

考北河自岐沙東分南河至此。乃注內敘蔥嶺北河所終。即經所謂蒲昌海也。水積鄯善之東北，龍城之西南。龍城故姜賴之虛。案

刻訛胡之大國也。蒲昌海溢案近刻盪覆其國。城基尚存而至大。案近刻晨發西門，暮達東門，澮其崖

岸。案近刻訛作澮其岸岸。餘溜風吹，稍成龍形，西面向海。案四字上近因名龍城。地廣千里，皆為鹽而剛堅也。行

人所逕，畜產皆布氍毹之。掘發其下，有大鹽方如巨枕。案近刻以次相累，類霧起雲浮。案起近刻寡見

星日，少禽多鬼怪。西接鄯善，東連三沙，為海之北隘矣。故蒲昌亦有鹽澤之稱也。山海經曰：不周之山，

北望諸毗之山，臨彼岳崇之山，東望泐澤。河水之所潛也。其源渾渾泡泡者也。東去玉門陽關千三百

里。案漢書西域傳：蒲昌海去玉門陽關三百餘里。後漢書司惟水經注作千三百里。足證二書皆脫千字。廣輪四百里。案近刻作廣其水澄渟，冬夏不減。

其中洄湍電轉。為隱淪之脈。當其濃流之上。案近刻脫其字。飛禽奮翮于霄中者。無不墜于淵波矣。即河水之所潛。而出于積石也。

又東入塞。過敦煌酒泉張掖郡南。

河自蒲昌。有隱淪之證。並間關入塞之始。自此經當求實致也。河水重源。又發于西塞之外。出于積石之山。山海經曰。積石之山。其下有石門。河水冒以西流。案西下近刻衍南字。是山也。萬物無不有。案近刻下有焉字。禹貢

所謂導河自積石也。山在西羌之中。燒當所居也。延熹二年。西羌燒當犯塞。護羌校尉段熲討之。追出塞。至積石山。斬首而還。司馬彪曰。西羌者。自析支以西。濱于河首。左右居也。案左近刻訛作在。河水屈而東北

流。逕析支之地。案逕下近刻有於字。是為河曲矣。應劭曰。禹貢析支屬雍州。在河關之西。東去河關千餘里。羌人所居。謂之河曲。羌也。東北歷敦煌酒泉張掖南。應劭地理風俗記曰。敦煌案下酒泉張掖皆釋其義。此敦大也。酒泉。其水甘若酒味。故也。張掖。言張國臂掖。以威羌狄。說文曰。郡制天子地方千里。分為百縣。

縣有四郡。故春秋傳曰。上大夫縣。下大夫郡。至秦始皇置三十六郡。以監縣矣。從邑君聲。釋名曰。郡。羣也。人所羣聚也。黃義仲十三州記曰。郡之言君也。改公侯之封而言君者。至尊也。郡守專權。君臣之禮彌

崇。今郡字。君在其左。邑在其右。君為元首。邑以載民。故取名于君。謂之郡。漢官曰。秦用李斯議。分天下

為三十六郡。凡郡或以列國。陳魯齊吳是也。或以舊邑。長沙丹陽是也。或以山陵。太山山陽是也。或以

川原。西河河東是也。或以所出金城城下得金。酒泉泉味如酒。豫章樟樹生庭。鴈門鴈之所育是也。或

以號令。禹合諸侯。大計東冶之山。因名會稽是也。案因字近刻訛作國上衍會計二字。河逕其南而纏絡遠矣。河水自河

曲。又東逕西海郡南。案此十二字原本及近刻並訛作經。又訛作河。漢平帝時王莽秉政欲耀威德以水自東河曲考注義乃承上河曲之文今改正。漢平帝時王莽秉政欲耀威德以

服遠方。諷羌獻西海之地。置西海郡而築五縣焉。周海亭燧相望。莽篡政紛亂。郡亦棄廢。河水又東逕

允川而歷大榆小榆谷北。案此十五字原本及近刻並訛作經。羌迷唐鍾存所居也。永元五年貫友代聶尙為護羌校尉。

攻迷唐。斬獲八百餘級。收其熟麥數萬斛。于逢留河上築城以盛麥。且作大船。案且近刻訛作其。于河峽作橋

渡兵。迷唐遂遠依河曲。永元九年。案近刻訛作八年。迷唐復與鍾存東寇而還。十年謁者王信耿譚西擊迷唐

降之。詔聽還大小榆谷。迷唐。案此下近刻訛作種人二字。謂漢造河橋。案謂近刻作以。兵來無時。故地不可居。復叛居河曲。與

羌為讎。種人與官兵擊之。允川去迷唐數十里。營止遣輕兵挑戰。因引還。迷唐追之。至營因戰。迷唐敗

走。于是西海及大小榆谷。案近刻訛作脫谷字。無復聚落。隃糜相曹鳳上言。建武以來西戎數犯法。常從燒當種起

所以然者。以其居大小榆谷。土地肥美。又近塞內。與諸種相傍。南得鍾存以廣其衆。北阻大河。因以為

固。又有西海魚鹽之利。緣山濱河。以廣田蓄。案河近刻作水。故能彊大。常雄諸種。今黨援沮壞。案近刻訛作壞沮。親屬

離叛。其餘勝兵不過數百。宜及此時。建復西海郡縣。規固二榆。廣設屯田。隔塞羌胡。交關之路。殖穀富

邊。省輸轉之役。上拜鳳為金城西部都尉。遂開屯田二十七部。案近刻訛作屯字。列屯夾河。案近刻訛作屯二字。與建威相

首尾後羌反遂罷按段國沙州記吐谷渾于河上作橋謂之河厲長百五十步兩岸壘石作基陸節節相次大木從橫更鎮壓兩邊俱平案近刻相去三丈並大材以板橫次之施鉤欄甚嚴飾橋在清水川東也

又東過隴西河關縣北洮水從東南來流注之

河水右逕沙州北案右近刻段國曰澆河西南百七十里有黃沙沙南北百二十里東西七十里西極

大楊川案楊近望黃沙猶若人委乾糶于地案乾糶近都不生草木蕩然黃沙周迴數百里沙州于是

取號焉地理志曰漢宣帝神爵二年置河關縣蓋取河之關塞也風俗通曰百里曰同總名為縣縣玄

也首也從系倒首舉首易偏矣案此句有言當玄靜平徭役也釋名又曰縣懸也懸于郡矣黃義仲十

三州記曰縣弦也弦以貞直言下體之居鄰民之位不輕其誓施繩用法不曲如弦弦聲近縣故以取

名今系字在半也案此句有漢高帝六年案原本及近刻六並令天下縣邑城張晏曰令各自築其城

也河水又東北流入西平郡界左合二川南流入河又東北濟川水注之案此二十七字原本及近刻

至後敘洮水皆依經為水西南出濫瀆東北流入大谷謂之大谷水北逕澆河城西南北流注于河河

水又東逕澆河故城北案此十字原本及近刻並有二城東西角倚東北去西平二百二十里宋少帝

景平中拜吐谷渾阿豺為安西將軍澆河公即此城也河水又東北逕黃川城河水又東逕石城南左

合北谷水案此二十二字原本昔段熲擊羌于石城投河墜坑而死者八百餘人即于此也河水又東

北逕黃河城南案此十字原本及西北去西平二百一十七里河水又東北逕廣遠城北右合烏頭川

水案此十六字原本及近水發遠川引納支津北逕城東而北流注于河河水又東逕邯川城南案此九字

原本及近刻城之左右歷谷有二水案二近刻導自北山南逕邯亭注于河河水又東臨津溪水注之

並訛作經案此十字原本及水自南山北逕臨津城西而北流注于河河水又東逕臨津城北白土城南案此十字

近刻並訛作經本及十三州志曰左南津西六十里有白土城案近刻城在大河之北而為緣河濟渡之處案原

並訛作經作之北近刻處魏涼州刺史郭淮案淮為雍州刺史此云涼州誤破羌遮塞于白土即此處矣案塞近刻河水又東左

下復衍北字會白土川水案此十字原本及水出白土城西北下東南流逕白土城北又東南注于河河水又東北

會兩川右合二水案此十二字原本參差夾岸連壤負險相望河北有層山山甚靈秀山峯之上立石

數百丈亭亭桀豎競勢爭高遠望嶙嶙若攢岡之託霄上其下層巖峭壁舉岸無階懸巖之中多石室

焉室中若有積卷矣而世士罕有津達者案達近刻因謂之積書巖巖堂之內每時見神人往還矣蓋鴻

衣羽裳之士練精餌食之夫耳俗人不悟其仙者乃謂之神鬼彼羌目鬼曰唐述復因名之為唐述山

案之為近刻指其堂密之居謂之唐述窟其懷道宗玄之士皮冠淨髮之徒亦往棲託焉故秦川記曰

河峽崖傍有二窟一曰唐述窟高四十丈西二里有時亮窟高百丈廣二十丈深三十丈藏古書五筭

案近刻字亮南安人也下封有水案下封未詳導自是山溪水南注河謂之唐述水河水又東得野亭南

案此八字原本及近刻並訛作經今考南字案南字又東北流歷研川謂之研川水又東北注于河謂之野亭

口案亭近刻河水又東歷鳳林北案此八字原本及鳳林山名也五巒俱峙耆彥云案彥近刻昔有鳳

鳥飛遊五峰故山有斯目矣秦州記曰枹罕原北名鳳林川川中則黃河東流也河水又東與灘水合

案此八字原本及近刻並訛作經水導源塞外羌中故地理志曰其水出西塞外東北流歷野虜中逕消銅城西又東

北逕列城東案近刻脫北字考地說無目蓋出自戎方矣左合列水案合近刻水出西北溪東北流逕

列城北右入灘水案右近刻城居二水之會也灘水又北逕可石孤城西西戎之名也又東北右合黑

城溪水案右近刻水出西北山下案山近刻東南流逕黑城南又東南枝水左出焉又東南入灘水灘

水又東北逕榆城東榆城溪水注之水出素和細越西北山下東南流逕細越川案逕下近夷俗鄉名

也又東南出狄周峽東南右合黑城溪之枝津津水上承溪水東北逕黑城東東北注之榆溪又東南

逕榆城南東北注灘水灘水又東北逕石門口山高險峻絕案近刻對岸若門故峽得厥名矣疑即臯

蘭山門也漢武帝元狩三年驃騎霍去病出隴西至臯蘭謂是山之關塞也案謂字上近應劭漢書音

義曰案近刻脫臯蘭在隴西白石縣塞外案在字上近河名也孟康曰山關名也今是山去河不遠故

論者疑目河山之間矣灘水又東北臯蘭山水白山左右翼注灘水灘水又東白石川水注之水出縣

西北山下。案近刻脫山字。東南流。枝津東注焉。白石川水又南逕白石城西而注。灑水又東逕白石縣故

城南。王莽更曰順礫。闕駟曰白石縣在狄道西北二百八十五里。灑水逕其北。今灑水逕其南。案其字近刻訛

作東而不出其北也。灑水又東逕白石山北。應劭曰白石山在東。羅溪水注之。案近刻脫水字。水出西南山下。東

入灑水。灑水又東左合罕并南溪水。水出罕并西。案近刻脫一水字。東南流逕罕并南注之。案此二字近刻訛在前灑水逕東南

下。十三州志曰廣大阪在枹罕西北。罕并在焉。昔慕容吐谷渾自燕歷陰山西馳而創居于此。灑水又

東逕枹罕縣故城南。應劭曰故枹罕侯邑也。案枹罕近刻作罕羌。十三州志曰枹罕縣在郡西二百一十里。灑水

在城南門前東過也。灑水又東北故城川水注之。水有二源。南源出西南山下。東北流逕金紐大嶺北。

案紐大二字近刻訛作細北。又東北逕一故城南。又東北與北水會。北源自西南逕故城北。右入南水。亂流東北注

灑水。灑水又東北左合白石川之枝津。水上承白石川。東逕白石城北。又東絕罕并溪。又東逕枹罕城

南。又東入灑水。灑水又東北出峽北流。注于河。地理志曰灑水出白石縣西塞外。東至枹罕入河。河水

又逕左南城南。案此八字原本及近刻並訛作經。十三州志曰石城西一百四十里有左南城者也。津亦取名焉。大河

又東逕赤岸北。案此八字原本及近刻並訛作經。即河夾岸也。秦州記曰枹罕有河夾岸。岸廣四十丈。義熙中乞佛于

此河上作飛橋。橋高五十丈。三年乃就。河水又東。洮水注之。案此八字原本及近刻並訛作經。朱謀璋

屬注地理志曰水出塞外羌中。沙州記曰洮水與墊江水俱出嶺臺山。山南即墊江源。山東則洮水源

山海經曰。白水出蜀。郭景純注云。從臨洮之西。傾山東南流。入漢而至墊江。做段國。以為墊江水也。洮

水同出一山。故知嶺臺西傾之異名也。洮水東北流。逕吐谷渾中。案近刻脫逕字。吐谷渾者。始是東燕慕容之

枝庶。因氏其字。以為首類之種號也。故謂之野虜。自洮嶺南北三百里中。地草徧是龍鬚。而無樵柴。洮

水又東北流。逕洮陽。曾城北。案近刻脫洮字。沙州記曰。嶺城東北三百里。有曾城。城臨洮水者也。建初二年。羌

攻南部都尉于臨洮上。遣行車騎將軍馬防。與長水校尉耿恭救之。諸羌退聚洮陽。即此城也。洮水又

東。逕洪和山南。案洪近刻訛作共。城在四山中。洮水又東。逕迷和城北。羌名也。又東。逕甘枳亭。歷望曲。在臨洮

西南。案近刻脫臨洮二字。去龍桑城二百里。案近刻脫城字。洮水又東。逕臨洮縣故城北。禹治洪水。西至洮水之上。見長

人受黑玉。書于斯水上。洮水又東北流。屈而逕索西城。西。建初二年。馬防耿恭。從五溪。祥榼谷。出索西。

與羌戰。破之。築索西城。徙隴西南部。都尉居之。俗名赤水城。案近刻脫俗名二字。亦曰臨洮東城也。沙州記曰。從

東。洮至西。洮百二十里者也。洮水又屈而北。逕龍桑城西。而西北流。馬防以建初二年。從安故。五溪。出

龍桑。開通舊路者也。俗名龍城。洮水又西北。逕步和亭。東。步和川水注之。水出西山。下東北流。出山。逕

步和亭北。東北注洮水。洮水又北。出門峽。歷求厥川。葦川水注之。水出桑嵐。西溪。東流。歷桑嵐川。又東

逕葦川北。東入洮水。洮水又北。歷峽。逕偏橋。出夷始梁。右合葦塏川水。水東南出石底。橫下。北歷葦塏

川。西北注洮水。洮水又東北。逕桑城東。又北。會藍川水。水源出求厥川西北溪。案近刻作出來。歷川。東

西北注洮水。洮水又東北。逕桑城東。又北。會藍川水。水源出求厥川西北溪。案近刻作出來。歷川。東

北流逕藍川。歷桑城北。案近刻訛作東入洮水。洮水又北逕外羌城西。又北逕和博城東。城在山內。左

合和博川水。案水字近水出城西南山下。東北逕和博城南。東北注于洮水。洮水北逕安故縣故城西。

地理志。案志下近刻衍曰字。隴西之屬縣也。十三州志曰。縣在郡南四十七里。蓋延轉擊狄道安。故五溪反羌。案

近刻訛作及。大破之。即此也。洮水又北逕狄道故城西。案狄道原本並作降關駟曰。今日武始也。洮水在城

西北流。案北流近刻又北隴水注之。案隴近刻即山海經所謂濫水也。水出烏鼠山西北高城嶺。西逕

隴坻。案近刻脫隴其山岸崩落者。聲聞數百里。故揚雄稱響若坻頽是也。又西北歷白石山下。地理志

曰。狄道東有白石山。濫水又西北逕武街城南。案街近刻又西北逕狄道故城東。百官表曰。縣有蠻夷

謂之道。公主所食曰邑。案近刻訛作應劭曰。反舌左衽。不與華同。須有譯言。乃通也。漢隴西郡治。秦昭

王二十八年。置應劭曰。有隴坻在其東。故曰隴西也。神仙傳曰。封君達隴西人。服鍊水銀。年百歲。視之

如年三十許。騎青牛。故號青牛道士。王莽更郡縣之名。郡曰厭戎。縣曰操虜也。昔馬援為隴西太守。六

年為狄道開渠。引水種秔稻。而郡中樂業。即此水也。濫水又西北流。注于洮水。案流下近洮水右合二

水。左會大夏川水。案左近刻水出西山。二源合舍而亂流。逕金紐城南。案紐近刻訛十三州志曰。大夏

縣西有故金紐城。去縣四十里。本都尉治。又東北逕大夏縣故城南。地理志。案志下近刻衍曰字。王莽之順夏。晉

書地道記曰。縣有禹廟。禹所出也。又東北出山。注于洮水。洮水又北翼帶三水亂流。北入河。地理志曰

洮水北至枹罕東入河是也。

又東過金城允吾縣北。

金城郡治也。漢昭帝始元六年置。王莽之西海也。莽又更允吾為脩遠縣。河水逕其南。不在其北。南有湟水出塞外。東逕西王母石室石釜。西海鹽池北。故闕駟曰：其西即湟水之源也。地理志曰：湟水所出。

案出下近刻有也字。湟水又東南流逕龍夷城。故西零之地也。十三州志曰：城在臨羌新縣西三百一十里。王莽

納西零之獻以為西海郡。治此城。湟水又東南逕卑禾羌海。北有鹽池。闕駟曰：縣西有卑禾羌海者也。

世謂之青海。東去西平二百五十里。湟水東流逕湟中城北。故小月氏之地也。十三州志曰：西平張掖

之間。大月氏之別。小月氏之國。范曄後漢書曰：湟中月氏胡者。其王為匈奴所殺。餘種分散。西踰蔥嶺。

其弱者南入山。從羌居止。故受小月氏之名也。後漢西羌傳曰：羌無弋爰劍者。秦厲公時。以奴隸亡入

三河。羌怪為神。案近刻脫怪字。推以為豪。河湟之間多禽獸。以射獵為事。遂見敬信。依者甚眾。其曾孫忍因留

湟中為湟中羌也。湟水又東。右控四水。導源四溪。東北流注于湟。湟水又東。逕赤城北。而東入經戎峽

口。右合羌水。水出西南山下。案近刻脫一水字。逕護羌城東。故護羌校尉治。又東北逕臨羌城西。東北流注于

湟。案近刻脫注字。湟水又東。逕臨羌縣故城北。漢武帝元封元年。案元封近刻訛作元狩。以封孫都為侯國。王莽之監羌

也。謂之綏戎城。非也。湟水又東。盧溪水注之。水出西南盧川。東北流注于湟水。湟水又東。逕臨羌新縣

故城南。闕駟曰：臨羌新縣在郡西百八十里。湟水逕城南也。城有東西門，西北隅有子城。湟水又東，右合溜溪。伏溜石，杜蠡。四川東北流，注之。左會臨羌溪水。水發新縣西北，東南流，歷縣北，東南入湟水。湟水又東，龍駒川水注之。水右出西南山下。案右近刻東北流，逕龍駒城北，北流注于湟水。湟水又東，長寧川水注之。水出松山，東南流，逕晉昌城。案近刻晉昌川水注之。長寧水又東南，養女川水注之。水發養女北山，有二源，皆長湍，遠發南總一川，逕養女山，謂之養女川。闕駟曰：長寧亭北有養女嶺，卽浩疊山。西平之北山也。亂流出峽，南逕長寧亭。東城有東西門，東北隅有金城。在西平西北四十里。十三州志曰：六十里遠矣。長寧水又東南，與一水合，水出西山，東南流，水南山上。案南上近刻有風伯祠，春秋祭之。其水東南，逕長寧亭南，東入長寧水。長寧水又東南流，注于湟水。湟水又東，牛心川水注之。水出西南遠山。案西近刻東北流，逕牛心堆東，又北逕西平亭西，東北入湟水。湟水又東，逕西平城北，東城卽故亭也。漢景帝六年，封隴西太守北地公孫渾邪爲侯國。魏黃初中，立西平郡，憑倚故亭，增築南西北三城，以爲郡治。湟水又東，逕土樓南，樓北倚山原，峯高三百尺，有若削成。樓下有神祠，雕牆故壁存焉。闕駟曰：西平亭北有土樓神祠者也。今在亭東北五里。右則五泉注之，泉發西平亭北，鴈次相綴，東北流。至土樓南，北入湟水。湟水又東，右合蔥谷水。水有四源，各出一溪，亂流注于湟。湟水又東，逕東亭北，東出漆峽。山峽也，東流，右則漆谷常溪注之。左則甘夷川水入焉。湟水又東，安夷川水注之。水發遠山，西

北流控引衆川案近刻流訛北屈逕安夷城西北東入湟水湟水又東逕安夷縣故城城有東西門在

西平亭東七十里案在刻闕駟曰四十里湟水又東左合宜春水水出東北宜春溪西南流至安夷

城南案近刻入湟水湟水又東勒且溪水注之水出縣東南勒且溪北流逕安夷城東而北入湟水湟

水有勒且之名疑卽此號也闕駟曰金城河初與浩疊河合又與勒且河合者也湟水又東左則承流

谷水南入案左則近右會達扶東西二溪水參差北注亂流東出期頓雞谷二水北流注之案期字

流二又東案近刻脫吐那孤長門兩川南流入湟水六山名也案此四字原本訛在上亂流東出句下

名其水故總釋之湟水又東逕樂都城南東流右合來谷乞斤二水案近刻右訛作左會陽非流溪細

亦注內之小注谷三水東逕破羌縣故城南應劭曰漢宣帝神爵二年置城省南門十三州志曰湟水河在南門前東

過六谷水自南破羌川自北左右翼注湟水又東南逕小晉興城北故都尉治闕駟曰允吾縣西四十

里有小晉興城案城下近湟水又東與閤門河合卽浩疊河也出西塞外案西下近東入塞逕敦煌酒

泉張掖南東南逕西平之鮮谷塞尉故城南又東南與湛水合水有二源西水出白嶺下東源發于白

岸谷合爲一川東南流至霧山注閤門河閤門河又東逕養女北山東南左合南流川水水出北山案

刻脫一南流入于閤門河閤門河又東逕浩疊縣故城南王莽改曰興武矣闕駟曰浩讀閤也故亦曰

閤門水兩兼其稱矣又東流注于湟水故地理志曰浩疊水東至允吾入湟水湟水又東逕允吾縣北

爲鄭伯津與澗水合。案澗近刻訛作澗水出令居縣西北塞外。案出下近刻南流逕其縣故城西。漢武帝元鼎

二年置王莽之罕虜也。又南逕永登亭。西歷黑石谷。南流注鄭伯津。澗水又東逕允街縣故城南。漢宣

帝神爵二年置王莽之脩遠亭也。縣有龍泉。出允街谷。泉眼之中。水文成交龍。案交近刻訛作蛟或試撓破之。

尋平成龍。畜生將飲者皆畏避而走。謂之龍泉。下入湟水。湟水又東逕枝陽縣。逆水注之。水出允吾縣

之參街谷。東南流逕街亭城南。又東南逕陽非亭北。案亭北近刻訛作北亭又東南逕廣武城西。故廣武都尉治。

郭淮破叛羌。治無戴。案原本訛作故無載據三國志改正于此處也。城之西南二十許里。水西有馬蹏谷。漢武帝聞大宛

有天馬。遣李廣利伐之。始得此馬。有角爲奇。故漢武帝天馬之歌曰。案武帝二字近刻訛作賦字天馬來兮歷無草。

案近刻訛作皂逕千里兮循東道。案循近刻訛作巡胡馬感北風之思。遂頓羈絕絆。驤首而馳。晨發京城。夕至敦煌北

塞外。案夕字近刻作食時二字長鳴而去。因名其處曰候馬亭。今晉昌郡南。及廣武馬蹏谷盤石上。馬跡若踐泥中。

有自然之形。故其俗號曰天馬徑。夷人在邊效刻。是有大小之迹。體狀不同。視之便別。逆水又東逕枝

陽縣故城南。東南入于湟水。地理志曰。逆水出允吾。東至枝陽。入湟。湟水又東流。案湟水二字近刻訛作河字注于

金城河。卽積石之黃河也。闕駟曰。河至金城縣。謂之金城河。隨地爲名也。釋氏西域記曰。牢蘭海東伏

流龍沙堆。在屯皇東南。四百里。阿步干鮮卑山。案阿步干近刻訛作河步于東流至金城。爲大河。河出崑崙。案近刻脫一河字

崑崙卽阿耨達山也。河水又東逕石城南。案此八字原本及近刻並訛作經謂之石城津。闕駟曰。在金城西北矣。河

水又東南逕金城縣故城北。應劭曰：初築城得金，故曰金城也。漢書集註薛瓚云：金者取其堅固也。故墨子有金城湯池之言矣。王莽之金屏也。世本曰：鯨作城，風俗通曰：城盛也。從土成聲。管子曰：內爲之城，城外爲之郭。案近刻脫郭外爲之土園。案近刻訛作地高則溝之。案地近刻下則隄之。案近刻脫命

之曰金城。十三州志曰：大河在金城北門，東流有梁泉注之，出縣之南山。按者舊言梁暉字始娥，漢大將軍梁冀後，冀誅入羌後，其祖父爲羌所推爲渠帥，而居此城。土荒民亂，暉將移居枹罕，出頓此山爲羣羌圍迫，無水暉以所執榆鞭豎地，以青羊祈山神，泉湧出，榆木成林，其水自縣北流注于河也。

又東過榆中縣北。

昔蒙恬爲秦北逐戎人，開榆中之地。按地理志。案志下近金城郡之屬縣也。故徐廣史記音義曰：榆中在金城，即阮嗣宗勸進文所謂榆中以南者也。

又東過天水北界。

苑川水出勇士縣之子城南山。案苑近刻東北流，歷此成川。案成近刻世謂之子城川，又北逕牧師苑。

故漢牧苑之地也。羌豪迷吾等萬餘人。案迷近刻到襄武首陽平襄勇士抄此苑馬。案抄上近刻焚

燒亭驛，即此處也。又曰：苑川水地爲龍馬之沃土，故馬援請與田戶中分以自給也。有東西二苑，城相

去七十里。案近刻西城即乞佛所都也。又北入于河也。

又東北過武威媼圍縣南。案近刻訛作又北過武威媼圍縣東北。

河水逕其界東北流。縣西南有泉源。東逕其縣南。又東北入河也。

又東北過天水勇士縣北。

地理志曰：滿福也。案滿近刻訛作蒲。屬國都尉治。王莽更名之曰紀德。有水出縣西。案近刻脫有字。西訛作山。世謂之二十

八渡水。東北流。溪澗縈曲。途出其中。逕二十八渡。行者勤于溯涉。故因名焉。北逕其縣而下注河。又有

赤擘川水。南出赤蒿谷。北流。逕赤擘川。又北逕牛官川。又北逕義城西北。北流。歷三城川。而北流注于

河也。

又東北過安定北界麥田山。

河水東北流。逕安定祖厲縣故城西北。案此十五字原本及近刻並訛作經。漢武帝元鼎三年。案近刻訛作五年。幸雍。遂踰隴登

空同。西臨祖厲河而還。即于此也。王莽更名之曰鄉禮也。李斐曰：音賴。又東北祖厲川水注之。水出祖

厲南山。北流。逕祖厲縣而西北流。注于河。案河下近刻衍水字。河水又東北逕麥田城西。又北與麥田泉水合。案

十八字原本及近刻並訛作經。水出城西北。西南流。注于河。河水又東北逕麥田山西谷。案此十一字原本及近刻並

之西南來所逕至此。即經所謂山在安定西北六百四十里。案近刻脫山字。河水又東北逕于黑城北。又東北

高平川水注之。案此十九字原本及近刻並訛作經。即苦水也。案苦近刻訛作若。下同。水出高平大隴山苦水谷。案隴近刻訛作壘。建武八

年世祖征隗囂吳漢從高平第一城苦水谷入案原本及近刻並脫即是谷也東北流逕高平縣故城

東漢武帝元鼎三年置案近刻脫置字安定郡治也王莽更名其縣曰鋪睦西十里有獨阜阜上有故臺臺側

有風伯壇故世俗呼此阜為風堆其水又北龍泉水注之水出縣東北七里龍泉東北流注高平川川

水又北出秦長城案長字近刻城在縣北一十五里又西北流逕東西二土樓故城門北案土樓近刻

合一水水有五源咸出隴山西東水發源縣西南二十六里湫淵淵在四山中湫水北流西北出長城

北與次水會水出縣西南四十里長城西山中北流逕魏行宮故殿東又北次水注之出縣西南四十

里山中北流逕行宮故殿西又北合次水水出縣西南四十八里東北流又與次水合水出縣西南六

十里酸陽山東北流左會右水總為一川東逕西樓北案樓近刻東注苦水段熲為護羌校尉于安定

高平苦水討先零斬首八千級于是水之上苦水又北與石門水合水有五源東水導源高平縣西八

十里西北流次水注之水出縣西百二十里如州泉東北流右入東水亂流左會三川參差相得東北

同為一川混濤歷峽峽即隴山之北垂也謂之石門口水曰石門水在縣西北八十餘里石門之水又

東北注高平川川水又北自延水注之水西出自延溪案近刻東流歷峽謂之自延口在縣西北百里

案近刻脫在字又東北逕延城南東入高平川川水又北逕廉城東按地理志案志下近北地有廉縣

案近刻廉闕駟言在富平北自昔匈奴侵漢新秦之士率為狄場故城舊壁盡從胡目案胡近刻地理

淪移不可復識。當是世人誤證也。川水又北。苦水注之。水發縣東北百里山。案此處應有訛脫。流注高平川。川

水又北。案近刻訛作流注。高平高平又北。逕三水縣西。肥水注之。水出高平縣西北二百里牽條山西。東北流與若勃

溪合。水有二源。案水字近刻訛在合字上。總歸一瀆。東北流入肥。肥水又東北流。遼泉水注焉。泉流所發。導于若勃

溪。東東北流入肥。肥水又東北出峽。注于高平川。水東有山。山東有三水縣故城。本屬國都尉治。王莽

之廣延亭也。西南去安定郡三百四十里。議郎張奐。案議近刻訛作侍。為安定屬國都尉。治此。羌有獻金馬者。

奐召主簿張祁入于羌前。以酒醑地曰。使馬如羊。不以入廐。使金如粟。不以入懷。盡還不受。威化大行。

縣東有溫泉。溫泉東有鹽池。故地理志曰。縣有鹽官。今于城之東北有故城。城北有三泉。疑即縣之鹽

官也。高平川水又北入于河。河水又東北逕胸卷縣故城西。案此十二字原本及近刻並訛作經。地理志曰。河水別出為

河溝。東至富平。北入河。河水于此有上河之名也。

卷三

河水。案二字原本訛在經文又北上。近刻又增河水三三字表目。

又北過北地富平縣西。

河側有兩山相對。水出其間。即上河峽也。案近刻脫也字。世謂之為青山峽。案近刻脫峽字。河水歷峽北注。枝分東出。

河水又北逕富平縣故城西。案此十一字原本及近刻並訛作經今考經舉當時秦置北部都尉。案部

訛作地據漢書改正治縣城王莽名郡為威戎縣曰持武。案持近刻作特漢書作恃建武中曹鳳字仲理為北地太守政化尤

異黃龍應于九里谷高岡亭角長三尺大十圍梢至十餘丈天子嘉之賜帛百匹加秩中二千石河水

又北薄骨律鎮城。案此九字原本及近刻並訛作經在河渚上。案在字上近刻衍城字赫連果城也桑果餘林仍列洲上但語出

戎方。案語近刻訛作諸不究城名訪諸耆舊咸言故老宿彥云。案云近刻作言赫連之世有駿馬死此取馬色以為邑

號故曰城為白口駟韻之謬遂仍今稱所未詳也河水又逕典農城東。案此八字原本及近刻並訛作經又下應脫北字世謂

之胡城又北逕上河城東世謂之漢城薛瓚曰上河在西河富平縣即此也馮參為上河典農都尉所

治也。案漢邊郡置農都尉主屯田殖穀馮參乃農都尉典字衍典農之名始於建安中河水又北逕典農城東。案此九字近刻訛作經俗名之為呂城皆

參所屯以事農。眈。案原本脫眈字宋本有河水又東北逕廉縣故城東。案此十一字原本及近刻並訛作經王莽之西河亭地理志

曰卑移山在西北河水又北與枝津合。案此八字原本及近刻並訛作經北訛在與字下水受大河東北逕富平城所在分裂

以溉田圃北流入河今無水爾雅曰灘反入言河決復入者也河之有灘若漢之有潛也河水又東北

逕渾懷障西。案此十字原本及近刻並訛作經地理志。案志下近刻衍曰字渾懷都尉治塞外者也太和初三齊平徙歷下民居

此遂有歷城之名矣。案城近刻訛作地南去北地三百里。案北地近刻訛作北城河水又東北歷石崖山西。案此十字原本及近刻並訛作

經去北地五百里。案北地近刻訛作北城山石之上自然有文盡若虎馬之狀。案虎太平御覽引粲然成著類似

圖焉。故亦謂之畫石山也。

又北過朔方臨戎縣西。

河水東北逕三封縣故城東。漢武帝元狩三年置。十三州志曰：在臨戎縣西百四十里。案四近刻作三。河水又

北逕臨戎縣故城西。案此十一字。近刻訛作經。元朔五年立舊朔方郡治。王莽之所謂推武也。案河水又北至此共二十九字。原本脫。近

刻有。河水又北有枝渠東出。謂之銅口。東逕沃野縣故城南。案此二十一字。原本及近刻並訛作經。漢武帝元狩三年立王

莽之綏武也。枝渠東注以溉田。所謂智通在我矣。河水又北屈而為南河出焉。河水又北迤西溢於窳

渾縣故城東。案此二十五字。原本及近刻並訛作經。漢武帝元朔二年開朔方郡縣。即西部都尉治。案縣即二字。近刻有訛作治。又有三字。有

道。自縣西北出雞鹿塞。王莽更郡曰溝搜。縣曰極武。其水積而為屠申澤。澤東西百二十里。故地理志

曰：屠申澤在縣東。即是澤也。關駟謂之窳渾澤矣。案近刻脫窳字。及近刻並誤入注內。接謂之

屈從縣北東流。案近刻脫東字。此句原本及近刻並誤入注內。接謂之河水又屈而東流。為北河。案此十字。原本及近刻並訛作經。今考其脈絡。乃承上注屈而為南河。又北迤西之文。漢武帝元朔二年大將軍衛青

絕梓嶺。梁北河是也。案此十二字。原本及近刻並訛在後。東逕高闕南。案此五字。原本及近刻。史記趙

武靈王既襲胡服。自代並陰山下。至高闕為塞。山下有長城。長城之際連山刺天。其山中斷。兩岸雙闕。

善能雲舉。望若闕焉。即狀表目。案即近刻訛作節。故有高闕之名也。自闕北出荒中。闕口有城。跨山結局。謂之

高闕戍。自古迄今。案自近刻作上。常置重捍。以防塞道。漢元朔四年。衛青將十萬人。敗右賢王於高闕。即此處

也。河水又東逕臨河縣故城北。漢武帝元朔三年。封代恭王子劉賢為侯國。王莽之監河也。

至河目縣西。案此五字原本及近刻並誤入注內。接梁北河是也。下。

河水自臨河縣東逕陽山南。案此十一字原本及近刻並訛作臨河縣。漢書注曰。陽山在河北。指此山也。東流。

逕石跡阜西。是阜破石之文。悉有鹿馬之跡。故納斯稱焉。案近刻作故。南屈逕河目縣。在北假中。案近刻在

訛作左。地名也。案此三字亦脫中字。注內之小注。自高闕以東。夾山帶河。陽山以往。案近刻作去。朱謀皆北假也。史記曰。秦

使蒙恬將十萬人北擊胡。度河取高闕。據陽山北假中是也。北河又南合南河。南河上承西河。案近刻

二東逕臨戎縣故城北。又東逕臨河縣南。又東逕廣牧縣故城北。東部都尉治。案東上近刻衍有字。王莽之鹽官

也。逕流二百許里。東會於河。河水又南逕馬陰山西。案此九字原本及近刻並訛作經南。近刻漢書音義曰。陽山在河北。

陰山在河南。謂是山也。而即實不在河南。史記音義曰。五原安陽縣北有馬陰山。今山在縣北。言陰山

在河南。又傳疑之。非也。余按南河北河。及安陽縣以南。悉沙阜耳。無佗異山。故廣志曰。朔方郡北移沙

七所。而無山以擬之。是義志之僻也。案義志近刻作議誌。陰山在河東南。則可矣。河水又東南逕朔方縣故城東

北。案此十三字原本及近刻並訛作經。詩所謂城彼朔方也。漢元朔二年。大將軍衛青取河南地。為朔方郡。使校尉蘇建

築朔方城。即此城也。王莽以為武符者也。按地理志云。金連鹽澤。案金近刻訛作今。青鹽澤。並在縣南矣。又按

魏土地記曰縣有大鹽池其鹽大而青白名曰青鹽又名戎鹽入藥分漢置典鹽官案近刻訛作典官鹽池去平

城宮千二百里案城近刻訛作地在新秦之中服虔曰新秦地名在北方千里如淳曰長安以北朔方以南也

薛瓚曰秦逐匈奴收河南地徙民以實之謂之新秦也

屈南過五原西安陽縣南案此十字原本及近刻並誤入注內接謂之新秦也下

河水自朔方東轉逕渠搜縣故城北案此十四字原本及近刻並訛作經地理志案志下近刻朔方有渠搜縣中部都尉治

上莽之溝搜亭也禮三朝記曰北發渠搜南撫交趾此舉北對南案舉近刻訛作與禹貢之所云析支渠搜矣

河水又東案近刻脫東字逕西安陽縣故城南案近刻脫縣字南字王莽更之曰漳安矣案漳近刻訛作障河水又東案近刻脫又字逕

田辟城南地理志曰故西部都尉治也

屈東過九原縣南案此七字原本及近刻並誤入注內接西部都尉治也下

河水又東逕成宜縣故城南案此十一字原本及近刻並訛作經今考成宜宜王莽更曰艾虜也河水

又東逕原亭城南案此九字原本及近刻並訛作經關駟十三州志曰中部都尉治河水又東逕宜梁縣之故城南案此

十二字原本及近刻並訛作經關駟曰五原西南六十里今世謂之石崖城河水又東逕稠陽城南案此九字原本及

作副今考漢書地理志于五原郡下云東部都尉治稠陽即東部都尉治又逕河陰縣故城北案近刻

又東逕九原縣故城南秦始皇置九原郡治此漢武帝元朔二年更名五原也王莽之獲降郡成平縣

矣。西北接對一城。蓋五原縣之故城也。王莽之填河亭也。竹書紀年案年下近刻有云字。魏襄王十七年。邯鄲命吏大夫奴遷於九原。又命將軍大夫適子戍吏。皆貉服矣。其城南面長河北背連山。秦始皇逐匈奴。並河以東。屬之陰山。築亭障為河上塞。徐廣史記音義曰。陰山在五原北。即此山也。始皇三十三年案近刻。起自臨洮。東暨遼海。西並陰山。築長城。及開南越地。晝警夜作。民勞怨苦。故楊泉物理論曰。秦始皇使蒙恬築長城。死者相屬。民歌曰。生男慎勿舉。生女哺用哺。不見長城下。尸骸相支柱。其冤痛如此矣。蒙恬臨死曰。夫起臨洮。屬遼東。城塹萬餘里。不能不絕地脈。此固當死也。

又東過臨沃縣南。

王莽之振武也。河水又東。枝津出焉。河水又東流。石門水南注之。案此十九字原本及近刻並訛作經。水出石門山。地理

志曰。北出石門障。即此山也。西北趣光祿城。甘露三年。呼韓邪單于還。詔遣長樂衛尉高昌侯董忠。車

騎都尉韓昌等。將萬六千騎。送單于居幕。南保光祿。徐自為所築城也。案保近刻。故城得其名矣。城東

北。即懷朔鎮城也。其水自障東南流。逕臨沃城東。東南注于河。河水又東。逕稠陽縣故城南。案此十一

近刻並訛作經。王莽之固陰也。地理志曰。自縣北出石門障。河水決其西南隅。又東南。枝津注焉。水上承大河

于臨沃縣。東流七十里。北溉田南北二十里。注于河。河水又東。逕塞泉城南而東注。案此十二字原本及近刻並訛作經

又東過雲中槓陵縣南。又東過沙南縣北。從縣東。屈南過沙陵縣西。

大河東逕咸陽縣故城南。王莽之賁武也。河水屈而流。白渠水注之。案此十字原本及近刻並訛作經。水出塞外。西逕

定襄武進縣故城北。西部都尉治。王莽更曰伐蠻。案曰近刻作名。世祖建武中封趙慮為侯國也。白渠水西北

逕成樂城北。案近刻脫城字。郡國志曰成樂故屬定襄也。魏土地記曰雲中城東八十里有成樂城。今雲中郡

治一名石盧城也。白渠水又西逕魏雲中宮南。魏土地記曰雲中宮在雲中縣故城東四十里。案近刻脫縣字。

白渠水又西南逕雲中故城南。故趙地。虞氏記云趙武侯。案近刻脫武字。自五原河曲築長城。東至陰山。又於

河西造大城一箱。崩不就。乃改卜陰山河曲而禱焉。晝見羣鵠遊於雲中。徘徊經日。見大光在其下。武

侯曰此為我乎。乃即於其處築城。今雲中城是也。秦始皇十三年立雲中郡。王莽更郡曰受降。案近刻脫此七

字。縣曰遠服矣。白渠水又西北逕沙陵縣故城南。王莽之希恩縣也。其水西注沙陵湖。又有芒干水。案

原本訛作于。據漢書改正下同。出塞外。南逕鍾山。山即陰山。故郎中侯應言於漢曰陰山東西千餘里。單于之苑囿也。

自孝武出師攘之於漠北。匈奴失陰山。過之未嘗不哭。謂此山也。其水西南逕武臯縣。王莽之永武也。

又南逕原陽縣故城西。又西南與武泉水合。其水東出武泉縣之故城西南。縣即王莽之所謂順泉者

也。水南流。又西屈逕北興縣故城南。按地理志。案志下近刻衍曰字。五原有南興縣。王莽之南利也。故此加北。舊

中部都尉治。十三州志曰廣陵有興。案興漢書地理志屬臨淮郡。後漢屬廣陵。故此加北。疑太疎遠也。其水又西南入芒干

水。芒干水又西南逕白道南谷口。有城在右。縈帶長城。案縈近刻訛作側。背山面澤。謂之白道城。案白道下近刻衍南谷口

有四。自城北出。有高阪。謂之白道嶺。沿路惟土穴。出泉挹之不窮。余每讀琴操。見琴慎相和。雅歌錄云。

飲馬長城窟。及其跋陟斯途。案跋近刻。訛作扳。遠懷古事。始知信矣。非虛言也。顧瞻左右。山椒之上。案椒近刻。訛作樹。

有垣若頽基焉。沿溪互嶺。東西無極。疑趙武靈王之所築也。芒干水又西南。案近刻訛。作又南西。逕雲中城北。白

道中溪水注之。水發源武川北塞中。其水南流。逕武川鎮城。城以景明中築。案近刻脫。一城字。以禦北狄矣。其

水西南流。歷谷。逕魏帝行宮東。世謂之阿計頭殿。宮城在白道嶺北阜上。其城圓角而不方。四門列觀。

城內惟臺殿而已。其水又西南。歷中溪出山。西南流於雲中城北。案此下原本及近刻並重。南注芒干

水。芒干水又西。案近刻。脫水字。塞水出懷朔鎮東北。芒中南流。逕廣德殿西山下。余以太和十八年。從高祖北

巡。屆於陰山之講武臺。臺之東有高祖講武碑。碑文是中書郎高聰之辭也。自臺西出。南上山。山無樹

木。惟童阜耳。即廣德殿所在也。其殿四注。兩夏。案注近刻訛。作柱。夏廬同。堂宇綺井。案井近刻。訛作棋。圖畫奇禽異獸之象。

殿之西北。便得焜煌堂。雕楹鏤桷。取狀古之温室也。其時帝幸龍荒。遊鸞朔北。南秦王仇池楊難當捨

蕃委誠。重譯拜闕。陛見之所也。故殿以廣德為名。魏太平真君三年。刻石樹碑。勒宣時事。碑頌云。肅清

帝道。振懾四荒。有蠻有戎。自彼氏羌。無思不服。重譯稽顙。恂恂南秦。斂斂推亡。峨峨廣德。弈弈焜煌。侍

中司徒東郡公崔浩之辭也。碑陰題宣城公李孝伯尚書盧遐等從臣姓名。若新鏤焉。其水歷谷南出

山。西南入芒干水。芒干水又西南。注沙陵湖。湖水西南入於河。河水南入楨陵縣西北緣胡山。歷沙南

縣東北兩山二縣之間而出。案此二十六字爲句原本及近刻並截余以太和中爲尙書郎從高祖北

巡親所逕涉縣在山南王莽之楨陸也北去雲中城一百二十里縣南六十許里有東西大山山西枕

河河水南流脈水尋經殊乖川去之次似非關究也。案此駁正經文東過楨陵沙南之誤

又南過赤城東又南過定襄桐過縣西

定襄郡漢高帝六年置。案近刻脫帝字王莽之得降也桐過縣王莽更名椅桐者也河水於二縣之間濟有君

子之名。案此十三字原本及近刻並訛作經皇魏桓帝十一年。案皇魏近刻訛作昔漢一訛作三西幸榆中東行代地洛陽大賈齋金貨

隨帝後行夜迷失道往投津長曰子封送之渡河賈人卒死津長埋之其子尋求父喪發冢舉尸資囊

一無所損。案囊近刻訛作貨其子悉以金與之津長不受事聞於帝帝曰君子也。案近刻脫一帝字即名其津爲君子

濟濟在雲中城西南二百餘里河水又東南左合一水。案此九字原本及近刻並訛作經水出契吳東山西逕故里南

案南下近刻衍而字北俗謂之契吳亭其水又西流注於河河水又南樹頽水注之。案此九字原本及近刻並訛作經水出東山

西南流右合中陵川水水出中陵縣西南山下。案近刻脫西字北俗謂之大浴真山。案近刻脫真字水亦取名

焉東北流逕中陵縣故城東北俗謂之北右突城王莽之遮害也十三州志曰善無縣南七十五里有

中陵縣世祖建武二十五年置其水又西北右合一水水出東山。案出近刻訛作自北俗謂之貸敢山水又受

名焉其水西北流。案水下近刻衍自字注於中陵水中陵水又西北流逕善無縣故城西王莽之陰館也十三州

志曰舊定襄郡治地理志雁門郡治案近刻志下衍曰字其水又西北流右會一水案右近刻水出東山下北俗

謂之吐文水山又取名焉北流逕鋤亭南又西流逕土壁亭南案近刻脫西出峽左入中陵水中陵水

又北分爲二水一水東北流謂之沃水案沃原本訛作流今改正又東逕沃陽縣故城南案故近刻北俗謂之可不

塗城王莽之敬陽也又東北逕沃陽城東又東合可不塗水水出東南六十里山下西北流注沃水沃

水又東案近刻脫沃水二逕參合縣南魏因參合陁以即名也北俗謂之倉鶴陁道出其中亦謂之參

合口陁在縣之西北案陁在左近刻即燕書所謂太子寶自河西案近刻還師參合三軍奔潰即是處也

魏立縣以隸涼城郡案近刻郡下有也字西去沃陽縣故城二十里縣北十里有都尉城地理志曰沃陽縣西部

都尉治者也北俗謂之阿養城其水又東合一水水出縣東南六十里山下北俗謂之災豆渾水西北

流注於沃水沃水又東北流注鹽池地理志曰鹽澤在東北者也今鹽池西南去沃陽縣故城六十五

里案近刻池水激渟淵而不流東西三十里南北二十里池北七里案近刻即涼城郡治案近刻池西

有舊城俗謂之涼城也郡取名焉地理志曰澤有長丞案漢官制有令有此城即長丞所治也城西三

里有小阜阜下有泉東南流注池北俗謂之大谷北堆案近刻水亦受目焉中陵川水自枝津西北

流右合一水於連嶺北水出沃陽縣東北山下案近刻北俗謂之烏伏真山案謂近水曰誥升袁河西

南流逕沃陽縣左合中陵川亂流西南與一水合北俗謂之樹頽水水出東山下西南流右合誥升袁

南流逕沃陽縣左合中陵川亂流西南與一水合北俗謂之樹頽水水出東山下西南流右合誥升袁

水亂流西南注。分謂二水。左水枝分南出。北俗謂之太羅河。右水西逕故城南。北俗謂之昆新城。案謂近刻

作名其水自城西南流。注於河。河水又南。太羅水注之。案此九字原本及近刻並訛作經。水源上承樹頽河。南流西轉。逕

武州縣故城南。案近刻脫州字下同。十三州志曰。武州縣在善無城西南百五十里。案近刻脫城字南字。北俗謂之太羅城。

水亦藉稱焉。其水西南流。一水注之。案一近刻作右。水導故城西北五十里。南流。逕城西北。俗名之曰故槃迴

城。案近刻脫俗字。又南流。注太羅河。太羅河又西南流。注於河。河水又左得浦水口。案此八字原本及近刻並訛作經。水出西

河郡美稷縣。東南流。東觀記曰。郭伋字細侯。案近刻脫字字。為并州牧。前在州。素有恩德。老小相攜道路。行部

到西河美稷。數百小兒各騎竹馬迎拜。伋問兒曹何自遠來。曰。聞使君到。喜故迎。伋謝而發去。諸兒復

送郭外。問使君何日還。伋計日告之。及還。先期一日。念小兒即止野亭。須期至。乃往。其水又東南流。羌

人因水以氏之。漢冲帝時。羌浦狐奴歸化。蓋其渠帥也。其水俗亦謂之為湍波。水東南流。入長城東。鹹

水出長城西。鹹谷。東入浦水。浦水又東南。渾波水出西北窮谷。東南流。注於浦水。浦水又東。逕西河富

昌縣故城南。王莽之富成也。浦水又東。流入於河。案原本訛作浦。今改正。河水左合一水。案原本脫河字。出善無縣故城

西南八十里。其水西流。歷於呂梁之山。而為呂梁洪。其山案近刻脫山字。巖層岫衍。澗曲崖深。巨石崇竦。壁立

千仞。河流激盪。濤湧波襄。雷濟電洩。案電近刻作雲。震天動地。昔呂梁未闢。河出孟門之上。蓋大禹所闢。以通

河也。司馬彪曰。呂梁在離石縣西。今於縣西歷山尋河。並無過峘。案並近刻作乃。過阻。朱謀瑋云。當作過阻。至是乃為河之

巨險案近刻脫。即呂梁矣。在離石北以東。可二百有餘里也。

又南過西河。圍陽縣東。

西河郡。漢武帝元朔四年置。王莽改曰歸新。圍水出上郡白土縣。圍谷。東逕其縣南。地理志曰。圍水出

西東入河。案東近刻作南。蓋後人所妄改。王莽更曰黃土也。東至長城。與神銜水合。案銜近刻訛。作御下同。水出縣南神銜山。案

刻脫。出峽。東至長城。案近刻訛作峽。山東出至長城。入於圍。圍水又東逕鴻門縣。故鴻門亭。地理風俗記曰。圍陰縣

西五十里。有鴻門亭。天封苑。案近刻作宛。火井廟。火從地中出。圍水又東。梁水注之。水出西北梁谷。東南流。

注圍水。圍水又東逕圍陰縣北。漢惠帝五年立。王莽改曰方陰矣。又東。桑谷水注之。水出西北桑溪。案

句之下。近刻又有東。北桑溪。四字。係衍文。東北流入於圍。圍水又東逕圍陽縣南。案近刻訛作東流注於河。河水又東。端水

入焉。案此八字原本及水西出號山。山海經曰。其木多漆櫟。案其下。近其草多穹窮。案即是多泠石。案

近刻訛。端水出焉。而東流注於河。河水又南。諸次之水入焉。案此十字原本及水出上郡諸次山。山海

經曰。諸次之山。諸次之水出焉。案近刻脫。是山多木無草。鳥獸莫居。是多象蛇。案象近刻。其水東逕榆

林塞。世又謂之榆林山。即漢書所謂榆溪舊塞者也。自溪西去。悉榆柳之藪矣。案柳近緣歷沙陵。屆龜

茲縣西北。案近刻訛。故謂廣長榆也。王恢云。樹榆為塞。謂此矣。蘇林以為榆中在上郡。非也。按始皇本

紀。西北逐匈奴。自榆中並河以東。屬之陰山。然榆中在金城東五十許里。陰山在朔方東。以此推之。不

得在上郡。漢書音義蘇林爲失是也。案失是近刻其水東入長城。小榆水合焉。案榆下近刻歷澗西北。案澗

近刻訛窮谷其源也。又東合首積水。水西出首積溪。案近刻脫水字東注諸次水。又東入於河。山海經

曰：諸次之水東流注於河，卽此水也。河水又南，湯水注之。案此八字原本及近刻並訛作經山海經曰：水出上申之山，

上無草木而多礫石，下多榛楛，湯水出焉，東流注於河也。

又南離石縣西。案又南下脫過字

奢延水注之。案此五字原本及近刻並訛作經，今考水經必云某水從某來注之，不言從某來者，乃注文。水西出奢延縣西南赤沙阜，東北流，山海

經所謂生水，出孟山者也。案孟近刻訛作孟郭景純曰：孟或作明，漢破羌將軍段熲破羌於奢延澤，虜走洛川，

洛川在南，俗因縣土謂之奢延水，又謂之朔方水矣。案近刻脫方字東北流，逕其縣故城南，王莽之奢節也。赫

連龍昇七年，於是水之北，黑水之南，遣將作大匠梁公叱干阿利。案近刻訛作叱于阿梨改築大城，名曰統萬城，

蒸土加功，雉堞雖久，崇墉若新，并造五兵器，銳精利，乃咸百鍊爲龍雀大環，號曰大夏龍雀，銘其背曰：

古之利器，吳楚湛盧，大夏龍雀，名冠神都，可以懷遠，可以柔逋，如風靡草，威服九區，世甚珍之。又鑄銅

爲大鼓，及飛廉翁仲銅駝龍虎，皆以黃金飾之，列於宮殿之前，則今夏州治也。奢延水又東北，與溫泉

合源西北出沙溪，而東南流，注奢延水。奢延水又東，黑水入焉。水出奢延縣黑澗。案近刻脫水字東南歷沙陵，

注奢延水。奢延水又東，合交蘭水。水出龜茲縣交蘭谷。案近刻脫水字縣字東南流，注奢延水。奢延水又東北流，

與鏡波水合。水源出南邪山南谷。東北流。注於奢延水。奢延水又東。逕膚施縣。帝原水西北出。龜茲縣。

東南流。縣因處龜茲。降胡著稱。又東南。注奢延水。奢延水又東。案近刻脫奢延水三字及東字。逕膚施縣南。秦昭王三

年。置上郡治。漢高祖并三秦。復以為郡。王莽以漢馬員案馬員字季主。為增山連。率歸世祖。以為上郡太守。司

馬彪曰。增山者。上郡之別名也。東入五龍山。地理志曰。縣有五龍山。帝原水。案山下近刻衍也字。自下亦為通稱

也。歷長城東。出於白翟之中。案近刻訛作出于赤翟白翟之中。又有平水。案平近刻訛作年。出西北平溪。東南入奢延水。奢延

水又東走。馬水注之。水出西南長城北。陽周縣故城南。橋山。昔二世賜蒙恬死於此。王莽更名上陵時。

山上有黃帝塚。故也。帝崩。惟弓劍存焉。故世稱黃帝仙矣。其水東流。昔段熲追羌。出橋門。至走馬水。聞

羌在奢延澤。即此處也。門。即橋山之長城門也。始皇令太子扶蘇與蒙恬築長城。起自臨洮。至於碣石。

即是城也。其水東北流。入長城。又東北。注奢延水。奢延水又東。與白羊水合。其水出於西南。白羊溪。循

溪東北。注於奢延水。案循近刻訛作巡。奢延水又東。入於河。山海經曰。生水東流。注於河。河水又南。陵水注之。

案此八字原本及近刻並訛作經。水出陵川北溪南。逕其川。西轉入河。河水又南。得離石水口。案此九字原本及近刻並訛作經。水出

離石北山。案近刻脫水出二字。南流。逕離石縣故城西。史記云。秦昭王伐趙。取離石者也。漢武帝元朔三年。封代

共王子劉綰為侯國。後漢西河郡治也。其水又南。出西轉。逕隰城縣故城南。漢武帝元朔三年。封代共

王子劉忠為侯國。王莽之慈平亭也。胡俗語訛。尚有千城之稱。其水西流。注於河也。

又南過中陽縣西。

中陽縣故城在東。案陽近刻訛作南。東翼汾水，隔越重山，不濱於河也。

又南過土軍縣西。

吐京郡治故城，即土軍縣之故城也。胡漢譯言，音為訛變矣。案近刻訛作皆訛偽變矣。其城圓長而不方。漢高帝十

一年，以封武侯宣義為侯國。縣有龍泉，出城東南道左山下，牧馬川上，多產名駒駿，同滇池天馬。案近刻訛

作元其水西北流，至其城東南。土軍水出道左高山西南注之。龍泉水又北屈逕其城東，西北入於河。

河水又南合契水。案此七字原本及近刻並訛作經。傍溪東入窮谷，其源也。又南至祿谷水口，水源東窮，此溪也。河水

又南得大蛇水。案此八字原本及近刻並訛作經。發源溪首，西流入河。河水又南，右納辱水。案此八字原本及近刻並訛作經。山海經

曰：辱水出鳥山。案出下近刻衍于字。其上多桑，其下多楮，陰多鐵，陽多玉。其水東流，注於河。俗謂之秀延水。東流

得浣水口，傍溪西轉窮溪，便即浣水之源也。辱水又東。案辱水近刻訛作延水，下同。會根水。案會下近刻衍于字。西南溪下，根

水所發，而東北注辱水。辱水又東南。案近刻脫辱水又三字。露跳水出西，露溪。案近刻脫溪字。西流入於河。河水又南，左會石羊水。循溪

亂流，注於河。河水又南，左合信支水。水發源東，露溪。案近刻脫溪字。西流入於河。河水又南，左會石羊水。循溪

東入，導源窮谷，西流，注於河。

又南過上郡高奴縣東。

域谷水東啓荒原。案近刻西歷長溪西南入於河。河水又南合孔溪口。案近刻水出孔山南。歷溪西流。

注於河。孔山之上。有穴如車輪三所。東西相當。相去各二丈許。南北直通。故謂之孔山也。山在蒲城西

南三十餘里。河水又右會區水。案近刻西次四經之首。案西近刻曰陰山。西北百七十里曰申山。其上

多穀柞。其下多柎榘。其陽多金玉。案近刻區水出焉。而東流注於河。世謂之清水。東流入上郡長城。

案上郡二字近刻。訛在東流上。逕老人山下。又東北流。至老人谷。傍水北出極溪。便得水源。清水又東得龍尾水口。水

出北地神泉。障北山龍尾溪。東北流。注清水。清水又東會三湖水。水出南山三湖谷。東北流入清水。清

水又東逕高奴縣。合豐林水。地理志謂之洧水也。故言高奴縣有洧水。肥可糞。水上有肥。可接取用之。

博物志稱酒泉延壽縣南山出泉水。大如筥。注地為溝。水有肥如肉汁。取著器中。始黃後黑。如凝膏然。

極明。與膏無異。膏車及水碓缸甚佳。彼方人謂之石漆。水肥亦所在有之。非止高奴縣洧水也。項羽以

封董翳為翟王。居之三秦。此其一也。漢高祖破以縣之。王莽之利平矣。民俗語訛。謂之高樓城也。豐林

川長津瀉注。北流會清水。案近刻清訛作洧。清水又南。案近刻奚谷水注之。案奚近刻水西出奚川。東

南流入清水。清水又東注於河。河水又南。蒲川水出石樓山。南逕蒲城東。案此十六字原本及近刻並

即重耳所奔之處也。又南歷蒲子縣故城西。今大魏之汾州治。徐廣晉紀稱劉淵自離石南移蒲子者

也。闕駟曰。蒲城在西北。漢武帝置。其水南出。得黃盧水口。水東出蒲子城南。案近刻脫水字。東北入谷

極溪。便水之源也。蒲水又南。案近刻脫合紫川水。水東北出紫川谷。案水字下近西南合江水。江水出江谷西北入紫川水。紫川水又西北入蒲水。蒲水又西南入於河水。河水又南合黑水。案近刻訛作河水入南黑水。水出定陽縣西山。二源奇發。同瀉一壑。東南流。逕其縣北。又東南流。右合定水。俗謂之白水也。水西出。其縣南山定水谷。東逕定陽縣故城南。案東近應劭曰。縣在定水之陽也。定水又東注於黑水。亂流東南入於河。

卷四

河水。案二字原本訛在經文又南上。近刻又增河水四三字表目。

又南過河東北屈縣西。

河水南逕北屈縣故城西。西四十里有風山。案近刻脫上有穴如輪。風氣蕭瑟。習常不止。當其衝飄也。略無生草。案略上近蓋常不定。案近刻衆風之門故也。風山西四十里。河南孟門山。山海經曰。孟門之山。其上多金玉。其下多黃堊。涅石。淮南子曰。龍門未闢。呂梁未鑿。河出孟門之上。大溢逆流。無有丘陵。高阜滅之。名曰洪水。大禹疏通。謂之孟門。故穆天子傳曰。北登孟門。九河之澄。孟門。卽龍門之上口也。實爲河之巨阨。案近刻訛作實兼孟門津之名矣。案近刻此石經始禹鑿。河中漱廣。夾岸崇深。傾崖返

捍巨石臨危。若墜復倚。古之人有言。水非石鑿而能入石。信哉。其中水流交衝。素氣雲浮。往來遙觀者。

常若霧露沾人。窺深悸魄。案魄近刻作魂。其水尙崩浪萬尋。懸流千丈。渾洪最怒。鼓若山騰。濬波頽疊。迄於下

口。方知慎子下龍門。流浮竹。非駟馬之追也。又有燕完水注之。異源合舍。西流注河。河水又南得鯉魚。

案此七字原本及近刻並訛作經。又有脫文。應作鯉魚澗。歷澗東入窮溪首。便其源也。爾雅曰。鱣。鮪也。出鞏穴。三月則上渡龍門。得

渡為龍矣。否則點額而還。非夫往還之會。何能便有茲稱乎。河水又南。羊求水入焉。案此九字原本及近刻並訛作經。

水東出羊求川。案近刻脫水字。西逕北屈縣故城南。城即夷吾所奔邑也。王莽之朕北也。汲郡古文曰。翟章救

鄭。次於南屈。應劭曰。有南故加北。國語曰。二五言於獻公曰。蒲與二屈。君之疆也。其水西流注於河。河

又南為採桑津。案此七字原本及近刻並訛作經。春秋僖公八年。晉里克敗狄於採桑。是也。赤水出西北罷谷川東。謂

之赤石川。東入於河。河水又南合蒲水。案此七字原本及近刻並訛作經。西則兩源並發。俱導一山。出西河陰山縣。王

莽之山寧也。陰山東麓。南水東北與長松水合。水西出丹陽山東。案近刻訛作水。東北流。左入蒲水。蒲

水又東北與北溪會。同為一川。東北注河。河水又南。丹水西南出丹陽山。案此十二字原本及近刻並屬注。東北逕冶官東。案近刻脫官字。俗謂之丹陽城。城之左右。猶有遺銅矣。其水東北會白水口。水出丹山東。

而西北注之。丹水又東北入河。案近刻重一東字。河水又南。黑水西出丹山東。案此十一字原本及近刻並屬注。而東北入於河。河水又南至嶧谷。傍谷東北窮澗。案此十三字原本及近刻並屬注。下四字仍屬注文。水源所導也。西

而東北入於河。河水又南至嶧谷。傍谷東北窮澗。案此十三字原本及近刻並屬注。下四字仍屬注文。水源所導也。西

南流注於河。河水又南，洛水自獵山枝分東派，東南注於河。案此十九字原本及近刻並訛作經。昔魏文侯築館洛陰，指謂是水也。

又南過皮氏縣西。案此經原本及近刻並訛在赤水出西北罷谷川東之前。

皮氏縣王莽之延平也。故城在龍門東南，不得延逕皮氏，方屆龍門也。案此注原本及近刻並訛在上注之末，接指謂是水也。下。

又南出龍門口，汾水從東來注之。

昔者大禹導河積石，疏決梁山，謂斯處也。即經所謂龍門矣。魏土地記曰：梁山北有龍門山，大禹所鑿。

通孟津河口，廣八十步，巖際鑿跡，遺功尚存。岸上並有廟祠，祠前有石碑三所，二碑文字紊滅，不可復

識。一碑是太和中立。竹書紀年：晉昭公元年，河赤於龍門三里。案近刻河下有水字。梁惠成王四年，河水赤於龍

門三日。京房易妖占曰：河水赤，下民恨。河水又南，右合暢谷水。案此九字原本及近刻並訛作經。水自溪東南流，逕夏

陽縣西北，東南注於河。河水又南，逕梁山原東。案此九字原本及近刻並訛作經。原自山東南出，至河。案原自近刻訛作自原。晉

之望也。在馮翊夏陽縣之西北。案近刻脫北字。臨於河上，山崩壅河三日不流。晉侯以問伯宗。案近刻以字下衍此字。即是

處也。春秋穀梁傳曰：成公五年，梁山崩，遏河水三日不流。召伯尊遇輦者不避，使車右鞭之。輦者曰：所

以鞭我者，其取道遠矣。伯尊因問之。輦者曰：君親縞素，率羣臣哭之，斯流矣。如其言而河流。河水又南，

峴谷水注之。案此九字原本及近刻並訛作經。水出縣西北梁山，東南流，橫溪水注之。案近刻脫水字。水出三累山，其山層密

三成。故俗以三累名山。按爾雅。山三成爲崑崙丘。案近刻脫崑字。下同。斯山豈亦崑崙丘乎。山水際。有二石室。

蓋隱者之故居矣。細水東流。注於峒谷側溪。山南有石室。西面有兩石室。案西面近刻訛作面西。北面有二石室。

皆因阿結牖。連扇接闕。所謂石室相距也。東廂石上。猶傳杵臼之跡。庭中亦有舊宇處。尙髣髴前基。北

坎室上。有微涓石溜。豐周瓢飲。似是栖遊隱學之所。昔子夏教授西河。案近刻脫授字。疑卽此也。而無以辨之。

案近刻脫以字。溪水又東南。逕夏陽縣故城北。故少梁也。秦惠文王十一年。更從今名矣。王莽之冀亭也。其水

東南注於河。案注近刻訛作流。昔韓信之襲魏王豹也。以木罌自此渡。河水又南。右合陶渠水。案此九字原本及近刻並訛作

經。水出西北梁山。東南流。逕漢陽太守殷濟精廬南。案南朱謀瑋云。舊本作尙。宋本作尙。在吳本改爲南。今考原本已作南。非吳本改也。俗謂之

子夏廟。陶水又南。逕高門南。案陶近刻訛作河。蓋層阜墮缺。故流高門之稱矣。又東南逕華池南。池方三百六

十步。在夏陽城西北四里許。故司馬遷碑文云。高門華池。在茲夏陽。案近刻此下有西城北漢陽太守殷濟精舍四里所凡十四字。卽係

上文衍。今高門東去華池三里。溪水又東南。逕夏陽縣故城南。服虔曰。夏陽。虢邑也。在太陽東三十里。

案近刻此下有城。又歷高陽宮北。又東南逕司馬子長墓北。墓前有廟。廟前有碑。永嘉四年。漢陽太守

殷濟瞻仰遺文。大其功德。遂建石室。立碑樹桓。案近刻訛作柏。太史公自敘曰。遷生於龍門。是其墳墟所在矣。

溪水東南流入河。昔魏文侯與吳起浮河而下。美河山之固。卽於此也。河水又南。徐水注之。案此八字原本及近

刻並訛作經。水出西北梁山。東南流。逕漢武帝登仙宮東。東南流。絕彊梁原。案近刻脫原字。右逕劉仲城北。案

近刻訛是漢祖元劉仲之封邑也。故徐廣史記音義曰郃陽。案郃近刻訛作郃國名也。高祖八年侯劉仲是也。其水東南逕子夏陵北東入河。河水又南逕子夏石室東。案此十字原本及近刻並載上九字訛作經東字仍爲注南北有二石室。臨側河崖。卽子夏廟室也。

又南過汾陰縣西。

河水東際汾陰。雕案原本及近刻並訛作雕下同今改正縣。故城在雕側。漢高帝六年封周昌爲侯國。魏土地記曰河東

郡北八十里有汾陰城。北去汾水三里。城西北隅曰雕丘。上有后土祠。封禪書曰元鼎四年始立后土

祠於汾陰。雕丘是也。又有萬歲宮。漢宣帝神爵元年幸萬歲宮。東濟大河。而神魚舞水矣。昔趙簡子沈

欒徽於此曰吾好聲色。而是子致之。吾好士。六年不進一人。是長吾過而黜吾善。君子以爲能譴矣。案近

刻脫長吾二字黜訛作點河水又逕郃陽城東。案此八字原本及近刻並訛作經周威烈王之十七年。魏文侯伐秦。至鄭還。築汾陰

郃陽。案近刻訛作縣卽此城也。故有莘邑矣。爲太姒之國。詩云在郃之陽。在渭之涘。又曰纘女維莘。長子維行。

謂此也。城北有瀆水。案近刻訛作城北在北瀆水南去二水各數里。其水東逕其城內。東入於河。又於城內側中。案內

近刻訛有瀆水。東南出城。注於河。城南又有瀆水。東流注於河。案近刻流下衍東字水南猶有文母廟。廟前有碑。

案近刻脫去城十五里。水卽郃水也。縣取名焉。故應劭曰在郃水之陽也。河水又南。瀆水入焉。水出汾

陰縣南四十里。西去河三里。平地開源。瀆泉上湧。大幾如輪。深則不測。俗呼之爲瀆魁。古人壅其流以

為陂。水種稻東西二百步。南北百餘步。與郟陽漢水夾河。河中渚上。又有一漢水。皆潛相通。案近刻作

故呂忱曰。爾雅異出同流為漢水。其水西南流。歷蒲坂西。西流注於河。河水又南逕陶城西。案此八字

刻並訛作經。舜陶河濱。皇甫士安以為定陶。不在此也。然陶城在蒲坂城北。城即舜所都也。南去歷山不遠。

或耕或陶。所在則可。何必定陶方得為陶也。舜之陶也。斯或一焉。孟津有陶河之稱。蓋從此始之。南對

蒲津關。汲冢竹書紀年。魏襄王七年。秦王來見於蒲坂關。四月。越王使公師隅來獻乘舟。始罔及舟。三

百箭。五百萬犀角象齒焉。

又南過蒲坂縣西。

地理志曰。縣故蒲也。王莽更名蒲城。應劭曰。秦始皇東巡。見有長坂。故加坂也。孟康曰。晉文公以賂秦。

秦人。還蒲於魏。魏人喜曰。蒲反矣。故曰蒲反也。薛瓚注。漢書曰。秦世家以垣為蒲反。案漢書作秦世家

史記秦本紀語。素隱曰。然則本非蒲也。皇甫謐曰。舜所都也。或言蒲坂。或言平陽及潘者也。案潘原本

為當為易。蓋字訛也。考潘縣。漢書地理志。屬上谷郡。灑水章潘泉。今城中有舜廟。魏秦州刺史治。太和遷都。罷州。置河東郡。

郡多流雜。案近刻謂之徙民。民有姓劉名墮者。宿擅工釀。採挹河流。醞成芳酎。懸食同枯枝之年。排於

桑落之辰。故酒得其名矣。然香醕之色。清白若滃漿焉。別調氛氳。不與佗同。蘭薰麝越。自成馨逸。方士

之貢。選最佳酌矣。自王公庶友。牽拂相招者。每云索郎有願。思同旅語。索郎反語為桑落也。更為籍徵

之雋句。中書之英談。郡南有歷山。案山下近刻衍也字。謂之歷觀。舜所耕處也。有舜井。媯汭二水出焉。南曰媯水。

北曰汭水。西逕歷山下。案西近刻訛作迺。上有舜廟。周處風土記曰。舊說舜葬上虞。又記云。耕於歷山。而始寧

刻二縣界上。舜所耕田於山下。多柞樹。案上虞刻並屬會稽郡順帝永建四年分上虞南鄉立始寧縣。吳越之間。名柞為櫪。故曰歷山。

余按周處此志。為不近情。傳疑則可。證實非矣。安可假木異名。附山殊稱。彊引大舜。即比寧壤。案近刻訛作寧。

懷更為失誌。記之本體。差實錄之常經矣。歷山媯汭言。是則安於彼乖矣。尚書所謂釐降二女於媯汭

也。孔安國曰。居媯水之內。王肅曰。媯汭。虞地名。皇甫謐曰。納二女於媯水之汭。馬季長曰。水所出曰汭。

然則汭似非水名。而今見有二水。異源同歸。渾流西注。入於河。河水南逕雷首山。西案此八字原本及近刻並訛作經南

上近刻有又字。山臨大河。北去蒲坂三十里。尚書所謂壺口雷首者也。案近刻脫也字。俗亦謂之堯山。山上有故城。世

又曰堯城。闕駟曰。蒲坂堯都。按地理志曰。縣有堯山首山祠。案首近刻訛作有下脫山字。雷首山在南。事有似而非。

非而似。千載眇邈。非所詳耳。又南。涑水注之。案此六字原本及近刻並訛作經。水出河北縣雷首山。縣北與蒲坂分山。

有夷齊廟。闕駟十三州志曰。山一名獨頭山。夷齊所隱也。山南有古冢。陵柏蔚然。攢茂丘阜。俗謂之夷

齊墓也。案也字近刻訛在其水下。其水西南流。亦曰雷水。穆天子傳曰。壬戌。天子至於雷首。犬戎胡觴。天子於雷首

之阿。乃獻良馬四六。天子使孔牙受之於雷水之干。是也。昔趙盾田首山。食祁彌明翳桑之下。案祁左傳作提

即於此也。涑水又西南流。注於河。春秋左傳謂之涑川者也。俗謂之陽安澗水。

又南至華陰潼關。渭水從西來注之。

汲郡竹書紀年曰：晉惠公十五年，秦穆公帥師送公子重耳，涉自河曲。春秋左氏僖公二十四年，秦伯

納之。及河，子犯以璧授公子曰：「臣負羈縶，從君巡於天下，臣之罪多矣。臣猶知之，而況君乎？請由此亡。」

公子曰：「所不與舅氏同心者，有如白水。」投璧於此。案：投，近刻作授。子推笑曰：「案：笑，近刻作哭。天開公子，子犯以為

功，吾不忍與同位，遂逃焉。」河水歷船司空，與渭水會。案：此十字，原本及近刻並訛作經。漢書地理志案：志下，近刻衍曰字。舊京兆

尹之屬縣也。案：尹，近刻作郡。左丘明國語云：案：此六字，訛作華岳本一山當河。河水過而曲行，河神巨靈，手

盪腳踢開而為兩，今掌足之跡仍存。華巖開山圖曰：有巨靈胡者，徧得坤元之道。案：近刻徧訛作偏。坤訛作神，能造

山川，出江河。案：近刻脫江字。所謂巨靈最屬首冠靈山者也。常有好事之士。案：近刻作人。故升華岳而觀厥跡焉。自

下廟歷列柏，南行十一里，東迴三里，至中祠。又西南出五里，至南祠，謂之北君祠。諸欲升山者，至此皆

祈請焉。從此南入谷七里。案：此，近刻作北。又屈一祠，謂之石養父母石龕木主存焉。又南出一里，至天井。案：近刻訛作入。井裁容人，穴空迂迴頓曲而上。案：頓，近刻作傾。可高六丈餘。山上又有微涓細水，流入井中，亦不甚沾。

人上者皆所由陟，更無別路。欲出井，望空視明，如在室窺窗也。出井東南行二里，峻反斗上，斗下降。此

坂二里許，又復東上百丈崖，升降皆須扳繩挽葛而行矣。南上四里路，到石壁，緣旁稍進，逕百餘步，自

此西南出六里，又至一祠。案：祠，近刻作神。名曰胡越寺，神像有童子之容。從祠南歷夾嶺，廣裁三丈餘，兩箱懸

崖數萬仞。案近刻脫懸字。窺不見底。祀祠有感。則雲與之平。然後敢度。猶須騎嶺抽身。漸以就進。故世謂斯嶺

爲搦嶺矣。度此二里。便屆山頂。案便近刻訛作復。上方七里。靈泉二所。一名蒲池。西流注於澗。一名太上泉。東

注澗下。上宮神廟。近東北隅。其中塞實雜物。事難詳載。自上宮東北出四百五十步。有屈嶺。東南望巨

靈手跡。惟見洪崖赤壁而已。都無山下上觀之分均矣。河在關內。南流灌激關山。因謂之潼關。濩水注

之。案濩原本及近刻並訛作灌。今據山海經改正。水出松果之山。案近刻訛作上。北流逕通谷。世亦謂之通谷。水東北注於河。述征記

所謂潼谷水者也。或說因水以名地也。河水自潼關東北流。水側有長坂。謂之黃巷坂。案巷近刻訛作卷。下同。坂

傍絕澗。案近刻脫坂字。陟此坂以升潼關。所謂泝黃巷以濟潼矣。案潼下近刻有闕字。歷北出東嶠。案嶠近刻訛作嶠。通謂之函

谷關也。邃岸天高。空谷幽深。澗道之峽。車不方軌。號曰天險。故西京賦曰。巖險周固。衿帶易守。所謂秦

得百二。并吞諸侯也。是以王元說隗囂曰。請以一丸泥。東封函谷關。圖王不成。其弊足霸矣。郭緣生記

曰。漢末之亂。魏武征韓遂。馬超。連兵此地。今際河之西。有曹公壘道。東原上云李典營。義熙十三年。王

師曾據此壘。西征記曰。沿路透迤。入函道六里。有舊城。案近刻脫有字。城周百餘步。北臨大河。南對高山。姚氏

置關以守峽。宋武帝入長安。檀道濟王鎮惡。或據山爲營。或平地結壘。案地近刻訛作城。爲大小七營。濱帶河

險。姚氏亦保據山原。陵阜之上。案近刻脫陵字。尙傳故跡矣。關之直北。隔河有層阜。巍然獨秀。孤峙河陽。世謂

之風陵。戴延之所謂風塹者也。南則河濱姚氏之營。與晉對岸。河水又東北。玉澗水注之。案此十字原本及近刻並

訛作經。水南出玉溪。北流。逕皇天原。西。周固記。開山東首上平博。方可里餘。三面壁立。高千許仞。漢世祭

天於其上。名之為皇天原。上有漢武帝思子臺。又北逕闔鄉城西。案闔原本及近刻。並訛作闔。下同。郡國志曰。弘農湖

縣有闔鄉。世謂之闔鄉水也。魏尚書僕射闔鄉侯河東衛伯儒之故邑。其水北流注於河。河水又東逕

闔鄉城北。東與全鳩澗水合。案城北近刻訛作侯河。又此十字。原本及近刻並訛作經。水出南山北。逕皇天原東。述征記曰。全節

地名也。其西名桃原。古之桃林。周武王克殷。休牛之地矣。西征賦曰。咸徵名於桃原者也。晉太康地記

曰。桃林在闔鄉南谷中。其水又北流注於河。案流近刻訛作河。

又東過河北縣南。縣與湖縣分河。蓼水出襄山。蓼谷西南。注於河。案注近刻訛作流。河水又東。永樂澗水注之。案此十字原本及近刻並訛作經。

水北出於薄山。南流。逕河北縣故城西。故魏國也。晉獻公滅魏。以封畢萬。卜偃曰。魏大名也。萬後其昌

乎。後乃縣之。在河之北。故曰河北縣也。今城南西二面。並去大河可二十餘里。北去首山十許里。處河

山之間。土地迫隘。故魏風著十畝之詩也。城內有龍泉。南流出城。又南斷而不流。永樂溪水又南入於

河。余按中山經。案近刻脫山字。即渠豬之水也。太史公封禪書稱華山以西名山七。薄山其一焉。薄山即襄山

也。徐廣曰。蒲坂縣有襄山。山海經曰。蒲山之首曰甘棗之山。共水出焉。而西流注於河。東則渠豬之山

渠豬之水出焉。而南流注於河。如準封禪書。二水無西南注河之理。今證蓼水川流所趣。與其水相扶。

永樂溪水。導源注於河。又與渠豬勢合。蒲山統目總稱。亦與襄山不殊。故揚雄河東賦曰。河靈鬻陽。案近

刻訛作鬻陽。掌華蹈襄。注云。襄山在潼關北十餘里。以是推之。知襄山在蒲坂。溪水即渠豬之水也。案溪近

藝河水自河北城南。東逕芮城。案此十一字原本二城之中。有段干木冢。干木。晉之賢人也。魏文侯過

其門。式其廬。所謂德尊萬古。芳越來今矣。汲冢竹書紀年曰。晉武公元年。尙一軍芮人乘京。荀人董伯

皆叛。匪直大荔。故芮也。此亦有焉。紀年又云。晉武公七年。芮伯萬之母芮姜逐萬。萬出奔魏。八年。周師

虢師圍魏。取芮伯萬而東。九年。戎人逆芮伯萬於郊。案郊近刻斯城亦或芮伯之故畫也。案畫朱謀璋

河水右會槃澗水。案此七字原本及近刻水出湖縣夸父山北。逕漢武帝思子宮歸來望思臺東。案思

訛作子。又北流入於河。河水又東逕湖縣故城北。案此十字原本及昔范叔入關。遇穰侯於此矣。湖水出

桃林塞之夸父山。廣圓三百仞。武王伐紂。天下既定。王巡嶽瀆。案巡近刻放馬華陽。散牛桃林。即此處

也。其中多野馬。造父於此得驂騮綠耳。盜驪之乘。以獻周穆王。使之馭。以見西王母。湖水又北逕湖縣

東。而北流入於河。魏土地記曰。弘農湖縣有軒轅黃帝登仙處。黃帝採首山之銅。鑄鼎於荆山之下。有

龍垂胡於鼎。黃帝登龍。從登者七十人。遂升於天。故名其地為鼎胡。案近刻荆山在馮翊。首山在蒲坂。

與湖縣相連。晉書地道記。太康記。並言胡縣也。漢武帝改作湖。俗云黃帝自此乘龍上天也。地理志曰。

京兆湖縣。有周天子祠二所。故曰胡。案近刻不言黃帝升龍也。山海經曰。西九十里。曰夸父之山。其木

多櫻柗多竹箭其陽多玉其陰多鐵其北有林焉名曰桃林其中多馬湖水出焉北流注於河故三秦

記曰桃林塞在長安東四百里若有軍馬經過好行則牧華山休息林下惡行則決河漫延人馬不得

過矣河水又東合柏谷水案此八字原本及近刻並訛作經水出弘農縣南石隄山案南近刻訛作兩山下有石隄祠銘云魏

甘露四年散騎常侍征南將軍豫州刺史領弘農太守南平公之所經建也其水北流逕其亭下晉公

子重耳出亡案晉近刻訛作昔及柏谷卜適齊楚狐偃曰不如之翟漢武帝嘗微行此亭見饋亭長妻故潘岳

西征賦曰長徵客於柏谷妻觀貌而獻餐謂此亭也谷水又北流入於河河水又東右合門水案此八

及近刻並訛作經門水即洛水之支流者也洛水自上洛縣東北於拒陽城西北案近刻脫陽字分爲二水枝渠東北

出爲門水也門水又東北歷陽華之山即山海經所謂陽華之山案即字下近刻衍華陽二字門水出焉者也又東

北歷峽謂之鴻關水水東有城案近刻脫一水字即關亭也水西有堡謂之鴻關堡案近刻訛作島世亦謂之劉項裂

地處非也余按上洛有鴻臚園池是水津渠沿注故謂斯川爲鴻臚澗鴻關之名乃起是矣門水又東

北歷邑川二水注之案二近刻訛作燭左水出於陽華之陰案近刻訛作陽東北流逕盛牆亭西東北流與右水合右

水出陽華之陽案近刻訛作陰東北流逕盛牆亭東東北與左水合案近刻脫一東字即山海經所謂縉姑之水出於

陽華之陰東北流注於門水者也案縉姑近刻作縉茹下同又東北燭水注之水有二源左水南出於衙嶺案原本

並訛作衙嶺下同世謂之石城山其水東北流逕石城西東北合右水右水出石城山東北逕石城東

今據漢書改正

東北入左水。地理志曰：燭水出衙嶺下谷。案燭漢書作燭。開山圖曰：衙山在函谷山西南，是水亂流，東注於緡

姑之水。二水悉得通稱矣。歷澗東北出，謂之開方口。水側有阜，謂之方伯堆。案謂近刻作名。宋奮武將軍魯方

平建武將軍薛安都等。案武近刻說作威。與建威將軍柳元景北入軍次方伯堆者也。堆上有城，即方平所築

也。案平近刻說作伯。又東北逕邑川城南。案邑近刻說作入。即漢封寶門之故邑。川受其名，亦曰寶門城。在函谷關南

七里。又東北田渠水注之。案渠下近刻說作川字。水出衙山之白石谷。案近刻脫水字。東北流，逕故丘亭東，是薛安都

軍所從城也。其水又逕鹿蹠山。山西山石之上，有鹿蹠自然成著。案近刻說作衡。東北流，逕故丘亭東，是薛安都

渠水西北流，注於燭水。燭水又北入門水。水之左右，即函谷山也。門水又北逕弘農縣故城東。城即故

函谷關校尉舊治處也。終軍棄繻於此。燕丹孟嘗亦義動雞鳴於其下，可謂深心有感。志誠難奪矣。昔

老子西入關，尹喜望氣於此也。故趙至與嵇茂齊書曰：李叟入秦，及關而歎，亦言與嵇叔夜書及關，尹

望氣之所，異說紛綸，並未知所定矣。漢武帝元鼎四年，徙關於新安縣，以故關為弘農縣。弘農郡治王

莽更名右隊。劉桓公為郡，虎相隨渡河，光武問而善之。其水側城北流，而注於河。河水於此有涇津之

名。案涇近刻說作涇。說者咸云漢武微行柏谷，遇辱寶門，又感其妻深識之饋，既返玉階，厚賞寶焉。賜以河津，

令其鬻渡。今寶津是也。案津下近刻說作字。故潘岳西征賦云：案近刻脫云字。酬匹婦其已泰，胡厥夫之謬官。袁豹之徒，

並以爲然。余按河之南畔，夾側水濱有津，謂之涇津。河北縣有涇水。案此下近刻說作涇津其水四字。南入於河，河水故

有涇津之名。不從門始。蓋事類名同。故作者疑之。案疑近刻 竹書穆天子傳曰：天子自竇幹，乃次於涇

水之陽。丁亥入於南鄭。考其沿歷所踵。案近刻 路直斯津。以是推之。知非因門矣。俗或謂之偃鄉澗水

也。河水又東。左合一水。案近刻東訛作 其水二源疏引。案二近刻 俱導薄山。案近刻 南流會成一川。其

二水之內。世謂之閑原。言虞芮所爭之田。所未詳矣。又南注於河。河之右。曹水注之。案近刻之訛作 水

出南山北。逕曹陽亭西。陳涉遣周章入秦。少府章邯斬之於此。魏氏以為好陽。晉書地道記曰：亭在弘

農縣東十三里。其水西北流入於河。河水又東。蓄水注之。水出常烝之山。西北逕曲沃城。南又屈逕其

城西。西北入河。諸注述者咸言曲沃在北。此非也。魏司徒崔浩以為曲沃地名也。余按春秋文公十三

年。晉侯使詹嘉守桃林之塞。處此以備秦。時以曲沃之官守之。故曲沃之名。遂為積古之傳矣。河水又

東。得七里澗。澗在陝城西七里。案近刻 故因名焉。其水自南山通河。亦謂之曹陽坑。是以潘岳西征賦

曰：行於漫瀆之口。憩於曹陽之墟。袁豹崔浩亦不非其地矣。余按漢書昔獻帝東遷。逼以寇難。李傕郭

汜追戰於弘農澗。天子遂露次曹陽。楊奉董承外與傕和。內引白波李樂等破傕。乘輿於是得進。復來

戰。奉等大敗。兵相連綴四十餘里。方得達陝。以是推之。似非曹陽。然以山海經求之。蓄曹字相類。是或

有曹陽之名也。河水又東。合濇水。案濇水近刻 水導源常烝之山。俗謂之為干山。案干近刻 蓋先後之

異名也。山在陝城南八十里。其川案此下近刻 二源雙導。同注一壑。而西北流注於河。

案濇水近刻 水導源常烝之山。俗謂之為干山。案干近刻 蓋先後之

又東過陝縣北。

橐水出橐山西北流。又有崖水。案崖近刻作于。出南山北谷。案近刻作合。逕崖峽北流。與干山之水會。案干近刻亦

水出干山東谷。案近刻脫水字。兩川合注於崖水。又東北注橐水。橐水北流出谷。謂之漫澗矣。與安陽溪水合。

水出石嶠南。西逕安陽城南。漢昭帝封上官桀為侯國。案昭帝近刻作武帝。潘岳所謂我祖安陽也。東合漫澗

水。水北有逆旅亭。謂之漫口客舍也。又西逕陝縣故城南。案此八字原本及近刻並訛作經。又合一水。今考上下文。乃注內敘橐水所逕。

謂之瀆谷水。南出近溪。北流注橐。橐水又西北逕陝城西。西北入於河。案注內敘橐水終於此。河北對茅城。故茅

亭。茅戎邑也。公羊曰。晉敗之大陽者也。津亦取名焉。春秋文公三年。秦伯伐晉。自茅津濟。封嶠尸而還。

是也。東則咸陽澗水注之。水出北虞山南。至陝津注河。河南即陝城也。昔周召分伯。以此城為東西之

別。東城即虢邑之上陽也。虢仲之所都。為南虢。三虢。此其一焉。其大城中。有小城。故焦國也。武王以封

神農之後。於此。王莽更名黃眉矣。戴延之云。城南倚山原。北臨黃河。懸水百餘仞。臨之者。咸悚惕焉。西

北帶河水湧起。方數十丈。有物居水中。父老云。銅翁仲所沒處。案沒近刻作沒。又云。石虎載經於此。沈沒二

物並存。水所以湧。所未詳也。或云。翁仲頭髻常出水。之漲減。恆與水齊。晉軍當至。髻不復出。今惟見水

異耳。嗟嗟有聲。聲聞數里。按秦始皇二十六年。長狄十二。見於臨洮。長五丈餘。以為善祥。鑄金人十二

以象之。各重二十四萬斤。坐之門宮之前。謂之金狄。皆銘其胸云。皇帝二十六年。初兼天下。以為郡縣。

正法律同度量。大人來見臨洮，身長五丈，足六尺。李斯書也。故衛恆敍篆曰：秦之李斯，號為工篆。諸山碑及銅人銘。案近刻脫碑字。皆斯書也。漢自阿房徙之未央宮前，俗謂之翁仲矣。地皇二年，王莽夢銅人泣，惡之。念銅人銘有黃帝初兼天下文，使尙方工鑄滅所夢銅人膺文。後董卓毀其九為錢，其在者三。魏明帝欲徙之洛陽，重不可勝。至霸水西，停之。漢晉春秋曰：或言金狄泣，故留之。石虎取置鄴宮。苻堅又徙之長安，毀二為錢。其一未至而苻堅亂，百姓推置陝北河中。於是金狄滅，余以為鴻河巨瀆，故應不為細梗躓湍。長津碩浪，無宜以微物屯流。斯水之所以濤波者，蓋史記所云魏文侯二十六年，虢山崩，壅河所致耳。獻帝東遷，日夕潛渡。案日近刻訛作自。墜坑爭舟，舟指可掬，亦是處矣。

又東過大陽縣南。

交澗水出吳山，東南流入河。河水又東，路澗水亦出吳山東，逕大陽城西，西南流。案此下近刻衍注水二字。入於河。

河水又東，逕大陽縣故城南。案此十一字原本及近刻並訛作經。竹書紀年曰：晉獻公十有九年，獻公會虞師，伐虢，滅下

陽，虢公醜奔衛。獻公命瑕父呂甥，邑於虢都。地理志曰：北虢也。有天子廟。王莽更名勤田。應劭地理風

俗記曰：城在大河之陽也。案在近刻訛作南。河水又東，沙澗水注之。案此九字原本及近刻並訛作經。水北出虞山，東南逕傅

巖，歷傅說隱室前，俗名之為聖人窟。孔安國傳：傅說隱於虞虢之間，即此處也。傅巖東北十餘里，即巖

幹坂也。春秋左傳所謂入自巖幹者也。有東西絕澗，左右幽空，窮深地壑中，則築以成道，指南北之路。

謂之爲輪橋也。傳說備隱止息於此。高宗求夢得之是矣。橋之東北有虞原。原上道東。案近刻脫有虞

城。堯妻舜以嬪於虞者也。周武王以封太伯後。虞仲於此。案後近刻是爲虞公。晉太康地記。案近刻脫

原所謂北虞也。城東有山。世謂之五冢。冢上有虞公廟。春秋穀梁傳曰。晉獻公將伐虢。荀息曰。君何

不以屈產之乘。垂棘之璧。假道於虞。公曰。此晉國之寶也。曰。是取中府。置外府也。公從之。及取虢滅虞。

乃牽馬操璧。璧則猶故。馬齒長矣。即宮之奇。所謂案所下近刻。衍以字。虞虢其猶輔車相依。唇亡則齒寒。虢亡虞

亦亡矣。其城北對長坂二十許里。謂之虞坂。戴延之曰。自上及下。七山相重。戰國策曰。昔騏驥駕鹽車。

上於虞坂。遷延負轅而不能進。此蓋其困處也。橋之東北山溪中。案之近刻有小水。西南注沙澗。案注

訛作流。亂流逕大陽城東。河北郡治也。沙澗水南流注於河。案近刻脫沙字。河水又東。左合積石土柱二

溪。案近刻東下衍右並北發大陽之山。南流入於河。是山也。亦通謂之爲薄山矣。故穆天子傳曰。天子

自鹽。己丑。南登於薄山。窺輪之陞。案近刻脫山字。乃宿於虞是也。

又東過砥柱間。

砥柱。山名也。昔禹治洪水。山陵當水者鑿之。故破山以通河。河水分流。包山而過。山見水中。若柱然。故

曰砥柱也。三穿既決。水流疎分。指狀表目。亦謂之三門矣。山在虢城東北。大陽城東也。搜神記稱齊景

公渡於江沈之河。鼉銜左驂。沒之。衆皆惕。古冶子於是拔劍從之。邪行五里。逆行三里。至於砥柱之下。

乃龍也。左手持龍頭，右手挾左驂，燕躍鵠踊而出，仰天大呼，水為逆流三百步。觀者皆以為河伯也。亦或作江沅字者。若因地而為名，則宜在蜀及長沙。按春秋此二土，並景公之所不至。古冶子亦無因而騁其勇矣。劉向敘晏子春秋，稱古冶子曰：吾嘗濟於河，龍銜左驂，以入砥柱之流。當是時也，從而殺之。視之乃龍也。不言江沅矣。又考史遷記云：景公十二年，公見晉平公；十八年，復見晉昭公。旌軒所指，路直斯津，從龍砥柱事或在茲。又云：觀者以為河伯賢於江沅之證。河伯本非江神，又河可知也。河之右側，嶠水注之。案側近刻訛作則，又此八字。原本及近刻並訛作經。水出河南盤嶠山，西北流，水上有梁，俗謂之鴨橋也。歷澗東，北流，與石嶠水合。水出石嶠山，山有二陵，南陵夏后臯之墓也。北陵文王所避風雨矣。言山徑委深，峯阜交蔭，故可以避風雨也。秦將襲鄭，蹇叔致諫而公辭焉。蹇叔哭子曰：吾見其出，不見其入。晉人禦師必於嶠矣。余收爾骨焉。孟明果覆秦師於此。嶠水又北，左合西水。案左下近刻衍右字。亂流注於河。河水又東，千嶠之水注焉。案此十字原本及近刻並訛作經。水南導於千嶠之山，其水北流，纏絡二道。漢建安中，曹公西討巴漢，惡南路之險，故更開北道。自後行旅率多從之。今山側附路，有石銘云：晉太康三年，弘農太守梁柳修復舊道。太嶠以東，西嶠以西，明非一嶠也。西有二石，又南五十步。案近刻作五六十步。臨溪有恬漠先生翼神碑，蓋隱斯山也。其水北流，注於河。河水翼岸夾山，巍峯峻舉。案峻近刻作岐。羣山疊秀，重嶺干霄。鄭玄按地說：河水東流，貫砥柱，觸闕流。今世所謂砥柱者，蓋乃闕流也。砥柱當在西河，未詳也。余按鄭玄所說，非是。西

河當無山以擬之。案擬近刻自砥柱以下五戶已上其間百二十里河中竦石傑出。案中近刻勢連襄

陸蓋亦禹鑿以通河疑此闕流也其山雖闕尚梗湍流激石雲洄濃波怒溢合有十九灘水流迅急勢

同三峽破害舟船自古所患漢鴻嘉四年楊焉言從河上下患砥柱隘可鑿廣之上乃令焉鑿之裁沒

水中不能復去而令水益湍怒害甚平日魏景初二年二月帝遣都督沙丘部監運諫議大夫寇慈。案

刻訛帥工五千人。案近刻歲常修治以平河阻。案近刻晉泰始三年正月。案近刻詔作秦

大中大夫趙國都匠中郎將河東樂世帥衆五千餘人修治河灘事見五戶祠銘雖世代加功水流湍

湊濤波尚屯及其商舟是次鮮不踟蹰難濟故有衆峽諸灘之言五戶灘名也有神祠通謂之五戶將

軍亦不知所以也

又東過平陰縣北清水從西北來注之

清水出清廉山之西嶺世亦謂之清營山其水東南流出峽峽左有城蓋古關防也清水歷其南東流

逕臯落城北服虔曰赤翟之都也世謂之倚毫城蓋讀聲近轉。案近刻因失實也春秋左傳所謂晉侯

使太子申生伐東山臯落氏者也與倚毫川水合水出北山礦谷東南流注於清清水又東逕清廉城

南又東南流右會南溪水。案近刻右訛作水出南山而東注清水清水又東合乾棗澗水。案近刻水出

石人嶺下。案石近刻南流俗謂之扶蘇水又南歷奸苗北馬頭山亦曰白水原西南逕垣縣故城北史

記魏武侯二年城安邑至垣。即是縣也。其水西南流。注清水。案流注二字近刻訛。初

會清流。乃有玄素之異也。清水又東南逕陽壺城東。即垣縣之壺丘亭。案丘亭上原本及近刻並

宋五大夫所居也。清水又東南流注於河。河水又東與教水合。案此八字原本及

逕輔山。山高三十許里。上有泉源。案近刻脫源字。不測其深。山頂周圍五六里。少草木。山海經曰。孟門東南有

平山。水出於其上。潛於其下。又是王屋之次。疑即平山也。其水南流。歷鼓鍾上峽。懸洪五丈。飛流注壑。

夾岸深高。壁立直上。輕崖秀舉。案輕近刻訛作經。百有餘丈。峯次青松。巖懸頽石。於中歷落。有翠柏生焉。丹青

綺分。望若圖繡矣。水廣十許步。南流歷鼓鍾川。分爲二澗。一澗西北出百六十許里。山岫迴阻。纔通馬

步。今聞喜縣東北谷口。猶有乾河里。故溝存焉。今無復有水。一水歷冶官西。世人謂之鼓鍾城。城之左

右。猶有遺銅及銅錢也。城西阜下。有大泉。西流注澗。與教水合。伏入石下。南至下峽。山海經曰。鼓鍾之

山。帝臺之所以觴百神。即是山也。其水重源。又發。案又刻近訛作雙。南至西馬頭山。東截坡下。又伏流南十餘

里。復出。又謂之伏流。水南入於河。山海經曰。教山。教水出焉。而南流注於河。案而近刻訛作又。是水冬乾夏流。

實惟乾河也。今世人猶謂之爲乾澗矣。河水又與畛水合。案此七字原本及近刻並訛作經。水出新安縣青要山。今謂

之疆山。案疆近刻作疆。下同。又此句之其水北流入於河。山海經曰。青要之山。畛水出焉。即是水也。河

水又東。正回之水入焉。水出驪山。疆山東阜也。東流。俗謂之疆川水。與石瓜疇川合。案近刻訛作與水

出西北石澗中。案近刻脫水字。東南流注於疆川水。疆川水又東逕疆冶鐵官東。東北流注於河。河水又東合

庸庸之水。案此九字原本及近刻並訛作經。水出河東垣縣宜蘇山。案東近刻訛作南。俗謂之長泉水。山海經曰：水多黃貝。伊

洛門也。其水北流分爲二水。一水北入河。一水又東北流注於河。河水又東逕平陰縣北。案此九字原本及近刻並

訛作經。地理風俗記曰：河南平陰縣故晉陰地。陰戎之所居。又曰：在平城之南。故曰平陰也。三老董公說

高祖處。陸機所謂皤皤董叟。謨我平陰者也。魏文帝改曰河陰矣。河水又會灤水。案此六字原本及近刻並訛作經。水

出垣縣王屋山西灤溪。案山西近刻訛作西山。夾山東南流逕故城東。即灤關也。漢光武建武二年遣司空王梁

北守灤關。天井關擊赤眉。別拔皆降之。獻帝自陝北渡安邑。東出灤關。即是關也。灤水西屈逕關城南。

歷軹關南。逕苗亭。西亭。故周之苗邑也。又東流注於河。經書清水。非也。是乃灤水耳。案清水入河處在平陰縣西。灤水則

在縣東。經于大河東。過平陰縣北之下。乃言清水注河。故道元辯其非。

又東至鄧縣。案此四字原本及近刻並訛在上句。清水從西北來注之上。考灤水入河之後。河乃至鄧。而平

即云河水于斯。有盟津之目。盟津值今孟縣南。上注不

言經文之誤。然則二語上下倒亂。在道元後矣。今訂正。

洛陽西北四十二里。故鄧鄉矣。案此十二字原本及近刻並訛在後。條注內南臨孟津河之下。今訂正。

卷五

河水案二字原本訛在經文又東上

又東過平縣北案平下原本及近刻並衍陰字今考上言過平陰清水來注此不得言過平陰 水逕平縣故城北下即云又東 淇水入焉于淇水云斯 淇水從北來注之

河水又東逕河陽縣故城南案此十一字原本及近刻並訛作經考河陽臨平洛陽 春秋經書天王狩

於河陽壬申公朝於王所晉侯執衛侯歸於京師春秋左傳僖公二十八年冬會於溫執衛侯是會也

晉侯召襄王以諸侯見且使王狩仲尼曰以臣召君不可以訓故書曰天王狩於河陽言非其狩地服

虔賈逵曰河陽溫也班固漢書地理志司馬彪袁山松郡國志案山松原本及近刻並訛 晉太康地道

記十三州志河陽別縣非溫邑也案河陽故城在今孟縣西三十五里溫故 漢高帝六年封陳涓為侯

國王莽之河亭也十三州志曰治河上河孟津河也郭緣生述征記曰踐土今治坂城是名異春秋焉

非也案治原本及近刻並訛作治下同今考治坂城其下為治坂津在今 今河北見者河陽城故縣也

在治坂西北蓋晉之溫地故羣儒有溫之論矣魏土地記曰治坂城舊名漢祖渡城險固南臨孟津河

河水右逕臨平亭北案此八字原本及近刻並 帝王世紀曰光武葬臨平亭南西望平陰者也河水又

東逕洛陽縣北案此九字原本及 河之南岸有一碑北面題云洛陽北界津水二渚分屬之也案近刻

屬訛 上舊有河平侯祠祠前有碑今不知所在郭頌世語曰晉文王之世大魚見孟津長數百步高五

丈頭在南岸。尾在中渚。河平侯祠。卽斯祠也。河水又東。逕平縣故城北。案此十字原本及近刻並訛作

所逕至此卽上經文所漢武帝元朔三年封濟北貞王子劉遂爲侯國。王莽之所謂治平矣。俗謂之小

平也。有高祖講武場。河北側岸有二城相對。置北中郎府。徙諸徒隸府戶。案徒近刻訛作從并羽林虎賁領隊

防之。河水南對首陽山。春秋所謂首戴也。夷齊之歌。所以曰登彼西山矣。上有夷齊之廟。前有二碑。並

是後漢河南尹廣陵陳導。雒陽令徐循。與處士平原蘇騰。案近刻脫原字南陽何進等立。事見其碑。又有周公

廟。魏氏起玄武觀於芒垂。張景陽玄武觀賦所謂高樓特起。竦踣峒嶢。直亭亭以孤立。延千里之清飈

也。朝廷又置冰室於斯。阜室內有冰井。春秋左傳曰。日在北陸而藏冰。常以十二月採冰於河津之隘。

峽石之阿。北陰之中。卽邠詩二之日鑿冰沖沖矣。而內于井室。所謂納于凌陰者也。河南有鉤陳壘。世

傳武王伐紂。八百諸侯所會處。尙書所謂不期同時也。紫微有鉤陳之宿主。鬪訟兵陣。故遁甲攻取之

法。以所攻神與鉤陳并氣。下制所臨之辰。則決禽敵。案決近刻訛作秩是以壘資其名矣。河水於斯。有盟津之

目。論衡曰。武王伐紂。升舟陽侯。波起疾風逆流。案逆近刻訛作疾武王操黃鉞而麾之。風波畢除。中流白魚入

於舟。燔以告天。案燔近刻訛作燔與八百諸侯咸同此盟。尙書所謂不謀同辭也。故曰孟津。亦曰盟津。尙書所

謂東至於孟津者也。又曰富平津。晉陽秋曰。杜預造河橋於富平津。案近刻脫河字所謂造舟爲梁也。又謂之

爲陶河。案爲近刻訛作日魏尙書僕射杜畿。以帝將幸許試樓船。覆於陶河。謂此也。昔禹治洪水。觀於河。見白面

長人魚身。出曰吾河精也。授禹河圖。而還於淵。及子朝篡位。與敬王戰。乃取周之寶玉。沈河以祈福。後二日。津人得之於河上。將賣之。則變而為石。及敬王位定。得玉者獻之。復為玉也。河水又東。澳水入焉。

案此八字原本及近刻並訛作經。誤訛作澳。澳水詳見卷七濟水內。山海經曰。和山上無草木而多瑤碧。實惟河之九都。是山也。五曲九

水出焉。合而北流。注於河。其陽多蒼玉。吉神泰逢司之。是於蒼山之陽。出入有光。呂氏春秋曰。夏后氏

孔甲。田於東陽。蒼山。遇大風雨。迷惑入於民室。皇甫謐帝王世紀。以為即東首陽山也。蓋是山之殊目

矣。今於首陽東山。無水以應之。當是今古世懸。川域改狀矣。昔帝堯修壇河洛。擇良議沈率舜等。升於

首山。而遵河渚。案遵近刻有五老遊焉。相謂河圖將來告帝。以期知我者。重瞳也。五老乃翻為流星而

升於昴。即於此也。又東。濟水注焉。案此六字原本及近刻並訛作經。今考此。即後注內所謂今濟水自溫縣入河者也。

又東過鞏縣北

河水於此。有五社渡。為五社津。建武元年。朱鮪遣持節使者賈彊。討難將軍蘇茂。將三萬人。從五社津

渡。攻溫。馮異遣校尉與寇恂合擊之。大敗。追至河上。生擒萬餘人。投河而死者數千人。縣北有山臨河。

案近刻謂之崆原丘。其下有穴。謂之鞏穴。言潛通淮浦。案近刻北達於河直。穴有渚。謂之鮪渚。成公子

安大河賦曰。鱣鯉王鮪。春暮來遊。案近刻周禮春薦鮪。然非時。及佗處則無。故河自鮪穴已上。又兼鮪

稱。呂氏春秋稱武王伐紂。至鮪水。紂使膠鬲候周師。即是處矣。案近刻脫此二字。

洛水從縣西北流注之。

洛水於鞏縣案近刻縣下衍而字東逕洛汭案近刻脫逕字北對琅邪渚入於河謂之洛口矣自縣西來而北流注河案近刻

刻訛清濁異流皦焉殊別應瑒靈河賦曰資靈川之遐源案靈近刻訛作虛出崑崙之神丘涉津洛之阪泉案阪

近刻訛播九道於中州者也作峻

又東過成臯縣北濟水從北來注之。

河水自洛口又東左逕平臯縣南案臯近刻訛作高又東逕懷縣南濟水故道之所入與成臯分河案河下近刻

河水右逕黃馬坂北案此八字原本及近刻並訛作經近刻右訛作又謂之黃馬關孫登之去楊駿作書與洛中故人處也河

水又東逕旋門坂北案此九字原本及近刻並訛作經今成臯西大坂者也升陟此坂而東趣成臯也曹大家東征賦

曰望河洛之交流看成臯之旋門者也河水又東逕成臯大伾山下案此十一字原本及近刻並訛作經爾雅曰山一成

謂之伾許慎呂忱等並以為丘一成也孔安國以為再成曰伾亦或以為地名非也尚書禹貢曰過洛

汭至大伾者也鄭康成曰地喉也沈出伾際矣案此句之下近刻衍然則大伾四字在河內脩武武德之界濟沈之水與

滎播澤出入自此然則大伾即是山矣伾北即經所謂濟水從北來注之者也今濟水自溫縣入河案

近刻訛不於此也所入者奉溝水耳案溝近刻訛作濟即濟沈之故瀆矣案濟近刻訛作溝成臯縣之故城在伾上案

刻脫城紫帶伾臯絕岸峻周高四十許丈城張翕險崎而不平春秋傳曰制巖邑也虢叔死焉即東虢

也。魯襄公二年七月，晉成公與諸侯會於戚，遂城虎牢以逼鄭，求平也。蓋脩故耳。穆天子傳曰：天子射

鳥獵獸於鄭圃，命虞人掠林，有虎在於葭中。天子將至，七萃之士高奔戎生捕虎而獻之。天子案捕近

命之為柙，畜之東虢。案近刻是曰虎牢矣。然則虎牢之名自此始也。秦以為關，漢乃縣之。城西北隅有

小城，周三里，北面列觀臨河，岩岩孤上。景明中言之壽春，路值茲邑，升眺清遠，勢盡川陸，羈途遊至，有

傷深情。河水南對玉門。案此六字原本及昔漢祖與滕公潛出濟，於是處也。門東對臨河側，岸有土穴，

魏攻北司州刺史毛德祖於虎牢。案北司州近刻戰經二百日，不克，城惟一井，井深四十丈，山勢峻峭，

不容防捍，潛作地道取井，余頃因公至彼，故往尋之。其穴處猶存。河水又東合汜水。案此七字原本及

水南出浮戲山，世謂之曰方山也。北流合東關水。案近刻脫合字水出嵩渚之山。案近刻脫水字泉發

於層阜之上，一源兩枝，分流瀉注。世謂之石泉水也。東為索水，西為東關之水。案近刻作東流為西北

流楊蘭水注之。水出非山，西北流注東關水。案注下近東關水又西北，清水入焉。案清近刻水自東浦

西流，與東關水合，而亂流注於汜。汜水又北，右合石城水。水出石城山，其山複澗重嶺，敲疊若城。山頂

泉流，瀑布懸瀉，下有濫泉。東流洩注，邊有數十石畦。畦有數野蔬，巖側石窟數口，隱跡存焉。而不知誰

所經始也。又東北流，注於汜水。汜水又北，合鄆水。案又近刻水西出婁山，至冬則煖，故世謂之溫泉。東

北流，逕田鄆谷，謂之田鄆溪。水東流，注於汜水。汜水又北，逕虎牢城東。漢破司馬欣曹咎於是水之上。

汜水又北流注於河。征艱賦所爲步汜口之芳草。弔周襄之鄙館者也。余按昔儒之論。案近刻脫昔字周襄所

居在潁川襄城縣。是乃城名。非爲水目。原夫致謬之由。俱以汜鄭爲名故也。是爲爽矣。又按郭緣生述

征記。劉澄之永初記。並言高祖卽帝位。於是水之陽。今不復知舊壇所在。盧諶崔雲亦言是矣。余按高

皇帝受天命於定陶。汜水不在此也。於是求壇。故無髣髴矣。案無近刻河水又東逕板城北。案此八字

刻並訛有津。謂之板城渚口。河水又東逕五龍塢北。案此九字原本及塢臨長河。案塢字近刻有五龍

祠。應劭云。崑崙山廟在河南滎陽縣。案南近刻疑卽此祠。所未詳。

又東過滎陽縣北。蕩蕩渠出焉。案近刻脫北字。蕩訛作蕩。

大禹塞滎澤。開之以通淮泗。卽經所謂蕩蕩渠也。漢平帝之世。河汴決壞。未及得脩。汴渠東侵。日月彌

廣。門閭故處。案門閭近刻皆在水中。漢明帝永平十二年。議治汴渠。上乃引樂浪人王景問水形便。案

刻問下有理字。景陳利害。應對敏捷。帝甚善之。乃賜山海經河渠書。禹貢圖。及以錢帛。後作隄。發卒數十萬。詔

景與將作謁者王吳治渠。案近刻吳訛作吳築隄防。脩塢。案近刻起自滎陽。東至千乘海口。千有餘里。

景乃商度地勢。鑿山開澗。防遏衝要。疏決壅積。十里一水門。更相迴注。無復滲漏之患。案滲近明年渠

成。帝親巡行。詔濱河郡國。置河隄員吏。如西京舊制。景由是顯名。王吳及諸從事者。皆增秩一等。順帝

陽嘉中。又自汴口以東。緣河積石。爲堰通渠。案河字近刻訛在爲堰下。咸曰金隄。靈帝建寧中。又增脩

石門以遏渠口案渠近刻水盛則通注津耗則輟流河水又東北逕卷之扈亭北案此十一字原本春

秋左傳曰文公七年晉趙盾與諸侯盟於扈竹書紀年晉出公十二年案近刻訛作河絕於扈即於是

也河水又東逕八激隄北案此九字原本及漢安帝永初七年令謁者太山於岑於石門東積石八所

皆如小山以捍衝波謂之八激隄河水又東逕卷縣北案此八字原本及晉楚之戰晉軍爭濟舟中之

指可掬楚莊祀河告成而還即是處也河水又東北逕赤岸固北而東北注案此十四字原本

又東北過武德縣東沁水從西北來注之案近刻脫四字

河水自武德縣漢獻帝延康元年封曹叡為侯國即魏明帝也東至酸棗縣西濮水東出焉案此十一

近刻並漢興三十有九年孝文時河決酸棗東潰金隄大發卒塞之故班固云文堙棗野武作瓠歌謂

斷此口也今無水河水又東北通謂之延津案此十字原本及石勒之襲劉曜途出於此以河冰泮為

神靈之助號是處為靈昌津昔澹臺子羽齎千金之璧渡河陽侯波起兩蛟挾舟子羽曰吾可以義求

不可以威劫案近刻操劍斬蛟蛟死波休乃投璧於河三投而輒躍出乃毀璧而去示無吝意趙建武

中造浮橋於津上探石為中濟石無大小下輒流去用工百萬經年不就石虎親閱作工沈璧於河明

日壁流渚上波蕩上岸遂斬匠而還河水又逕東燕縣故城北案此十字原本及近刻並訛作經近刻

來注之九字河水於是有棘津之名亦謂之石濟津案原本及近刻並脫石字今故南津也春秋僖公二十

九字考即胙城縣東北石濟津

八年。晉將伐曹。曹在衛東。案衛近刻。訛作縣。假道於衛。衛人不許。還自南河濟。即此也。案濟字近刻。訛在。即此。下。又此句之下。衍河水。

于是亦有棘。津之名十字。晉伐陸渾。亦於此渡。宋元嘉中。案近刻。訛作年。遣輔國將軍蕭斌。率寧朔將軍王玄謨。北入宣威

將軍垣護之。案垣近刻。訛作桓。以水軍守石濟。即此處也。河水又東。淇水入焉。又東。逕遮害亭南。案此十五字。原本及近刻。

並訛。漢書溝洫志曰。在淇水口東十八里。有金隄。隄高一丈。自淇口東。地稍下。隄稍高。至遮害亭。高四

五丈。案近刻。脫高字。又有宿胥口。舊河水北入處也。案此所謂舊河。河水又東。右逕滑臺城北。及近刻。並訛作

經。城有三重。中小城謂之滑臺城。舊傳滑臺人自脩築此城。因以名焉。城即故鄭廩延邑也。下有延津。

春秋傳曰。孔悝為蒯聩所逐。載伯姬於平陽。行於延津是也。廩延南故城。即衛之平陽亭也。今時人謂

此津為延壽津。宋元嘉中。右將軍到彥之。案近刻。脫將字。留建威將軍朱脩之守此城。魏軍南伐。脩之執節不

下。其母悲憂。一旦乳汁驚出。母乃號踊。告家人曰。我年老。非有乳時。今忽如此。吾兒必沒矣。脩之絕援。

果以其日陷沒。城故東郡治。續漢書曰。延熹九年。濟陰東郡。濟北平原。河水清。襄楷上疏曰。春秋注記

未有河清。而今有之。易乾鑿度曰。上天將降嘉應。河水先清。京房易傳曰。河水清。天下平。天垂異。案近刻。訛

作。地吐妖。民厲疫。案近刻。訛作疾。三者並作。而有河清。春秋麟不當見而見。孔子書以為異。河者。諸侯之象。清

者。陽明之徵。豈獨諸侯有窺京師也。明年。宮車宴駕。徵解瀆侯為漢嗣。是為靈帝。建寧四年二月。河水

又清也。

又東北過黎陽縣南。

黎侯國也。詩式微：黎侯寓於衛，是也。晉灼曰：黎山在其南，河水逕其東，其山上碑云：縣取山之名，取水

之陽，以為名也。王莽之黎蒸也。案黎蒸，近刻。訛作魏丞。今黎山之東北故城，蓋黎陽縣之故城也。山在城西，城憑

山為基，東阻于河。案于，近刻。訛作為。故劉楨黎陽山賦曰：南蔭黃河，左覆金城，青壇承祀，高碑頌靈。昔慕容玄

明自鄴率衆南徙滑臺，既無舟楫，將保黎陽，昏而流澌，冰合於夜中，濟訖旦而冰泮，燕民謂是處為天

橋津，東岸有故城，險帶長河，戴延之謂之遠明壘。案遠，近刻。訛作遠，下同。周二十里，言遠明石勒十八騎中之一

案近刻脫此二字。城因名焉。郭緣生曰：城袁紹時築，皆非也。余按竹書紀年：梁惠成王十一年，案近刻。訛作十三年。鄭釐

侯使許息來致地，平丘戶牖首垣諸邑，及鄭馳道。案近刻。訛作地。我取枳道與鄭鹿。案此下，近刻。訛作鹿二字。即是城也。今

城內有故臺，尚謂之鹿鳴臺，又謂之鹿鳴城。王玄謨自滑臺走鹿鳴者也。濟取名焉，故亦曰鹿鳴津。又

曰白馬濟，津之東南有白馬城。衛文公東徙渡河，都之，故濟取名焉。袁紹遣顏良攻東郡太守劉延於

白馬，關羽為曹公斬良以報效，即此處也。案也，上近刻。衍是字。白馬有韋鄉，韋城故津，亦有韋津之稱。史記所謂

下脩武，渡韋津者也。案下脩武，近刻。訛作脩武，下武。河水舊於白馬縣南，洑通濮，濟黃溝，故蘇代說燕曰：決白馬之口，

魏無黃濟陽。竹書紀年：梁惠成王十二年，楚師出河水，以水長垣之外者也。案出，近刻。訛作決。金隄既建，故渠

水斷，尚謂之白馬瀆。故瀆東逕鹿鳴城南，又東北逕白馬縣之涼城北。蒼舊傳云：東郡白馬縣之神馬

亭實中層峙。南北二百步。東西五十許步。狀丘斬城也。案此句有脫誤未詳。自外耕耘墾斫。削落平盡。正南有躔

陸陟上。案近刻訛作陟。陟上。方軌是由西南側城有神馬寺。樹木脩整。西去白馬津可二十許里。東南距白馬

縣故城可五十里。疑卽開山圖之所謂白馬山也。山下常有白馬羣行。悲鳴則河決。馳走則山崩。注云

山在鄭北。案北近刻訛作此。又故鄭也。所未詳。劉澄之云。有白馬塞。孟達登之長歎。可謂於川土疎妄

矣。亭上舊置涼城縣。治此。案舊字下近刻衍白馬瀆。又東南逕濮陽縣。散入濮水。所在決會。更相通注。

以成往復也。河水自津東北逕涼城縣。案此十字原本及河北有般祠。孟氏記云。祠在河中。積石爲基。

河水漲盛。恆與水齊。戴氏西征記曰。今見祠在東岸。臨河累石爲壁。其屋宇容身而已。殊似無靈。不如

孟氏所記。將恐言之過也。河水又東北逕伍子胥廟南。案此十一字原本祠在北岸頓丘郡界。臨側長

河。廟前有碑。魏青龍三年立。河水又東北爲長壽津。案此九字原本及述征記曰。涼城到長壽津六十

里。河之故瀆出焉。漢書溝洫志曰。河之爲中國害尤甚。故導河自積石。歷龍門二渠以引河。案此有脫

歷龍門。南到華陰。東下底柱。及盟津。維內。至于大伾。于是禹以爲河所從。一則潔川。案此下近所流

來者。高水湍悍。難以行。平地數爲敗。迺醜二渠以引其河北。載之高地。也。一則北瀆。王莽時空。故世俗名是瀆爲王莽河也。故瀆東北逕戚城西。案此八字原本及近刻並訛

之故瀆。春秋哀公二年。晉趙鞅率師納衛太子蒯聩於戚。宵迷。陽虎曰。右河而南必至焉。今頓丘。衛國

縣西戚亭是也。爲衛之河上邑。漢高帝十二年。封將軍李必爲侯國矣。故瀆又逕繁陽縣故城東。案此

原本及近刻。史記趙將廉頗伐魏，取繁陽者也。案近刻脫取字。北逕陰安縣故城西。案此八字原本及近刻並訛作經。漢武帝

元朔五年封衛不疑為侯國，故瀆又東北逕樂昌縣故城東。案此十二字原本及近刻並訛作經。地理志東郡之屬縣也。

漢宣帝封王稚君為侯國，故瀆又東北逕平邑郭西。案此十字原本及近刻並訛作經。竹書紀年晉烈公二年。案近刻

年趙城平邑五年，田公子居思伐邯鄲，圍平邑。九年。案近刻訛作十年。齊田肸及邯鄲韓舉戰於平邑。案肸近刻訛作

汾邯鄲之帥敗逋。案近刻訛作途。獲韓舉，取平邑。新城又東北逕元城縣故城西北而至沙丘壘。案此十六字原本及近刻

並訛。史記曰：魏武侯公子元食邑於此，故縣氏焉。案漢書地理志魏郡元城，應劭曰：魏武侯公子元食邑于此，因而遂氏焉。此引史記當是地理風俗記之

誤。郭東有五鹿墟，墟之左右多陷城。案之字下近刻衍在字。公羊曰：襲邑也。說曰：襲陷矣。郡國志曰：五鹿故沙鹿

有沙亭。周穆王喪盛姬，東征舍於五鹿，其女叔姪，屆此思哭，是曰女姪之丘，為沙鹿之異名也。春秋左

傳僖公十四年沙鹿崩，晉史卜之曰：陰為陽雄，土火相乘，故有沙鹿崩。後六百四十五年，宜有聖女，與

其齊田孚。後王翁孺自濟南。案濟近刻訛作齊，脫南字。徙元城，正直其地，日月當之。王氏為舜後，土也。漢火也。王禁

生政君，其母夢見月入懷，年十八，詔入太子宫，生成帝，為元后。漢祚道汗，四世稱制，故曰：火土相乘而

為雄也。及崩，大夫揚雄作誄曰：太陰之精，沙鹿之靈，作合於漢，配元生成者也。獻帝建安中。案獻帝上

字。袁紹與曹操相禦於官渡。案禦近刻作襲。紹逼大司農鄭玄，載病隨軍，屆此而卒。郡守已下受業者，衰經赴

者千餘人。玄注五經，讖緯候歷天文經，通於世。故范曄贊曰：孔書遂明，漢章中輟矣。縣北有沙丘堰，堰

障水也。案此四字近刻。尚書禹貢曰：北過降水。案近刻脫此九字。不遵其道曰降，亦曰潰。至於大陸北，播爲九

河。案此九字原本及近刻並訛作經，今考此即上文所引禹貢以解釋雜其間耳。風俗通曰：河播也。播爲九河，自此始也。禹貢沈州九河既道，

案道下近刻謂徒駭太史馬頰覆釜胡蘇簡潔句盤鬲津也。同爲逆河。鄭玄曰：下尾合曰逆河。言相迎受

矣。案迎近刻蓋疏潤下之勢以通河海及齊桓霸世塞廣田居同爲一河故自堰以北館陶廆陶貝丘

鬲般廣川信都東光河間樂成以東。案川近刻城地並存川瀆多亡漢世河決金隄南北離其害議者

常欲求九河故迹而穿之。案穿近刻未知其所是以班固云自茲距漢北亡八枝者也。河之故瀆自沙

丘堰南分屯氏河出焉。河水故瀆東北逕發干縣故城西又屈逕其北。案此三十三字原本王莽之所

謂戢楯矣。漢武帝以大將軍衛青破右賢王功封其子登爲侯國。大河故瀆又東逕貝丘縣故城南。案此

十三字原本及近刻並訛作經。應劭曰：左氏傳齊襄公田於貝丘是也。余按京相璠杜預並言在博昌即司馬彪郡國

志所謂貝中聚者也。應注於此事近違矣。大河故瀆又東逕甘陵縣故城南。案此十二字原本地理志

之所謂厝也。王莽改曰厝治者也。漢安帝父孝德皇以太子被廢爲王薨於此乃葬其地。尊陵曰甘陵。

縣亦取名焉。桓帝建和二年改清河曰甘陵。案縣亦取名焉五字近刻訛在此是周之甘泉市地也。案

近刻訛陵在瀆北丘墳高巨雖中經發壞猶若層陵矣。世謂之唐侯冢。案近刻城曰邑城皆非也。昔南

陽文叔良以建安中爲甘陵丞夜宿水側趙人蘭襄夢求改葬叔良明循水求棺果於水側得棺半許

落水。叔良願親舊曰：若聞人傳此，吾必以為不然。遂為移殯，酸而去之。大河故瀆，又東逕艾亭城南。又

東逕平晉城南。今城中有浮圖五層，上有金露盤，題云趙建武八年。比釋道龍和上竺浮圖澄樹德勸

化，興立神廟。案興近刻浮圖已壞，露盤尚存。煒煒有光明。大河故瀆，又東北逕靈縣故城南。王莽之播

亭也。河水於縣。案水近刻別出為鳴犢河。河水故瀆，又東逕鄒縣故城東。呂后四年，以父嬰功，封子佗襲

為侯國。案製近刻王莽更名之曰善陸。大河故瀆，又東逕平原縣故城西。而北絕屯氏三瀆。案三瀆謂

屯氏別河之南北北逕繹幕縣故城東北，西流逕平原鬲縣故城西。案此三十九字原本地理志曰：鬲

津也。王莽名之曰河平亭，故有窮后羿國也。案近刻應劭曰：鬲偃性，咎繇後。光武建武十三年，封建義

將軍朱祐為侯國。案義近刻大河故瀆，又北逕脩縣故城東，又北逕安陵縣西。案此十九字原本

本脩之安陵鄉也。地理風俗記曰：脩縣東四十里有安陵鄉。案近刻故縣也。又東北至東光縣故城西，

而北與漳水合。案注內敘河之一水分大河故瀆北出，為屯氏河。逕館陶縣東，東北出。案此二十一字

截上三字屬注文漢書溝洫志曰：自塞宣防河，復北決於館陶縣，分為屯氏河。廣深與大河等。成帝之

世，河決館陶，及東郡金隄。上使河隄謁者王延世塞之。三十六日隄成，詔以建始五年為河平元年。以

延世為光祿大夫。是水亦斷。屯氏故瀆水之，又東北。屯氏別河出焉。屯氏別河故瀆，又東北逕信成縣。

案近刻張甲河出焉。案近刻地理志案志下近張甲河案此下近刻首受屯氏別河，於信成縣者

也。張甲河故瀆。案故近刻北絕清河於廣宗縣。案清字近刻分爲二瀆。左瀆逕廣宗縣故城西。又北逕

建始縣故城東。田融云：趙武帝十二年。案近刻詛作案清字近刻立建興郡。案近刻治廣宗。置建始、興德、五縣隸焉。

左瀆。又北逕經城東。繚城西。又逕南宮縣西北。注絳瀆。案此二十一字原本及近刻並訛作右瀆東北

逕廣宗縣故城南。又東北逕界城亭北。又東北逕長樂郡棗彊縣故城東。案棗彊原本及近刻並訛作

亦訛作經。今考以下乃注。長樂故信都也。晉太康五年改從今名。又東北逕廣川縣。與絳瀆水故道合。

內敘張甲河右瀆所逕。案原本及近刻並脫絳瀆二字。今考濁漳水注內言絳瀆又東北逕廣川縣故城西。又東逕棘津亭南。

東連于廣川縣之張甲河。同歸于海。其爲絳瀆合流顯然。案此二十九字原本徐廣曰：棘津在廣川。司馬彪曰：縣北有棘津城。呂尙賣食之困。疑在此也。劉澄之

及近刻並訛作經。云：譙郡鄆縣東北有棘津亭故邑也。呂尙所困處也。余按春秋左傳伐巢克棘。入州來。無津字。杜預春

秋釋地。又言棘亭在鄆縣東北。亦不云有津字矣。而竟不知澄之於何而得是說。然天下以棘爲名者

多。未可咸謂之棘津也。又春秋昭公十七年。案近刻晉侯使荀吳帥師。涉自棘津。用牲於洛。遂滅陸

渾。杜預釋地。闕而不書。服虔曰：棘津猶孟津也。徐廣晉紀又言石勒自葛陂寇河北。襲汲人向冰。案近

作入。向水。於枋頭濟自棘。棘津在東郡河內之間。田融以爲卽石濟南津也。雖千古茫昧。理世玄遠。遺文逸

句。容或可尋。沿途隱顯。方土可驗。司馬遷云：呂望東海上人也。老而無遇。以釣于周文王。又云：呂望行

年五十。賣食棘津。七十則屠牛朝歌。行年九十。身爲帝師。皇甫士安云：欲隱東海之濱。聞文王善養老。

故入釣於周。今汲水城亦言有呂望隱居處。起自東海，迄於酆雍，緣其逕趣。趙魏為密厝之譙，宋事為

疎矣。張甲故瀆，又東北至脩縣東會清河。案此十四字，原本及近刻並訛作經。今考注內敘張甲河右瀆終于此。十三州志曰：張甲河東

北至脩縣入清漳者也。屯氏別河，又東枝津出焉。東逕信成縣故城南，又東逕清陽縣故城南。清河郡

北。案此三十一字，原本及近刻並訛作經。今考屯氏別河，又東承前。魏自清陽徙置也。又東北逕陵鄉

南，又東北逕東武城縣故城南，又東北逕東陽縣故城南。案此二十八字，原本及近刻並訛作經。地理志曰：王莽更之曰

胥陵矣。俗人謂之高黎郭，非也。應劭曰：東武城東北三十里有陽鄉故縣也。又東散絕，無復津逕。案注

屯氏別河枝，津終于此。屯氏別河，又東北逕清河郡南，又東北逕清河故城西。案此二十一字，原本及近刻並訛

逕河所。漢高帝六年，封王吸為侯國。地理風俗記曰：甘陵郡東南十七里有清河故城者，世謂之鵠城也。

又東北逕繹幕縣南，分為二瀆。屯氏別河北瀆，東逕繹幕縣故城南，東絕大河故瀆，又東北逕平原縣

枝津北出，至安陵縣遂絕。屯氏別河北瀆，又東北逕重平縣故城南。案此五十三字，原本及近刻並訛

河北瀆，承上分。應劭曰：重合縣西南八十里，有重平鄉故縣也。又東北逕重合縣故城南，又東北逕定

縣故城南。漢武帝元朔四年，封齊孝王子劉越為侯國。案越近刻訛作成。地理風俗記曰：饒安縣東南三十里

有定鄉城，故縣也。屯氏別河北瀆，又東入陽信縣，今無水。又東為咸河，東北流，逕陽信縣故城北。案此

字，原本及近刻並訛作經。地理志：渤海之屬縣也。東注於海。案注內敘屯氏別河，河北瀆終于此。屯氏別河南瀆，自平原東，絕大河故

瀆又逕平原縣故城北。枝津右出。東北至安德縣界。東會商河。屯氏別河南瀆。又東北於平原界。又有

枝渠右出。至安德縣遂絕。屯氏別河南瀆。自平原城北首。受大河故瀆。東出亦通謂之篤馬河。案此八

原本及近刻並訛作經。今考以下。即地理志所謂平原縣有篤馬河。東北入海。行五百六十里者也。東

皆注內敘屯氏別河南瀆所逕。北逕安德縣故城西。又東北逕臨齊城南。始東齊未賓。案此二十二字。原本及近刻並截上

十八字。訛作經。下四字。仍屬注文。大魏築城以臨之。故城得其名也。又屈逕其城東故瀆。廣四十步。又東北逕重丘縣故城西。案此二十二字。原本

及近刻並訛作經。春秋襄公二十五年秋。同盟於重丘。伐齊故也。應劭曰。安德縣北五十里。有重丘鄉。故縣也。又東北逕

西平昌縣故城北。案此十一字。原本北海有平昌縣。故加西。漢宣帝元康元年。封王長君為侯國。故渠

川派。東入般縣。為般河。蓋亦九河之一道也。後漢書稱公孫瓚破黃巾於般河。即此瀆也。又東為白鹿

淵水。南北三百步。東西千餘步。深三丈餘。其水冬清而夏濁。渟而不流。若夏水洪泛。水深五丈。方乃通

注。般瀆又逕般縣故城北。案此九字。原本及近刻並截上二字。屬注文。下七字。訛王莽更之曰分明

也。東逕樂陵縣故城北。案此八字。原本及地理志曰。故都尉治。伏琛晏謨言平原邑。今分為郡。又東北

逕陽信縣故城南。東北入海。案此十四字。原本及近刻並訛作經。屯氏河故瀆。自別河東逕甘陵之信

鄉縣故城南。案此十九字。原本及近刻並訛作經。今地理志曰。安帝更名安平。案安帝。近刻應劭曰。甘

陵西北十七里。有信鄉。故縣也。屯氏故瀆。又東逕甘陵縣故城北。又東逕靈縣北。又東北逕鄒縣。與鳴

犢河故瀆合。上承大河故瀆於靈縣南。案此四十二字原本地理志曰：河水自靈縣別出，為鳴犢河者

也。東北逕靈縣東，東入郟縣，而北合屯氏瀆。屯氏瀆兼鳴犢之稱也。又東逕郟縣故城北，東北合大河

故瀆，謂之鳴犢口。案近刻脫鳴犢二字。注十三州志曰：鳴犢河東北至脩，入屯氏。考瀆則不至也。案此

六字原本訛作經。近刻截上東北逕靈縣東入郟縣而北，合屯氏瀆十六字，訛作經。餘仍屬注文。

又東北過衛縣南。案近刻作又東北又東北過濮陽縣北，瓠子河出焉。

河水東逕鐵丘南。案此七字原本及近刻並訛作經。今考鐵丘，戚並值長春秋左氏傳：哀公二年，鄭罕

達帥師，郵無恤御簡子，衛太子為右，登鐵丘，望見鄭師，衛太子自投車下，即此處也。京相璠曰：

鐵丘，名也。杜預曰：在戚南河之北岸，有古城。案近刻訛戚，邑也。東城有子路冢。案近刻脫東城二字河之

西岸有竿城。郡國志曰：衛縣有竿城者也。河南有龍淵宮，武帝元光中，河決濮陽，汜郡十六，發卒十萬

人塞決河，起龍淵宮，蓋武帝起宮於決河之傍，龍淵之側，故曰龍淵宮也。河水東北流，而逕濮陽縣北

為濮陽津。案此十五字原本及近刻並訛作經。今考經故城在南，與衛縣分水。城北十里有瓠河口，有

金隄，宣房堰。案近刻粵在漢世，河決金隄，涿郡王尊。案近刻訛自徐州刺史遷東郡太守，河水盛溢，泛

浸瓠子，金隄決壞，尊躬率民吏，投沈白馬，祈水神，河伯親執圭璧，請身填隄，廬居其上，民吏皆走。案近

吏走，尊立不動，而水波齊足而止。公私壯其勇節，河水又東北逕衛國縣南，東為郭口津，河水又東逕

鄆城縣北。案此二十四字原本及近刻並訛作經。故城在河南十八里。王莽之鄆良也。沈州舊治。魏武創業。始自於此。河

上之邑。最為峻固。晉八王故事曰。東海王越治鄆城。城無故自壞七十餘丈。越惡之。移治濮陽城。南有

魏使持節征西將軍太尉方城侯鄧艾廟。廟南有艾碑。秦建元十二年。廣武將軍沈州刺史關內侯安

定彭超立河之南岸。有新城。宋寧朔將軍王玄謨前鋒入河所築也。北岸有新臺鴻基。層廣高數丈。衛

宣公所築新臺矣。詩齊姜所賦也。為盧關津。案盧近刻訛作應。臺東有小城。崎嶇頽側。臺址枕河。案近刻脫址字。俗謂

之邱閣城。案近刻訛作俗為之底閣城。疑故關津都尉治也。所未詳矣。河水又東北逕范縣之秦亭西。案此十二字原本及近刻

並訛作經。春秋經書築臺於秦者也。河水又東北逕委粟津。案此九字原本及近刻並訛作經。大河之北。即東武陽縣也。左

會浮水故瀆。案此六字原本及近刻並訛作經。故瀆上承大河於頓丘縣。而北出。東逕繁陽縣故城南。案此下近刻有故字。應劭

曰。縣在繁水之陽。張晏曰。縣有繁淵。春秋襄公二十年。經書公與晉侯齊侯盟於澶淵。杜預曰。在頓丘

縣南。今名繁淵。澶淵即繁淵也。亦謂之浮水焉。昔魏徙太梁。趙以中牟易魏。故志曰。趙南至浮水繁陽。

即是瀆也。故瀆東絕大河。故瀆東逕五鹿之野。案此十四字原本及近刻並訛作經。今考以下皆注內敘浮水所逕。晉文公受塊於野人。

即此處矣。京相璠曰。今衛縣西北三十里。案衛下近刻衍國字。有五鹿城。案近刻訛作地。今屬頓丘縣。浮水故瀆。又東南

逕衛國邑城北。案此十三字原本及近刻並訛作經。下二字仍為注。故衛公國也。漢光武以封周後也。又東逕衛國縣故

城南古樹觀。案此十二字原本及近刻並訛作經。應劭曰。夏有觀扈。即此城也。竹書紀年。梁惠成王二年。齊田壽率師伐

我案近刻圍觀觀降浮水故瀆又東逕河牧城而東北出案此十四字原本郡國志曰衛本觀故國姚

姓案近刻姚案近刻衛案近刻有河牧城又東北入東武陽縣東入河案此十一字原本及近刻並訛又有漯水出

焉案此六字戴延之謂之武水也案水字近刻訛作陽又後注內漯水河水又東逕武陽縣東范縣西

而東北流也案此十七字原本及近刻並訛作經

又東北過東阿縣北

河水於范縣東北流為倉亭津案此十二字原本及近刻並訛作經今考倉亭述征記曰倉亭津在范

縣界去東阿六十里魏土地記曰津在武陽縣東北七十里津河濟名也河水右歷柯澤案此六字原

訛作春秋左傳襄公十四年衛孫文子敗公徒於阿澤者也又東北逕東阿縣故城西而東北出流注

案此十六字原本及近刻並河水枝津東出謂之鄧里渠也

又東北過荏平縣西

河自鄧里渠東北逕昌鄉亭北又東北逕碯礮城西案此二十字原本述征記曰碯礮津名也自黃河

泛舟而渡者皆為津也其城臨水西南崩於河宋元嘉二十七年以王玄謨為寧朔將軍前鋒入河平

碯礮守之都督劉義恭以沙城不堪守召玄謨令毀城而還後更城之案更近刻魏立濟州治此也河

水衝其西南隅又崩於河即故荏平縣也應劭曰荏山名也縣在山之平地案近刻故曰荏平也王莽

之功崇矣。經曰：大河在其西，鄧里渠歷其東。案水經瓠子河章云：東北過在平縣，東爲鄧里渠，卽此所引。卽斯邑也。昔石勒之隸師

權屯耕於荏平，聞鼓角鞞鐸之聲，於是縣也。西與聊城分河。案近刻西訛作柳。河水又東北與鄧里渠合，

水上承大河於東阿縣西，東逕東阿縣故城北。案此二十八字原本及近刻並訛作經。故衛邑也。應仲瑗曰：有西故稱東

魏封曹植爲王國，大城北門內西側阜上有大井，其巨若輪，深六七丈，歲嘗煮膠以貢天府。本草所謂

阿膠也。故世俗有阿井之名。縣出佳繒縑，故史記云：秦昭王服太阿之劍，阿縞之衣也。又東北逕臨邑

縣，與將渠合。又北逕荏平縣東，臨邑縣故城西，北流入於河。河水又東北流，逕四瀆津。案此三十九字並

訛作津西側岸臨河，有四瀆祠，東對四瀆口，河水東分濟，亦曰濟水受河也。然滎口石門水斷不通。案

本及近刻並訛作滎口水右斷門不始自是出東北流逕九里與清水合故濟瀆也。案故近刻自河入

通。今據濟水注內有滎口石門訂正。始自是出東北流逕九里與清水合，故濟瀆也。案故近刻自河入

濟，自濟入淮，自淮達江水，徑周通，故有四瀆之名也。昔趙殺鳴犢，仲尼臨河而歎，自是而返曰：丘之不

濟，命也。夫琴操以爲孔子臨狄水而歌矣。曰：案近刻脫矣。狄水衍兮風揚波，船楫顛倒更相加。余按臨

濟，故狄也。是濟所逕，得其通稱也。案也字近刻河水又逕楊墟縣之故城東，俗猶謂是城曰陽城矣。河

水又逕荏平城東，疑縣徙也。案今本脫此四字，考上文以碭微城爲荏平城內有故臺，世謂之時平城，

非也。蓋荏時音相近耳。

又東北過高唐縣東。案原本及近刻並作縣，界蓋後人所改。今考下注云：大河又東北逕高唐縣故城西，經言出東，誤耳。可證經本作東，故注特辯之。

河水於縣。潔水注之。地理志曰：潔水出東武陽。今潔水上承河水於武陽縣東南。西北逕武陽新城東。

曹操為東郡所治也。引水自東門石竇北注於堂池。池南故基尚存。城內有一石甚大。城西門名冰井。

門。門內曲中冰井猶存。門外有故臺，號武陽臺。而臺亦有隅雉遺迹。案此九十六字原本又見前，戴延

考下文。水自城東北逕東武陽縣故城南。所謂自城者，承上武陽新城也。若徑接潔水注之，則潔注水

河在高唐縣。水自城三字不可通矣。然則九十六字本應繫之于此。後人妄移前耳。今存此，刪彼。自城東北逕東武陽縣故城南。應劭曰：縣在武水之陽。王莽之武昌也。然則潔水亦或武水矣。臧洪為

東郡太守，治此。曹操圍張超於雍丘，洪以情義請袁紹救之，不許。洪與紹絕，紹圍洪，城中無食。洪呼吏

士曰：洪於大義，不得不死。諸君無事，空與此禍。案與近刻作受。衆泣曰：何忍捨明府也！男女八千餘人相枕而

死。洪不屈。紹殺洪，邑人陳容為丞，謂曰：寧與臧洪同日死，不與將軍同日生。紹又殺之。士為傷歎。今城

四周紹圍郭尚存。水而隍壑於城東北，合為一瀆。東北出郭，逕陽平縣之岡，成城西。案原本及近刻並

補。郡國志曰：陽平縣有岡成亭。案成近刻又北逕陽平縣故城東。漢昭帝元平元年，封丞相蔡義為侯

國。潔水又北絕莘道城之西北，有莘亭。春秋桓公十六年，衛宣公使伋使諸齊，令盜待於莘，伋壽繼殞

於此亭。京相璠曰：今平原陽平縣北十里。案平原近刻有故莘亭。案此下近刻阨限蹊要，自衛適齊之道

也。望新臺於河上，感二子於夙齡。詩人乘舟，誠可悲矣。今縣東有二子廟，猶謂之為孝祠矣。案近刻潔

水又東北逕樂平縣故城東。縣故清也。漢高帝八年，封室中同於清。案近刻室訛宣帝封許廣漢少弟

翁孫於樂平。並爲侯國。王莽之清治矣。漢章帝建初中。案初近刻更從今名也。漯水又北逕聊城縣故

城西。城內有金城。周而水。南門有馳道。絕水南出。自外泛舟而行矣。東門側有層臺。秀出雲表。案近刻脫

此二字魯仲連所謂還高唐之兵。卻聊城之衆者也。漯水又東北逕清河縣故城北。案此十二字原本及

以下皆注內地理風俗記曰。甘陵故清河。清河在南十七里。今於甘陵縣故城東南。無城以擬之。直東

二十里。有艾亭。城東南四十里有此城。擬即清河城也。後蠻居之。故世稱蠻城也。漯水又東北逕文鄉

城東南。又東北逕博平縣故城南。案此二十一字原本及近刻並載城內有層臺。秀上。案近刻脫王莽

改之曰加睦也。右與黃溝同注川澤。案此八字原本及近刻並訛作經黃溝承聊城郭水。水泛則津注。水耗則輟流。自

城東北出。逕清河城南。又東北逕攝城北。春秋所謂聊攝以東也。俗稱郭城。非也。城東西三里。南北二

里。東西隅有金城。城卑下。墟郭尙存。左右多墳壠。京相璠曰。聊城縣東北三十里。有故攝城。今此城西

去聊城二十五里許。即攝城者也。又東逕文鄉城北。又東南逕王城北。案此十四字原本及近刻並

敘黃溝魏太常七年。安平王鎮平原所築。世謂之王城。太和二十三年。罷鎮立平原郡。治此城也。黃溝

又東北流。左與漯水隱覆。勢鎮河陸。東出於高唐縣。大河右迪。東注漯水矣。案此三十一字原本桑欽

地理志曰。漯水出高唐。余按竹書穆天子傳。稱丁卯。天子自五鹿東征。釣於漯水。以祭淑人。是曰祭丘。

已巳。天子東征。食馬於漯水之上。尋其沿歷逕趣。不得。近出高唐也。桑氏所言。蓋津流所出。案近刻次

於是間也。案近刻是俗以是水上承於河，亦謂之源河矣。漯水又東北逕援縣故城西。案此十一字，原本及近刻並訛

作王莽之東順亭也。杜預釋地曰：濟南祝阿縣西北有援城。漯水又東北逕高唐縣故城東。案此十二字，原本及近刻並訛

近刻並訛昔齊威王使盼子守高唐。案盼近刻訛趙人不敢漁於河，即魯仲連子謂田巴曰：今楚軍南陽，趙

伐高唐者也。春秋左傳哀公十年，趙鞅帥師伐齊，取犁及轅。案犁近刻訛毀高唐之郭。杜預曰：轅，即援

也。祝阿縣西北有高唐城。漯水又東北逕潔陰縣故城北。案此十二字，原本及近刻並訛作經。縣故犁邑也。漢武帝元光

三年，封匈奴降王王莽，更名翼成。歷北潔陰城南，伏琛謂之潔陽城。南有魏沈州刺史劉岱碑。地理風

俗記曰：平原潔陰縣，今巨漯亭是也。漯水又東北逕著縣故城南，又東北逕崔氏城北。案此十九字，原本及近刻並訛

作春秋左傳襄公二十七年，崔成請老于崔者也。案近刻脫于字杜預釋地曰：濟南東朝陽縣西北有

崔氏城。漯水又東北逕東朝陽縣故城南。案此十三字，原本及近刻並訛作經。漢高帝七年，案近刻訛封都尉宰寄為侯

國。案宰近刻訛地理風俗記曰：南陽有朝陽縣，故加東。地理志曰：王莽之脩治也。漯水又東逕漢徵君伏

生墓南。案此十二字，原本及近刻並訛作經。碑碣尚存，以明經為秦博士，秦坑儒士，伏生隱焉。漢興，教於齊魯之間，撰五

經尚書大傳。文帝安車徵之。案文帝二字，近刻訛在撰字上。年老不行，乃使掌故歐陽生等受尚書於徵君，號曰伏生

者也。漯水又東逕鄒平縣故城北。案此十一字，原本及近刻並訛作經。古鄒侯國。案古近刻訛舜後姚姓也。又東北逕東鄒

城北。案此八字，原本及近刻並訛作經。地理志，案志下近刻訛千乘郡有東鄒縣。漯水又東北逕建信縣故城北。案此十二字，原本及近刻並訛

近刻並。漢高帝七年封婁敬為侯國。應劭曰：臨濟縣西北五十里有建信城。案信下近刻衍侯字。都尉治故城者

也。潔水又東北逕千乘縣二城間。案此十二字原本及近刻並訛作經。漢高帝六年以為千乘郡。王莽之建信也。章帝建

初四年為王國。和帝永元七年改為樂安郡。故齊地。案近刻訛作也。伏琛曰：千乘城在齊城西北百五十里。近

刻脫。隔會水即潔水之別名也。又東北為馬常坑。案此七字原本及近刻並訛作經。坑東西八十里。南北三十里。亂河

枝流而入於海。案注內敘潔水終于此。河海之饒茲焉為最。地理風俗記曰：潔水東北至千乘入海。河盛則通津

委海。水耗則微涓絕流。書浮於濟。潔亦是水者也。

又東北過楊虛縣東。商河出焉。案楊虛今漢書地理志訛作樓虛。功臣表同。惟王子侯表仍作楊虛。又河

此經之後始敘河流。

地理志楊虛平原之隸縣也。漢文帝四年。案文近刻訛作景。以封齊悼惠王子將闔為侯國也。案闔近刻訛作廬。城在

高唐城之西南。經次於此。是不比也。商河首受河水。案近刻脫水字。亦潔水及澤水所潭也。案潭下近刻衍水字。淵而不

流。世謂之清水。自此雖沙漲填塞。厥迹尚存。歷澤而北。俗謂之落里坑。逕張公城西。又北重源潛發。案

下近刻有世謂之落里坑六字。係衍文。亦曰小漳河。商漳聲相近。故字與讀移耳。商河又北逕平原縣東。又逕安德縣故

城南。又東北逕平昌縣故城南。案平昌原本及近刻並訛作昌平。據漢書改正。又東逕般縣故城南。又東逕樂陵縣故城南。案

四十四字原本及近刻並訛作經。漢宣帝地節四年封侍中史子長為侯國。商河又東逕枋縣故城南。今考以下皆注內敘商河所逕。

案此十字原本及近刻並訛作經初近刻訛作初下同高后八年封齊悼惠王子劉辟光為侯國王莽更之曰張鄉應劭曰般縣

東南六十里有枋鄉城故縣也沙溝水注之案此五字原本及近刻並訛作經水南出大河之陽泉源之不合河者二

百步其水北流注商河商河又東北流逕馬嶺城西北屈而東注南轉逕城東案此二十一字原本及近刻並訛作經城

在河曲之中東海王越斬汲桑於是城商河又東北逕富平縣故城北案此十二字原本及近刻並訛作經地理志曰侯

國也王莽曰樂安亭案近刻訛作安樂亭應劭曰明帝更名厭次案近刻脫此二字闕駟曰厭次縣本富平侯車騎將軍

張安世之封邑案侯近刻訛作矣非也按漢書昭帝元鳳六年封右將軍張安世為富平侯薨子延壽嗣國在

陳留別邑在魏郡案近刻脫在字陳留風俗傳曰陳留尉氏縣安陵鄉故富平縣也是乃安世所食矣歲入租

千餘萬延壽自以身無功德何堪久居先人大國上書請減戶案近刻脫請字天子以為有讓徙封平原并食

一邑戶口如故而稅減半十三州志曰明帝永平五年改曰厭次矣按史記高祖功臣侯者年表高帝

六年封元頃為侯國徐廣音義曰漢書作爰類案作下近刻衍侯字是知厭次舊名非始明帝蓋復故耳縣西有

東方朔冢冢側有祠案近刻脫一冢字祠有神驗水側有雲城漢武帝元封四年封齊孝王子劉信為侯國也

商河又分為二水南水謂之長叢溝案此十四字原本及近刻並訛作經東流傾注于海案于近刻訛作為溝南海側有蒲臺臺

高八丈方二百步三齊略記曰鬲城東南有蒲臺秦始皇東遊海上於臺上蟠蒲繫馬至今每歲蒲生

案近刻縈委若有繫狀似水楊可以為箭今東去海三十里北水世又謂之百薄瀆案此九字原本及近刻並訛作經百

訛作東北流。注於海水矣。案注內敘商大河又東北逕高唐縣故城西。案此十二字原本及近刻並訛

白。此過高唐縣東。已見前。春秋左傳襄公十九年。齊靈公廢太子光而立公子牙。以夙沙衛為少傅。齊侯卒。此係注文正經之失。

崔杼逆光。光立殺公子牙於句瀆之丘。衛奔高唐以叛。京相璠曰。本平原縣也。齊之西部也。大河逕其

西而不出其東。經言出東。誤耳。案此辯前經文過。高唐縣東之失。大河又北逕張公城。臨側河澹。案此十二字原本衛

青州刺史張治此。案張某。脫其名。故世謂之張公城。水有津焉。名之曰張公渡。河水又北逕平原縣故城東。案

十一字原本及近刻並訛作經。地理風俗記曰。原博平也。故曰平原矣。縣故平原郡治矣。漢高帝六年置。王莽改曰河

平也。晉灼曰。齊西有平原。案此下近刻作河水。高唐即平原也。案近刻脫故經

言河水逕高唐縣東。案此明河水逕高唐縣西。平原縣東。而經非也。按地理志曰。有高原本及近刻此下

係覆衍上文。地理志無是語。高唐。深水所出。平原。則篤馬河導焉。明平原非高唐。大河不得出其東審矣。大河右溢。

世謂之甘棗溝。案此十字原本及近刻並訛作經。水側多棗。故俗取名焉。河盛則委泛。水耗則輟流。故溝又東北。歷長

隄。逕深陰縣北。案此十三字原本及近刻並訛作東逕著城北。東為陂淀。淵潭相接。世謂之穢野。薄河

水又東北逕阿陽縣故城西。案此十二字原本及近刻並訛作漢高帝六年。封郎中萬祈為侯國。應劭

曰。深陰縣東南五十里。有阿陽鄉。故縣也。

又東北過深陽縣北。案陽。近刻訛作陰。

河水自平原左逕安德城東而北為鹿角津東北逕般縣樂陵枋鄉至厭次縣故城南為厭次河案此

七字原本及近刻並訛作經漢安帝永初二年劇賊畢豪等數百案豪近刻訛作毫下同乘船寇平原縣令劉雄門下小吏所

輔浮舟追至厭次津與賊合戰並為賊擒求代雄豪縱雄於此津所輔可謂孝盡愛敬義極君臣矣河

水右逕潔陰縣故城北案此十字原本及近刻並訛作經王莽之巨武縣也河水又東北為潔沃津案此九字原本及近刻並訛作經

在潔沃縣故城南案近刻脫在字王莽之延亭者也地理風俗記曰千乘縣西北五十里有大河河北有潔沃

城故縣也魏改為後部亭今俗遂名之曰右輔城河水又東逕千乘城北案此九字原本及近刻並訛作經伏琛之所

謂千乘北城者也

又東北過利縣北案利縣原本及近刻並訛作黎城縣考濟水章經文云東北過利縣西又東北過甲下邑入于河可證此經訛舛今改正又東北過甲下邑濟水從

西來注之又東北入於海

河水又東分為二水枝津東逕甲下城南東南歷馬常坑注濟案此二十四字原本及近刻並訛作經經言濟水注河非

也案此二字原本及近刻並訛在倉子城下考濟水注云又東北河水枝津注之水經以為入河非也斯乃河水注濟非濟入河其文與此注互相發明河水自枝津東北流逕

甲下邑北世謂之倉子城又東北流入於海案此即濟水注所謂河水于淮南子曰九折注於海而流

不絕者崑崙之輸也尚書禹貢曰夾右碣石入於河山海經曰碣石之山繩水出焉東流注於河河之

入海舊在碣石今川流所導案所近刻訛作可非禹瀆也周定王五年河徙故瀆故班固曰商竭周移也案竭

訛作碣。又以漢武帝元光二年。河又徙東郡。更注渤海。是以漢司空掾王璜言曰。往者天嘗連雨。東北風。案近刻。作往昔。海水溢。西南出。侵數百里。故張折云。案折近。刻作君。碣石在海中。蓋淪於海水也。昔燕齊遼曠。天嘗連北風。分置營州。今城屆海濱。海水北侵。城垂淪者半。王璜之言。信而有徵。碣石入海。非無證矣。



國家圖書館



004759313

